

Tuni Bidi Dabego Po Elalubo Buku Deli

Hasia nedebo po

Te buku 1 Storime 2 Storidago nogi ebo dao, te buku si tomode te buku Samuel me buku King tomode pusali po tiwai hauwa ma pusai elalubao. Tede wali po hauwa te deli me bukude wali po tiwai hauwa mu ma wali, tiali goli te aseani bidigo homude aseani po page, te tedali dwasianu gasagi yai aseani. Te buku sigo te bidigo yali homu po te hanilama hania pusali.

(1) Mu dao, Israel hani augwaligo God tudiba mubaso, te haniani segego augwali dolali, tiali goli Godigo augwali mu tagalobeo. Menio. Godigo se augwali dali me idubadi, agai augwa wai noq dabe dali daq wali bomai poba usu nainogo yalio. Te homu kolesaga hanilama ola mawai hagede yali, te buku sigo hanilama pusali po te wiegi yai se dabe te king Devit, me Solomon, me Jehosafat, me Hesekia, me Josaja, augwali nogode pedelali se po pusali.

(2) Te buku side wali po te Godigo Moni tempel be Jerusalemde te we bidigo Godiba lotu wabo kolesagade po hauwa elalubao. Te augwaligo mena page elalubaso, te kolesaga dabe pedelali, te buku side wali pogo hania hanilama ola mawai. Tama me, augwali sigo te pris dabego me te Livai hani dabe augwaligo ebo sepe po hania hanilama pusa mawai dao.

1 Storibukude te Israel dabe augwali bulali wai noq dabe nogi aseani po elalubao, te Adamde gagalasa te king Solba usu nagasali. Tama agai te king Sol me king Devit si bidu yali se po me pusai dao.

Adamgo Hani Dabe Dao

(Daj 1:1-27)

Adamgo ogwa dabego hani dabego nogi dao

(Gag 5:1-32; 10:1-31; 11:10-26)

1 ¹Adam te Setgo aya, te Set Enosgo aya dao. ²Enos te Kenango aya, tama te Kenan te Mahalalelgo aya, te Mahalalel te Jaretgo aya dao. ³Jaret aga te Enokgo aya, tama Enok te Metuselago aya, Metusela te Lamekgo aya, ⁴tama Lamek te Noago aya dao. Tama

Noago ogwa sela elaluali. Ogwa sela nogi e tiwai, Sem, me Ham, me Jafet.

⁵Te Jafetgo ogwa dabego nogi e tiwai dao, Gomer, me Magok, me Madai, me Javan, me Tubal, me Mesek, me Tiras dao. ⁶Gomer agade bulali waji nõ nõ hani bage te Askenas, me Rifat, me Togarma dao. ⁷Javan agade bulali waji nõ nõ hani bage Elisa, me Tarsis, me Saiprus, me Rodes dao.

⁸Hango ogwa dabe nogi e tama dao, Kus, me Misraim, me Put, me Kenan. Kus agade bulali waji nõ nõ dabe Sudan, te Misraim agade bulali waji nõ nõ te Isip dabe dao, te Put agade bulali waji nõ nõ te Libia dao, te Kenan agade bulali waji nõ nõ te Kenan hani dabe dao. ⁹Te Kusgo ogwa dabego nogi e tiwai, Seba, me Havila, me Saptu, me Rama, me Sapteka. Ramago ogwa si ame nai, Seba me Dedan dao. ¹⁰Kusgo gasa ogwa me elaluai, aga nogi te Nimrot. Nimrot te hasia mu te we bidi tonalubo bomai king bidi pedelama bidali.

¹¹Misraim agai waji nõ nõ dabe te Lidia dabe, me Anam dabe, me Leahap dabe, me Naptu dabe, ¹²me Patrus dabe, me Kaslu dabe dao. Tama nosali te Filistia dabe da te Kaslu hanidu pedelai dao. Tama te Kaptor dabe me augwali te Misraim agai waji nõ nõ dabe dao. ¹³Kenan agai bulali waji nõ nõ dabe te Saidon dabe, te agai gomunai ogwago bulali waji nõ nõ hani dabe dao. Tama me Kenan aga te Hit dabe, me

¹⁴te Jebus dabe, me Amor dabe, me Girgas dabe, ¹⁵me Hivi dabe, me Arka dabe, me Sini dabe, ¹⁶me Arvat dabe, me Semar dabe, me Hamat dabe, te augwali bulali waji nõ nõ Kenan dao.

¹⁷Siemgo ogwa dabe nogi e tiwai, Elam, me Asur, me Arpaksat, me Lut, me Aram, me Us, me Hul, me Geter, me Mesek dao.

¹⁸Arpaksat aga te ogwa Selago aya, te Sela te ogwa Ebergo aya dao. ¹⁹Ebergo ogwa si ame nani, Pelek me Joktan dao. Te tõde we bidi augwali te hani hauwa pebeda pabo se ebo gagalali, te Pelek pedelali sogo tialio, tama tibaso aga ayago aga nogi Pelek poalio.^a

²⁰Te Joktango ogwa dabego nogi e tiwai dao, Almodat, me Selep, me Hasarmavet, me Jera, ²¹me Hadoram, me Usal, me Dikla, ²²me Ebal, me Abimael, me Seba, ²³me Ofir, me Havila, me Jobap dao. ²⁴Siem te Arpaksatgo aya, aga Selago aya, me ²⁵Sela te Ebergo aya, te Eber Pelekgo aya, aga te Reugo aya dao, ²⁶te Reu aga te Serukgo aya, te Seruk Nahorgo aya dao. Tama Nahor te Terago aya, ²⁷tama Tera te Abramgo aya da. Abram nogi gesi me hasegelali, te nogi Abraham dao.

^a 1:19 Te Hibru pode te nogi Pelek te page te tobage pade te tiwai si elalubao, "pebeda palio."

Abrahamgo hani dabe

(Dqi 1:28-54)

Abrahamgo hani ogwa mebago nogi dao

(Gag 25:12-16)

²⁸Abrahamgo ogwa si elalui, Aisak me Ismael dao. ²⁹Ismaelgo gomunai ogwa te Nebaiot. Te Ismaelgo gasa ogwa dabego nogi e tiwai dao, Kedar, me Atbel, me Mipsam, ³⁰me Misma, me Duma, me Masa, me Hadat, me Tema dao, ³¹me Jetur, me Nafis, me Kedema dao.

³²Abrahamgo si wali we me sai, aga nogi Ketura. Te Keturago ame nani ogwa dabe nogi e tiwai, Simran, me Joksan, me Medan, me Midian, me Isbak, me Sua. Joksango ogwa si elaluali, Seba me Dedan. ³³Te Midiango ogwa dabe nogi e tiwai, Efa, me Efer, me Hanok, me Abida, me Elda, te tama dao.

Te Isogo hani ogwa dabe nogi dao

(Gag 36:1-19)

³⁴Aisak, te Abrahamgo ogwa, agai ogwa si elalui, Iso me Jekop. Te Jekopgo gasa nogi me da, te Israel dao. ³⁵Tama Isogo ogwa dabego ogwa nogi dabe e tiwai, Elifas, me Ruel, me Jeus, me Jalam, me Kora dao. ³⁶Elifasgo ogwa dabe nogi e tiwai, Teman, me Omar, me Sefi, me Gatam, me Kenas, me Timna, me Amalek dao. ³⁷Ruelgo ogwa dabe nogi e tiwai, Nahat, me Sera, me Sama, me Misa dao.

Te Seirgo ogwa dabe hani nogi dabe

(Gag 36:20-30)

³⁸Seirgo ogwa dabe nogi e tiwai, Lotan, me Sobal, me Sibeon, me Ana, me Dison, me Eser, me Disan dao. ³⁹Lotango ogwa dabe nogi e tiwai dao, Hori me Homam. Lotango abe Timna dao ⁴⁰Sobalgo ogwa dabe nogi e tiwai, Alvan, me Manahat, me Ebal, me Sefi, me Onam dao. Sibeongo ogwa dabe nogi e tama, Aia me Ana dao. ⁴¹Anago ogwa te Dison da. Disongo ogwa dabe nogi e tama, te Anago ogwago ogwa nogi e tiwai, Hamran, me Esban, me Itran, me Keran dao. ⁴²Esergo ogwa dabe nogi e tama da, Bilhan, me Savan, me Jakan. Te Disango ogwa dabe nogi e tama, Us me Aran dao.

Te Idom king dabego nogi dao

(Gag 36:31-43)

⁴³Te tɔ kantri Israelde tuni bidi king elalusiɔbadi, te tɔ kantri Idomde king hauwa elalua pali. Hasia mu bidali king Bela, te Beorgo ogwa da. Aga te taun Dinhabade king bidali. ⁴⁴Tama Bela isibaso,

Jobap, te Serago ogwa, te taun Bosra bidi, te king pedelai dao. ⁴⁵Tama Jobap isibaso, te Husam te Teman bulu tɔ bidi te king bidai dao. ⁴⁶Tama Husam isibaso, Hadat, te Bedatgo ogwa, te king pedelai dao. Hadat te tɔ kantri Moapba pelama, te Midian dabe dali boi hwɪnama augwali aiyaba elalui. Hadat te taun Avitde king bidalio. ⁴⁷Te Hadat isibaso da, Samla te taun Masreka bulu bidi king pedelali. ⁴⁸Te Samla isibo si da, Saul te taun Rehobot te wɛ Yufretis bulu pɔde bidi, te king pedelama bidai dao. ⁴⁹Te Saul isibaso da, Balhanan, te Akborgo ogwa, te king pedelai dao. ⁵⁰Tama te Balhanan isibaso, Hadat king pedelali. Tama aga te taun Pau tede king bidai, aga we, te Mehetabel da, te Matretgo wegi, te Mesahapgo bulai wɔ nɔgo wegi dao.

⁵¹Hadat isibo si da, nosali te tobolu bidi hetman dabego te Idom tonaluai dao. Augwaligo te bulu tɔ pedai distrik dabe tonaluai, Timna, me Alva, me Jetet, ⁵²me Oholibama, me Ela, me Pinon, ⁵³me Kenas, me Teman, me Mipsar, ⁵⁴me Makdiel, me Iram, te bulu dabe te 11 tama bulu dabe tonaluai dao

Israelgo ogwa dabe nogi e dao

(Dɔi 2:1–9:1)

2 ¹Israelgo ogwa dabe augwaligo nogi dabe e dao, Ruben, me Simeon, me Livai, me Juda, me Isakar, me Sebulun, ²me Dan, me Josep, me Benjamin, me Naptali, me Gat, me Aser dao.

Judago hani

Judago ogwa dabe augwaligo nogi dao

³Judago ogwa dabego nogi e tiwai, Er, me Onan, me Sela dao. Te sela bidigo augwa ida te Batsua, te Kenan hani we me deli da. Er, Judago gomunai ogwa, agai dwai kolesaga mu ebaso, te Genuai Bidigo aga ela muai dao. ⁴Tama Judago gasa ogwa si me elaluali, Peres me Sera. Augwali sigo ida Tamar da, Judago au we da. Judago ogwa a naga elalui dao.

⁵Peresgo ogwa dabego nogi e tama da, Hesron me Hamul dao. ⁶Te Serago ogwa dabe nogi e tama da, Simri, me Etan, me Heman, me Kalkol, me Darda. Serago ogwa a naga elalui dao. ⁷Akan,^b te Kamrigo ogwa, aga te Serago hani da. Te Israel dabego Godiba sa muai nai dabe

^b 2:7 Akan te bidi aga nogi mu da. Tialima te po dage aseani bidi agai te nogi Akar aseani. Magi baso meni, te Hibru pode te nogi Akar te tiwai po pɔde tiwai si elaluali, te po page e tama dao, “Dolali,” wali.

agai salio. Te tama tiali hagede Godigo te Israel we bidi genuai sege mawai dao.^c ⁸Etango ogwa deli ame nai, te ogwa nogi te Asaria dao.

King Devit pedelali hani waj

⁹Hesron te Peresgo ogwago te ogwa dabe sela elaluai, augwa nogi e dao, Jeramel, me Ram, me Kalep dao. ¹⁰Ram te Aminadapgo aya, tama Aminadap te Nasongo aya da, te Juda hani dabego polalubo tobolu bidi me deli dao. ¹¹Tama Nason te Salmongo aya, tama Salmon te Boasgo aya da, ¹²tama Boas te Obetgo aya da, tama Obet te Jesigo aya dao.

¹³Jesigo ogwa nogo a naga olama, me badu nogo si tama bidali. Gomunai ogwa Eliap, si wali ogwa Aminadap, sela ogwa wali Simea, aga gasa nogi me Sama dao. ¹⁴Te me si me si wali ogwa Netanel, te a naga wali ogwa Radai. ¹⁵Me badu nogo kibisa wali ogwa nogi da Osem, te nogo a naga olama, me badu nogo si wali ogwa da te Devit dao. ¹⁶Tama me Jesigo wegi si elaluali, Seruia me Abigel. Seruiago ogwa sela ame nani, Abisai, me Joap, me Asahel. ¹⁷Tama Abigel te Ismael hani bidi Jetergo selama, tama Abigelgo ogwa deli ame nani, aga nogi Amasa dao.

Te Hesrongo ogwa dabe hani meba nogi dao

¹⁸Kalep, te Hesrongo ogwago, te we Asuba sali. Tama Asubago wegi me deli ame nai, aga nogi Jeriot. Tama Jeriotgo ogwa dabe nogi e tiwai, Jeser, me Sobap, me Ardon dao. ¹⁹Te Asuba isibaso, Kalepgo te we Efrata salio. Tama nosali Efratago te ogwa me deli ame nai, aga nogi Hur dao. ²⁰Tama Hur te Urigo aya, tama Uri te Besalelgo aya dao.

²¹Te Hesrongo kibu be bidi sese sela, ⁶⁰kibu be elalubadi, aga te bidi Makirgo wegi salio. Te we Gileatgo abe da. Tama te wego te ogwa deli ame nai, aga nogi Segup dao. ²²Segup te Jairgo aya da. Tama Jairgo te to kantri Gileatde elaluali taun dabe te ²³taun te tonaluai dao. ²³Tialima te Gesur me Siria te hani dabego te boi hwı̄agaselama, te Jairgo taun dabe sobadi te taun Kenat dali te aga pade elaluali taun dabe me salio. Augwaligo te ⁶⁰taun dabe salio. Te badu we bidi dabe augwali te Makirgo bulali waj nȭ dabe da, te Gileatgo aya dao. ²⁴Te Hesron te taun Kalep Efrata tede isali sogo, aga we, Abiya, haliga elaluai. Tama nosali Abiyago ogwa ame nobaso, tama aga nogi te Asur poali. Tama Asurgo te taun Tekoa nigilama hodolai dao.

Jeramelgo ogwa dabe hanigo nogi dao

²⁵Jeramel, te Hesrongo gomunai ogwa da, agai a naga ogwa elaluai. Gomunai ogwa te Ram, te gasa ogwa dabego nogi e tiwai, Buna, me Oren, me Osem, me Ahiya dao. ²⁶⁻²⁷Ramgo ogwa sela elaluai, Mas, me

Jamin, me Eker dao. Tialima Jeramelgo gasa we me sali, agai nogi da Atara. Tama Atarago ogwa deli ame nani, aga nogi da Onam dao. ²⁸Tama Onamgo wai dabe nogi e tiwai, Samai me Jada. Te Samaigo wai dabe nogi da e tama, Nadap, me Abisur, si tama dao. ²⁹Abisurgo te we Abihail selama, tama Abihailgo te ogwa si ame nani, Aban me Molit si dao.

³⁰Te Nadapgo ogwa dabe nogi e tama, Selet me Apaim. Selet aga wai meni ebadi aga isai dao. ³¹Tialima Apaimgo ogwa deli ame nani, aga nogi Isi dao. Tama Isigo ogwa deli elalui, aga nogi da Sesan. Te Sesango ogwa deli bidali, aga nogi da Alai dao.

³²Jadago ogwa dabe nogi da e tama da, te Samaigo amago ogwa dabe e tiwai, Jeter me Jonatan. Jeter aga ogwa me ame nisabadi aga isai dao. ³³Tialima Jonatango ogwa si bidali, Pelet me Sasa. Te hani bidi augwali da te Jeramelgo ogwa hani dabe dao.

³⁴Sesango ogwa me bidibeo. Agai wegı dabe naga bidali. Tama te Sesango olo se ebo Isip bidi me deli bidai. Te olo se iduali bidigo nogi da, te Jara dao. ³⁵Tama Sesango aga wegı me deli te Jarago somainu ilalio. Tama augwali sigo ogwa deli ame nani, aga nogi da Atai dao. ³⁶Tama Atai te Natango aya, tama Natan te Sabatgo aya dao. ³⁷Tama Sabat te Eplalgo aya, tama Eplal te Obetgo aya dao. ³⁸Tama Obet te Jehugo aya, te Jehu da Asariago aya dao. ³⁹Tama Asaria te Helesgo aya, te Heles Eleasago aya da. ⁴⁰Tama Eleasa te Sismaigo aya, tama Sismai te Salumgo aya dao. ⁴¹Tama Salum aga Jekamiago aya, tama Jekamia te Elisamago aya dao.

Kalepgo ogwa dabe hanigo nogi dao

⁴²Kalep aga te Jeramelgo ama, te agai hasia gomunai ogwa, te Mesa dao. Tama Mesa te Sifgo aya da, tama Sif te Maresago aya, tama Maresa te Hebrongo aya dao. ⁴³Te Hebrongo ogwa dabego nogi e tama dao, Kora, me Tapua, me Rekem, me Sema dao. ⁴⁴Sema te Rahamgo aya, tama Raham te Jorkeamgo aya dao.

Rekem te Samaigo aya, ⁴⁵tama Samai aga te Maongo aya, te Maon te Betsurgo aya dao.

⁴⁶Te Kalepgo si wali we hani me deli nogi, te Efa. Te we Efago ogwa dabe nogi e tama dao, Haran, me Mosa, me Gases. Tama Haran te gasa Gasesgo aya dao.

⁴⁷Te Jadaigo ogwa dabe nogi e tiwai, Regem, me Jotam, me Gesan, me Pelet, me Efa, me Sap, te tama dao.

⁴⁸Te Kalepgo gasa si wali we hani me, te Maka dao. Te Makago ogwa dabe nogi e tiwai, Seber, me Tirhana, ⁴⁹me Sap, me Seva da. Sapgo te taun Matmana hodolobo se yali, tama Sevago te taun Makbena hodolobo se ebadi te taun Gibeaa me nivalio. Tama Kalepgo wegı deli bidali, aga nogi Aksa dao.

⁵⁰⁻⁵¹Tama Kalepgo gasa ogwa hani dabe me elaluali, Hur te Kalepgo we Efratago gomunai ogwa dao, tedu te gasa hani pedelali. Te Hurgo ogwa dabe nogi e tiwai, Sobal, me Salma, me Harep. Sobalگو te taun Kiriati Jearim nigali, te Salmago te taun Betlehem nigali, tama Harepgo te taun Betgader nigali dao.

⁵²Sobal, te Kiriati Jearim taun hodolali bidi da, aga te Haroe hani me Menuhot hani pedai bulali waji nõu da, ⁵³me te Kiriati Jearim hani dabe, te augwali Itra, me Put dabe, me Sumat dabe, me te Misra dabe da. Te Sora taun me Estaol taun te hani we bidi dabe augwaligo taun dao.

⁵⁴Salma te Betlehem taun we bidi dabego bulai waji nõu da, tama me te taun Netofa, me te bulu Atrot. Betjoap tama te Manahatgo hani pedai dabe, te augwali Sor dabe dao. ⁵⁵Tama gasa hani dabe augwali te taun Jabesde bidaluali, tama augwali te polobadu yali se ripot po ma asebo se, me te gasa naide po asebo se page konea pai bidi dabe. Te hani dabe augwa nogi e tama dao, te Tira dabe, me Simea dabe, me Suka dabe, te tama bage bidali. Te hani dabe augwali te Kingo hani dao. Te augwali bulali waji nõu da, te Hamat. Hamat aga te Rekap dabego waji nõu me dao.

Te king Devitgo ogwa dabego nogi

3 ¹Te Devitgo ogwa dabe meba te aga Hebron taunde bidali sogo ame nani. Augwaligo nogi dabe e dao. Gomunai ogwa Amnon da. Aga ida Ahinoam, te Jesril bulu we dao. Te si wali ogwa te nogi Daniel da, aga ida te Abigel, te taun Karmel we dao. ²Sela wali ogwa Apsalom. Aga ida, te Maka, te Talmaigo wegi da, te Gesur king bidi da. Te ene nanobo me si me si wabo ogwa nogi Adoniya. Aga ida da, te Hagit dao. ³Te nogo a naga wali ogwa te Sefatia da. Aga ida nogi da, te Abital. Te nogo kibisa wali ogwa te Iream. Aga ida nogi da, te Ekla dao. ⁴Devitgo ogwa dabe te 6 tama ogwa dabe aga te Hebronde king bidali sogo ame nani. Te aga Hebronde king bidali kibu be nogo a naga si, me polua a naga me deli tama bidai dao. Tama nosali aga Jerusalemde king bidibadi te kibu be 33 kibu be bidai dao. ^d⁵Tama aga tede bididubadi, agai te ogwa Simea, me Sobap, me Natan, me Solomon ame nani. Te me si me si ogwa dabego augwa ida te Batseba, te Amielgo wegi dao. ^e⁶Tama nosali, Devitgo gasa ogwa a naga olama, me si me si pedelali. Augwali nogi e tama, Iphar, me Elisama, me Elifelet, ⁷me Noga, me Nefek, me Jafia, ⁸me gasa Elisama, me Eliada, me gasa nogi sabi Elifelet dao. ⁹Devitgo te tama ogwa dabe ame nai. Tama agai ogwa meba umabo me elaluali, te agai si wali hani we dabego ame nani. Tama Tamar te Devitgo wegi dao.

Solomongo ogwa dabego hani nogi dabe

¹⁰Solomongo ogwa dabe hani dabego nogi e tiwai elalubao. Solomon te Rehoboamgo aya, te Rehoboam te Abiyago aya, te Abiya Asago aya

^d 3:4 2 Sml 5:4-5; 1 Kin 2:11; 1 Sto 29:27 ^e 3:5 2 Sml 11:3

da. Te Asa Jehosafatgo aya, ¹¹tama Jehosafat te Jehoramgo aya da, te Jehoram Ahasiango aya da, tama Ahasia te Joasgo aya dao. ¹²Tama Joas te Amasiango aya, tama Amasia te Usiango aya da, agai gasa nogi me Asaria. Tama Usia te Jotango aya da, ¹³tama Jotam te Ahasgo aya, te Ahas Hesekiango aya, tama Hesekia te Manasego aya dao. ¹⁴Tama Manase te Emongo aya, te Emon te Josaiango aya dao.

¹⁵Josaiango ogwa dabe nogi e tiwai. Gomunai ogwa Johanan, tomo ogwa Jehoiakim, te sela wali ogwa Sedekaia, te ene nanobo me si me si wali ogwa Salum da, te aga gasa nogi me Joahas dao. ¹⁶Te Jehoiakimgo ogwa si elaluali, Jekonia me Sedekaia. Jekoniango gasa nogi me Jehoiakin dao.

Jehoiakingo ogwa dabe hani nogi

¹⁷Te Jehoiakin aga te boi bidi dabego selama, te gasa t̄q kantriba kalabus igi pali king da. Te agai ogwa dabego nogi e tama elalubao, Sealtiel, ¹⁸me Malkiram, me Pedaia, me Senasar, me Jekamia, me Hosama, me Nedabia dao.

¹⁹Pedaiango ogwa dabe nogi e tiwai elalubao, Serubabel me Simeï. Serubabelgo ogwa si elaluali, Mesulam me Hanania, te wegï me deli elaluali, aga nogi da Selomit dao. ²⁰Tama Pedaiango gasa ogwa me nogo a naga ogwa dabe bidali. Augwa nogi dabe e tiwai da, Hasuba, me Ohel, me Berekia, me Hasadia, me Jusap Hesel. ²¹Te Hananiango ogwa dabe nogi e tama, Pelatia, me Jesaia. Te Jesaia aga te Refaiango aya, te Refaia te Arnango aya, te Arnan te Obadiango aya, tama Obadia te Sekaniango aya dao. ²²Sekaniango ogwa deli naga elaluai, aga nogi da Semaia. Te Semaiango ogwa nogo a naga elaluai. Augwa nogi dabe e tama, Hatus, me Igal, me Baria, me Nearia, me Safat dao. ²³Neariango ogwa sela bidali, Elioenai, me Hiskia, me Asrikam da. ²⁴Elioenango ogwa te 7 ogwa dabe bidali, Hodavia, me Eliasip, me Pelaia, me Akup, me Johanan, me Delaia, me Anani, te tama dao.

Te Juda hani meba umabo hanigo nogi dao

4 ¹Judago ogwa hani meba nogi e tiwai elalubao, Peres, me Hesron, me Karmi, me Hur, me Sobal dao.

²Sobal te Reaiango aya da, te Reaia te Jahatgo aya, aga te Ahumai de Lahat sigo aya. Te bidi dabe augwali te Sora taun we bidigo w̄aj̄ n̄ūq̄ dao.

³⁻⁴Hur te gomunai ogwa da, Efrata, Kalepgo wego ame nani. Hurgo te Betlehem taun nigibo s̄ę̄ hodolali. Hurgo ogwa dabe e tiwai elalubao, Jesril, me Isma, me Itbas, me Penuel, me Eser. Jesril ma Isma me Itbas, augwaligo te taun Etam nigibo s̄ę̄ hodolali. Te Hasaleponi te sela bidigo abe da. Penuelgo te taun Gedor hodolobo s̄ę̄ yali, te Esergo te taun Husa nigibo s̄ę̄ hodolai dao.

⁵Asur, te Tekoa taun nigali bidi da, agai we si elaluali, Hela me Nara dao. ⁶Narago ogwa ene nanobo ogwa me si me si ame nani. Augwali nogi e tiwai elalubao, Ahusam, me Hefer, me Temeni, me Hahastari da. ⁷Tama Helago ogwa sela ame nani. Augwali nogi e tiwai, Seret, me Ishar, me Etnan dao.

⁸Kos te Anupgo aya me Sobebago aya da. Tama aga te Aharhelgo bulai wai nq̄ deli hani bage mu da, te Harungo ogwa dao.

⁹Bidi me deli bidali, aga nogi da Jabes. Agai kolesaga te wiegi yai mu eyu te aga ama dabego ebo kolesaga aiyaba elaluali. Tama we bidi augwaligo genuai nogi agabolo mawai. Te Jabes aga idago aga ame nani sogo genuai dene ebadi ame nani, tama tibaso agai aga nogi Jabes^f nogi yali. ¹⁰Me sogo deli Jabesgo te Israelgo Godiba gedu haluasa po te tiwai wali, “God, eno homugo nago ena t̄ hauwa mao. Te eno homugo nage ena dali bidama ena tau sao, te nago ena bugagia tonalua, te dwai nai dabego enabolo dene maidalio,” wali. Tialima Godigo agai gedu haluasa po wabo odama, tama Jabesgo agaba hanalu wali s̄ po tiwai s̄ yai dao.

¹¹Kelup, te Suhago ama da, aga te Mehirgo aya, tama Mehira te Estongo aya dao. ¹²Tama Eston te Betrafa, me Pasea, me Tehina augwali selago aya da. Tehinago te taun Nahas nigibo s̄ hodolali. Te hani augwali te bulu Reka pedai badu bidai dao.

¹³Kenasgo ogwa dabe nogi te tiwai elalubao, Otniel, me Seraia. Tama Otniel te Hatatgo aya dao.

¹⁴Meonotai te Ofrago aya. Seraia aga te Joapgo aya da. Te bulali wai nq̄ Joap te bidali bulu augwa te tiwai nogi yali, “Te S̄ Bidi Augwa Odogo Bulu Da,” wai dao. Te odogo bulugo nogi te tama telaluali, magi baso meni, tede bidali bidi dabe augwaligo te haniani nai nigibo s̄ mu konea pai bidi dabe dao.

¹⁵Kalep, te Jefunego ogwa, agai ogwa sela elaluali. Augwa nogi e tiwai elalubao, Iru, me Ela, me Nam. Te Ela Kenasgo aya da. ¹⁶Te Jehalelgo ogwa dabe nogi e tiwai, Sif, me Sifa, me Tiria me Asarel.

¹⁷⁻¹⁸Te Esrago ogwa dabe nogi e tiwai elalubao, Jeter, me Meret, me Efer me Jalon. Meretgo we Bitia sali, te Isip king bidigo weḡi da. Te augwali sigo wai dabe nogi e tiwai da, Miriam me Samai me Isba. Isbago te Estemoa taun nigibo s̄ yalio. Tama Meretgo te Juda hanigo we me deli salio. Augwali sigo wai dabe nogi e tiwai da, Jeret me Heber me Jekutieli. Jeretgo te taun Gedor nigibo s̄ yali, te Hebergo te taun Sogo nigibo s̄ hodolali, te Jekutieli go te taun Sanoa nigibo s̄ hodolalio.

¹⁹Hodiago te Nahamgo abe sali. Augwali si te Gerem hanigo wai nq̄ te taun Keilade bidali, me te Maka hani te taun Estemoade bidalio.

²⁰Te Simongo ogwa dabe nogi e dao, Amnon, me Rina, me Benhanan, me Tilon da.

^f 4:9 Te Hibru pogo te nogi Jabes page te tobage p̄de si tiwai elalubao, “dene,” wali.

Te bidi Isigo ogwa nogi dabe e tama, Sohét me Bensohet dao.

²¹⁻²³Sela te Judago ogwa me deli da. Selago ogwa dabe meba nogi e tiwai, Er, me Lada, me Jokim, me Joas, me Sarap da, te Koseba taunde me Betasbea te taun side bidali bidi hani dabe da. Te Betasbea hani bidi dabego te wiegi yai nami ugwa dabe nigibo sę yai. Ergo te taun Leka nigibo sę yali, te Ladago te taun Maresa nigibo sę yai. Tama Joas me Sarap sigo te Moap tō me Jasubi Lahem tō tonalualio. Te bidi dabe augwali te taun Netaim me taun Gederade bidaluai, tama augwaligo te augwali tonaluali king bidigo sę eyu tama te tōgo sospen nigibo sę agabolo yai. Te augwalide așai po dage te bidi dabego polobadu mu așai dao.

Simeongo hani dao

²⁴Te Simeongo ogwa dabe nogi e dao, Nemuel, me Jamin, me Jarip, me Sera, me Saul dao. ²⁵Saul te Salumgo aya, te Salum Mipsamgo aya, tama Mipsam te Mismago aya da. ²⁶Te Mismago hani dabe nogi e dao. Misma te Hamuelgo aya, te Hamuel Sakurgo aya, te Sakur Simeigo aya da.

²⁷Simeigo ogwa te 16 ogwa, te wegi 6 tama elaluai. Tialima aga ama dedego wai hauwa me ame nabeo. Tama tialigo, te Simeongo hani genuai pedalisaiyu te Judago hani tiwai me ebeo. ²⁸Te Simeon hani dabe te tama taunde bidali, Berseba, me Molada, me Hasarsual, ²⁹me Bilha, me Esem, me Tolat, ³⁰me Betuel, me Horma, me Siklak, ³¹me Bet Markabot, me Hasarsusim, me Betbir, me Saraim. Te Simeongo hani dabe te taun dabede bidalubadi te king Devit bidali sogoba usu nai dao. ³²Tama me augwali te a naga taunde bidali, Etam, me Ain, me Rimon, me Token, me Asan, ³³tama te taun dabe pade elalubo dwasianu bulu dabede me bidada pelama, te taun Balatba usu nigi palio. Te taun dabe te Simeongo hanigo taun dabe elaluali. Tama te Simeongo hanigo te augwa wai noqu hanidu gagalasa te augwa deli hani tigidali nogi așai elaluai dao.⁸

³⁴⁻³⁸Te Simeongo tobolu bidi dabego nogi dabe te e dao, Mesobap, me Jamlek, me Josa, te Amasiago ogwa, me Joel, me Elioenai, me Jakoba, me Jesohaia, me Asaia, me Adiel, me Jesimiel, me Benaia, me Jehu, me Sisa da. Jehu te Josibiago ogwa, Josibia te Seraiago ogwa, tama Seraia te Asielgo ogwa da. Tama Sisa te Sifigo wai, te Sifi te Alongo ogwa, te Alon Jedaiaigo wai, tama Jedaia te Simrigo wai, tama Simri te Semaiaigo ogwa dao.

Te tobolu bidi dabego ame nani ogwago bulali wai dabe hani te umabo genuai mu pedelama, ³⁹tama augwa te bulmakau me sipsip tuabo wiegi yai nosai gegabo homu yai. Tibaso, augwali te Gedor taun paba bidigi pali, te giliga pedalubo badu te odogo bulu badu dao. ⁴⁰Augwaligo te

⁸ 4:33 Jos 19:2-8

bulu odogo malu t̄o genuai mu elalu, te wiegi yai nosai elalubo سوالio. Te augwali bugagia tegaluama bidiyu, te magi nai me deligo augwaliba seḡe me mabeo. Te Ham hani augwali polobadu tede bidai dao.

⁴¹Te Juda king bidi Hesekia bidali sogo, te Simeon hani tobolu bidi dabego te badu te wiegi yai nosai dabe elalubo suali. Tama tialima, augwali pelama, te Ham dabe dali me Meun dabeba me boi hwīgi palio. Tama augwaligo te hani dabego sel ugwa be dolama, te tigidali we bidi mu ela silai. Te delinu me bidibeo. Tama nosali te Simeon hani augwali te t̄ba bidigi palio.

⁴²Tama te bidi sese hauwa 500 bidi te Simeongo hani hogodama, te Seir bulu du te Idom pedai badu pali. Te augwa polalubo bidi dabe te Isigo ogwa dabe da. Augwa nogi da e tama da, Pelatia, me Nearia, me Refaia, me Usiel dao. ⁴³Polobadu te Amalek dwasianu hani te Israel dabede wi solama te badu bidigi soai. Tialima te Simeongo hanigo te Amalek hani tigidali ela munama, tama te Simeon hani te t̄ba bidigi pali, te bidada pali te buku asḡani bidi bidali sogoba usu nai dao.

Rubengo hani

5 ¹Ruben aga te Jekopgo gomunai ogwa da, Jekop aga gasa nogi Israel. Tialima agai te aga ayago we me deli dali pagela piali. Tama seḡ yaligo, aga te gomunai ogwa wabo nogi sabeo. Menio. Te aga ama Josepgo ogwa dabego te nogi salio. Tama tialima te Israelgo ogwa dabego nogi elalubo madide, te Ruben polalubo gomunai ogwa nogi elalube dao.^h ²Mu tama, Judago genuai nogi aga ama dede tomode elaluali, tiali goli Josepgo nogi ugwanu igulama, te gomunai ogwa nogi tiwai elaluai dao.ⁱ ³Rubengo ogwa dabego nogi e tiwai da, te Israelgo hasia ame nani ogwago ogwa dabe te tiwai elalubao, Hanok, me Palu, me Hesron, me Karmi dao.

⁴Joelgo hani e tiwai dao. Joel te Semaiaigo aya, tama Semaia te Gokgo aya, te Gok Simeigo aya da, ⁵tama Simeo te Maikago aya, tama Maika te Reaiaigo aya, tama Reaia te Balgo aya da, ⁶tama Bal te Berago aya. Te Bera te Ruben hanide tobolu bidi me deli da, tama Tiklat Pileses, te Asiria kingo, aga te kalabus sela pai dao.^j

⁷Te Rubengo bulali deli hani dabe, te polalubo tobolu bidi dabego nogi e tama da. Hasia bidi Jeiel, te gasa si me elalubao, Sekaraia, ⁸me Bela da. Bela te Asasgo ogwa, tama Asas te Semago ogwa, te Sema Joelgo ogwa da. Te Belago hani dabe augwali te taun Aroerde bidali, te Aroer not badu t̄de bidada pali, te Nebo taunba usu nama, te Balmeon taun daḡ igi pai dao. ⁹Augwali te t̄o pedai Gileat badu bidalu, tama augwaligo bulmakau me sipsip hauwa umabo pedelalio. Tibaso, augwali meba

^h 5:1 Gag 35:22; 49:3-4 ⁱ 5:2 Gag 49:8-10 ^j 5:6 2 Kin 15:29

pelama, te giliga pedalubo badu te wa pai bulu t̄ode bidali, te wa pai bulugo d̄aj̄ pali te w̄e Yufretisba usu nigi pai dao.

¹⁰Te Sol king bidali sogo, te Rubengo hanigo te Hagar hani dali boi hw̄inama, te augwali ela muai. Tama Ruben hani dabego te Hagar hani dabego t̄o selama, tama augwaligo te bulude augwali bidalio. Te t̄o pedai te giliga pedalubo badu te Gileat t̄o pedai badu elaluai dao.

Gat hani

¹¹Te Gatgo hani dabe te Basan t̄o pedai te not badu te Ruben hani bidali badu p̄ade bidali. Te augwaligo t̄o d̄aj̄ pali te taun Saleka te giliga pedalubo badu usu nigi pai dao. ¹²Te Gatgo deli hani bage meba te Basan t̄o pedaide bididubadi te bidi Joel hasia polaluali, tama te Safam si wabo bidi bidali, tama te tobolu bidi si Janai dali Safat dali si bidali.

¹³Te Gatgo deli hani te gasa ayago ame nani hani te 7 te tama hani me bidali. Augwa nogi da e tama da, Maikel, Mesulam, me Seba, me Jorai, me Jakan, me Sia, me Eber dao. ¹⁴Te hani augwa bulali w̄aj̄ n̄oq̄ da te Abihail, te Hurigo ogwa da. Tama Huri te Jaroago ogwa, tama Jaroa te Gileatgo ogwa, tama Gileat te Maikelgo ogwa, tama Maikel te Jesisaigo ogwa, te Jesisai te Jadogo ogwa, tama Jado te Busgo ogwa da. ¹⁵Te hani augwaligo polalubo tobolu bidi da te Ahi da, te Apdielgo ogwa te Gunigo w̄aj̄ n̄oq̄ dao. ¹⁶Te a naga olama me si hani augwali te Gileat me Basan t̄o pedai te taun dabede me te p̄ade dwasianu bulu dabede bidali, tama me augwali te t̄o Saronde bidai, te tigidali bulude te bulmakau me sipsipgo tuabo wiegi yai nosai dabe elalualio. ¹⁷Te Gat hani dabe nogi aseani bidi dabego king Jotam te Juda king bidali sogo me te Jeroboam te Israel king bidali sogo te aseai dao.

Ruben me Gat me Manase augwaligo te boi bidi dabe aiyaba elaluai

¹⁸Te Israel dabe augwali te w̄e Jordan te giliga pedalubo badu bidali, te Ruben hani me Gat hani me Manase hani me badu bidali, augwaligo ami bidi dabe te bidi sese hauwa umabo mu, te 44,760 bidi dabe bidali. Augwaligo te boi hw̄ibo sabele tulama, te hw̄a bainatgo hw̄ibo mu konea pai bidi dabe da, tama augwa te enesigigo enebo se me mu konea palio. ¹⁹Augwali pelama, te Hagar, me Jetur, me Nafis, me Nodap hani dabeba boi hw̄igi pai dao. ²⁰Te boi hw̄igi pabo sogo te Israel dabe augwaligo Godiba gedu haluasa po weyu hanalu te augwali tau somainu yali. Tama Godigo augwali tau mu selama, tama augwaligo te boi bidi dabe aiyaba elaluali. Te Israel dabego homu kolesaga bomo elama, te Godigo augwali tau somainu ebaso, tialima agai augwali tau salio. ²¹Te Israel dabe augwaligo te boi bidi dabego hasa sibi dabe salio. Augwaligo te bidi sese hauwa umabo 50,000 kamel sobadi, te 250,000 sipsip sobadi, te 2,000 donki me salio. Tama me augwaligo te boi we bidi dabe bidi sese hauwa

mu 100,000 boi bidi dabe sali. ²²Tiali goli te augwali boi hwįani sogo te boi bidi hauwa isali, magi baso meni, God aga digi te hwįbo tonalualigo te tama tialio. Tama nosali te Israel dabego te boi bidi dabego tų augwa selama bidali. Tama augwali te tųde bidada pidubadi, te gasa boi bidi dabego te Israel dabe gasa tų kantriba kalabus sela pali sogoba usu nai dao.

Manasego hani me badu

²³Manasego hani me badu genuai mu bidali. Augwali tų pedai distrik Basan badu bidali, tama augwali bidali bulu tų dų te not badu te taun Balhermon buluba usu nama pali, te bulu du Senirba me Hermon bulu du dų igi pai elaluai dao.

²⁴Te augwali hanide tobolu bidi bidali bidi dabego nogi da e dao, Efer, Isi, Eliel, Asriel, Jeremaia, Hodavia, me Jadiel dao. Te tobolu bidi dabe te wiegi yai ami dabe te genuai nogi elalualio.

Ruben me Gat me Manase te hani augwali te Asiriaba kalabus pai

²⁵Ruben, me Gat, me Manase te hani sela augwaligo te augwa wų nųgo Godigo po sela sųnama, augwa dwai sų yali. Tama augwaligo te bulude polobadu bidali bidi hanigo tibo godiba lotu po walio. Te Israel augwali te tųba sabolali sogo, Godigo te tųde bidali gasa hani bage sela sųwani. Tialima megı da, te Israel dabego God tagalali, te wego aga bidi tagalama subigila bidi hauwa dali penani sų ela bilibo tiwai yalio. ²⁶Tama tialima, Israelgo Godigo te Asiria king bidi Pul homu hodolali, te aga gasa nogi me Tiklat Pileser wali. Tama te Asiria dabego te Israel dabeba boi hwįagaselama, te augwali aiyaba elalualio. Tama te Asiria dabego augwali selama, te Hala tųba kalabus mugi pali, te Habor tųba me, te wų Gosan pųde te Hara bulu du pesageba pali. Tama augwali tede bidalubadi, te e buku asųani bidi bidali sogoba usu nai dao.^k

Livai hani

Te Livai hani dabe augwali polalubo pris bidali bidi dabe nogi e tiwai elalubao

6 ¹Te Livaigo ogwa dabe nogi te tama da, Gerson, me Kohat, me Merari dao. ²Kohatgo ogwa nogi dabe e tiwai da, Amram, Ishar, me Hebron, me Usiel da. ³Amramgo ogwa dabe nogi da e tama, Aron me Moses, me te wegi nogi Miriam. Te Arongo ogwa dabe nogi da e tama Nadap, me Abihu, me Eleasar, me Itamar dao. ⁴Eleasar te Finiasgo aya, te Finias Abisuago aya, ⁵me Abisua te Bukigo aya, Buki te Usigo aya, ⁶tama Usi te Serahiago

^k 5:26 2 Kin 15:19, 29; 17:6

aya, tama Serahia te Meraiotgo aya, ⁷tama Meraiot te Amariago aya, tama Amaria te Ahitupgo aya da, ⁸tama Ahitup te Sadokgo aya, tama Sadok te Ahimasgo aya, ⁹tama Ahimas te Asariago aya, tama Asaria te Johanango aya, ¹⁰aga te gasa Asaria mego aya da. Te king Solomongo Godigo tempel be te Jerusalemde se yani sogo te bidi Asaria aga te hetpris bidai dao. ¹¹Tama te Asaria te Amariago aya, tama Amaria te Ahitupgo aya, ¹²Ahitup te Sadokgo aya, te Sadok Salumgo aya, ¹³te Salum te Hilkiago aya, tama Hilkia te Asariago aya, ¹⁴tama Asaria te Seraiago aya, tama Seraia te Jehosadakgo aya dao. ¹⁵Te Genuai Bidigo king Nebukatnesar homu hodolali sogo, te Babilon dabe asama, te Juda dabe me Jerusalem dali selama, kalabus igi pali, te sogo augwaligo te bidi Jehosadak me kalabus sela pai dao.

Te gasa hani Livai dabego nogi da

¹⁶Te Livaigo ogwa dabe nogi da e tama da, Gerson, Kohat, Merari da. ¹⁷Te Gersongo ogwa dabe nogi da e tama da, Lipni me Simeï da. ¹⁸Kohatgo ogwa dabe nogi e tama da, Amram, me Ishar, me Hebron, me Usiel da. ¹⁹Merarigo ogwa dabe nogi da e da, Mali me Musi. Te hani sibi bidi dabe augwali te Livaigo deli hani bage dao.¹

²⁰Te Gersongo hani dabego nogi dabe da e tama da. Gerson te Lipnigo aya, Lipni te Jahatgo aya, Jahat te Simago aya, ²¹Sima te Joago aya, Joa te Idogo aya da, Ido te Serago aya, Sera te Jeateraigo aya dao.

²²Kohatgo hani e tama da. Kohat te Aminadapgo aya, Aminadap te Korago aya, te Kora Asirgo aya, ²³te Asir Elkanago aya, te Elkana Ebiasapgo aya, tama Ebiasap te gasa Asirgo aya, ²⁴tama Asir te Tahatgo aya, Tahat te Urielgo aya da, Uriel te Usiago aya, tama Usia te Saulgo aya dao.

²⁵Elkanago ogwa dabe nogi e tama da, Amasai, me Ahimot, ²⁶me Elkana. Te Elkanago hani da e tama, Elkana te Sofaigo aya, te Sofai te Nahatgo aya, ²⁷te Nahat te Eliapgo aya, tama Eliap te Jerohamgo aya, tama Jeroham te Elkanago aya dao.

²⁸Samuelgo ogwa dabe nogi e tiwai elalubao, Joel^m te gomunai ogwa, te tomo ogwa Abiya dao.

²⁹Merarigo hani da e tama elalubao. Merari te Maligo aya, Mali te Lipnigo aya, Lipni te Simeigo aya, tama Simeï te Usago aya, ³⁰tama Usa te Simeago aya, tama Simea te Hagiago aya, tama Hagia te Asaiago aya dao.

Te Godigo bedede te wiegi yai musik wabo bidi dabego nogi dabe da

³¹Te ede nogi elalubo bidi dabe te king Devitgo te Genuai Bidigo bedede wiegi yai po wabo nai musik elabo bidi dabe sa muai dao. Te Daq̄ Wali

¹ 6:19 Sai 6:16-19 ^m 6:28 Te bidi nogi Joel te Hibru pode megi elalubeo. Te polobadu elalubo subo aq̄ tiwai yali, te megi da. Te buku Daq̄ 6 ves 33 me te 1 Sml 8:2, tedede me te po elalubao, suao.

Bomo Yai Po Muani Halobage te Genuai Bidigo sel ugwa beba muagaselama nosali badu Devitgo te hani daj ilai dao. ³²Te lotu wabo sogo te hani dabego te sisinibo pesage te Genuai Bidigo ugwa be sunumi mabo pade te wiegi yai musik wabo se yai. Augwaligo te se Genuai Bidigo sel ugwa bede ela pidubadi, te king Solomongo te Genuai Bidigo gesi tempel be Jerusalemde se yani silibo sogoba mu usu nai. Te hani augwaligo te augwa ebo se de te bomai po bugagia wali pabo se ela piduai dao.

³³Devitgo te musik wabo se tonalubo bidi sela daj ilali. Tama nosali augwa wai dabego me te tobage deli se naga yalio. Te hasia polalubo bidi te Kohatgo hani, tama aga nogi da te Heman. Agai te teabi po wabo mu koneani. Heman te Joelgo ogwa, tama Joel te Samuelgo ogwa, tama ³⁴Samuel te Elkanago ogwa, tama Elkana te Jerohango ogwa, tama Jeroham te Elielgo ogwa, te Eliel te Toago ogwa da, ³⁵tama Toa te Sufgo ogwa, Suf te Elkanago ogwa, tama Elkana te Mahatgo ogwa, Mahat te Amasaigo ogwa da, ³⁶tama Amasai te Elkanago ogwa, te Elkana Joelgo ogwa, te Joel Asariago ogwa, tama Asaria te Sefanaigo ogwa, ³⁷tama Sefanaia te Tahatgo ogwa, te Tahat Asirgo ogwa, te Asir Ebiasapgo ogwa, tama Ebiasap te Korago ogwa da, ³⁸tama Kora te Ishargo ogwa, te Ishar Kohatgo ogwa, tama Kohat te Livaigo ogwa da, tama Livai te Israelgo ogwa dao.

³⁹Te Devitgo daj ilali si wali bidi me nogi, te Asap. Asap te aga ama te Heman dali deli se ebo bidi da. Tama te musik teabi wabo sogo Asap te aga hani dali te Hemango hanigo dolo nogo badu dolaluali. Asap te Berekiago ogwa, te Berekia Simeago ogwa da, ⁴⁰tama Simea te Maikelgo ogwa, tama Maikel te Baseago ogwa da, tama Basea te Malkiango ogwa da, ⁴¹tama Malkia te Etnigo ogwa, te Etni te Serago ogwa, tama Sera te Adaiago ogwa da, ⁴²tama Adaia te Etango ogwa, tama Etan te Simago ogwa, te Sima Simeigo ogwa da, ⁴³tama Simei te Jahatgo ogwa, tama Jahat te Gersongo ogwa, tama Gerson te Livaigo ogwa dao.

⁴⁴Devitgo daj ilali sela wali bidi me nogi te Etan, agai te Merari hani tonaluali. Te musik teabi wabo sogo te Merarigo hani bage te Heman hani pobase nogo badu dolaluali. Etan te Kisigo ogwa, tama Kisi te Apdigo ogwa, tama Apdi te Malukgo ogwa dao, ⁴⁵tama Maluk te Hasabiango ogwa, tama Hasabia te Amasiango ogwa, te Amasia te Hilkiango ogwa, ⁴⁶tama Hilkia te Amsigo ogwa, te Amsi te Banigo ogwa da, tama Bani te Semergo ogwa, ⁴⁷Semer te Maligo ogwa, Mali te Musigo ogwa, Musi te Merarigo ogwa, tama Merari te Livaigo ogwa dao.

⁴⁸Te Godigo ugwa be tomode meba gasa se tigidali yabo, te genuai bidi dabego te Livaigo gasa haniba daj ilalio.

Te Arongo ogwa dabe nogi dao

⁴⁹Te Aron me aga ogomani dabe dali augwaligo te isiba tigidali ulama dela silibo ofa te altade ebo se elaluali, tama te gasa altade me te wiegi

yai denami ilibo hano holobo ofa ebo sę ilali. Tama augwaligo te tigidali Tedali Gasagi Yai Mu Be Habude sę me yali. Tama augwaligo te Israel dabego sę sę sela sębo ofa me yalio. Tama augwaligo te tigidali sę ebo sogo augwaligo tigidali po te Moses, Godigo sę bidigo, te Aronba mani po tigidali mu wali pabo sę yalio.

⁵⁰Arongo hani e tama dao. Aron te Eleasargo aya, Eleasar te Finiasgo aya, tama Finias te Abisuago aya, ⁵¹tama Abisua te Bukigo aya, te Buki Usigo aya, tama Usi te Serahiago aya, ⁵²Serahia te Meraiotgo aya, tama Meraiot te Amariago aya da, te Amaria Ahitupgo aya, ⁵³tama Ahitup te Sadokgo aya, tama Sadok te Ahimasgo aya dao.

Te Israel dabego te Livai hani dabe dą ilali taun dabe nogi

⁵⁴Te ede da te Israel dabego Arongo hani dabeba dą ilama mani taun nogi dabe a sęani elalubao. Aron te Kohat hani bidi da. Te Israel dabego te Livai haniba te taun dabe dobawainogo yali sogo, augwaligo te satu gagali bolo elama, te mena hanigo mu hasia te taun sabo ola momainu yalio. Tialima satugo te Arongo hani dabego te taun sabo dą ilama dolo ponanio. ⁵⁵Tama tibaso, te Israel dabego te Juda hanigo tęde elaluali taun Hebron te Arongo haniba mawai. Tama augwaligo te taun pąde elaluali tę me tigidali manio. Te tęde te bulmakau me sipsip dabego tuabo wiegi yai nosai elaluai. ⁵⁶Tialima te gi dabe me te dwasianu bulu te Hebron pąde elaluali, te Israel dabego te Arongo hani dabeba mabeo, magi baso meni, augwaligo te Kalepba mawai, te Jefunego ogwa dao. ⁵⁷Te Israel augwaligo te taun Hebron me taun Jatir te hanu si te Arongo hani dabeba mawai. Hebron taun te Israel dabego te gasa bidi ela muani bidi wi pelama geme duala sigi pabo taun da olama dą ilali.ⁿ Tama augwaligo te gasa taun dabe me te Aron hani dabeba mawai. Te taun nogi dabe e tama da, Lipna, me Estemoa, ⁵⁸me Hilan, me Debir da, ⁵⁹me Asan, me Betsemes. Tama augwaligo te taun pąde elaluali tę meba me mawai. Te tęde te wiegi yai nosai te bulmakau dabe me sipsip dabego tuabo nosai elaluai dao. ⁶⁰Tama te Israel dabego te Benjamin hanigo tęde elaluali taun meba mawai. Te taun dabego nogi e tama da, Geba, me Alemet, me Anatot. Tama augwaligo te wiegi yai nosai elalubo tę dali mawai. Augwaligo te 13 te tama taun tigidali te Arongo hani dabeba mawai dao.

⁶¹Te Israel dabe augwaligo satu gagali ma elama, te gasa hani te Kohat hani dabe taun nogo si dą ma ilali. Te taun dabe te Manase hani pedaigo tęde te giliga dega sabo badu elaluali. ⁶²Tama augwaligo te nogo si olama sela taun dabe te Gersongo haniba dą ilama mawai. Te taun dabe te Isakar, me Aser, me Naptali, me te Manase hani pedai te Basan

ⁿ 6:57 Te buku Jos, Dąi 20, tede te po elalubo suao.

tõde bidali, te hani me si me sigo taun dabe manio. ⁶³Tama augwaligo te 12 taun dabe te Merarigo hani dabeba ðaj ilala peyu mawai. Te taun dabe te Ruben, me Gat, me Sebulun, te augwali hanigo tõe elalui dao. ⁶⁴Te tama tiali kolesagade augwaligo te taun dabe dali te wiegi yai nosai elalubo tõe dali te Livai dabeba mawai dao. ⁶⁵Te taun dabe meba te Juda, me Simeon, me Benjamin, te augwali hanigo tõe elaluali. Te hanu dabe nogi nago suali dao. Augwaligo satu gagali elama te taun ðaj ilai dao.

⁶⁶Te Kohat hani dabe meba augwaligo sali taun dabe meba te Efraim hani augwaligo tõe elalui dao. ⁶⁷Sekem te elaluali taun dabede te taun me deli da, tama te Efraimgo bulu du badu elalui. Te taun Sekem te Israel dabego ðaj ilali te bidi elali wi pabo bidi te taunba geme duala sigibu yali taun me deli da. Te gasa taun dabe nogi e tiwai elalubao, Geser, ⁶⁸me Jokmeam, me Bethoron, ⁶⁹me Aijalon, me Gatrimon da. Te Israel dabego te taun dabe te Kohat haniba mani sogo, augwaligo te wiegi yai nosai elalubo tõe dali te augwaliba mawai. ⁷⁰Te Kohat hanigo taun meba te Manasego hani pedaigo tõe badu elalualio. Te taun nogi e tama da, Aner me Bileam. Te Israel dabego te taun dabe te Kohat haniba mani sogo, augwaligo te wiegi yai nosai elalubo tõe dali manio.

⁷¹Te Israel dabego te Gerson haniba mani taun dabe meba, te Manase hani pedaigo tõe elalui. Te taun dabe nogi e tama da, te Basan tõe pedai distrikde, te taun Golan me taun Astarot si elaluali. ⁷²Tama te taun meba te Isakargo hani dabego tõe elaluali. Te taun nogi e tama, Kedes, me Daberat, ⁷³me Ramot, me Anem dao. ⁷⁴Te taun meba te Aser hanigo tõe elalui. Augwa nogi e tiwai da, Masal, me Apdon, ⁷⁵me Hukok, me Rehob dao. ⁷⁶Te taun dabe meba te Naptali hanigo tõe elalui. Augwa nogi da e tama da, taun Kedes te tõe pedai distrik Galilide elalu, me taun te Hamon, me taun te Kiriataim da. Tama Israel dabego te taun dabe te Gerson haniba mani sogo, augwaligo te wiegi yai nosai elalubo tõe dali manio.

⁷⁷Te Israel dabego te taun dabe meba te Merarigo haniba mani, te gasa Livai hani me da. Te taun dabe te Ruben hani me Gat hani me Sebulun hani te augwaligo tõe elaluali. Te Sebulun hanigo tõe elaluali taun dabe nogi e tama da, Rimon me Tabor da. ⁷⁸⁻⁷⁹Te Ruben hanigo tõe elaluali taun dabe nogi e tama da, Beser te tõe wa pai bulude elaluali, me Jasa, me Kedemot, me Mefat da. Te Ruben hanigo tõe da, te giliga asobo badu te wẽ Jordan te Jeriko taun pade dao. ⁸⁰Te Gat hanigo tõe elaluali taun dabe nogi e tiwai da, Ramot te Gileat tõe pedai distrikde elaluali, me Mahanaim, ⁸¹me Hesbon, me Jaser da. Te Israel dabego te taun dabe te Merari haniba mani sogo, augwaligo te wiegi yai nosai elalubo tõe dali mawai dao.

Isakar hani

7 ¹Te Isakargo ogwa me si me si bidali. Augwali nogi e tama da, Tola, me Pua, me Jasup, me Simron da. ²Te Tolago ogwa dabe nogi da e

tama da, Usi, me Refaia, me Jeriel, me Jamai, me Ipsam, me Samuel. Te bidi dabe augwali te Tolago hani dabe te tobolu bidi dabe, tama augwali te bomai ami bidi dabe da. Tama Devit te king bidali sogo, te Tola hanigo bidi 22,600 bidi dabe bidali te ami bidi pedelabo usu yai dao.

³Usigo ogwa deli digi mu tama bidali, aga nogi Israhia da. Te Israhia ogwa me si me si bidali. Augwa nogi e tama da, Maikel, me Obadia, me Joel, me Isia. Tigidali te augwa hanide polalubo tobolu bidi bidai dao.

⁴Te hani augwaligo we me wai hauwa elalui. Tama augwali hani te genuai pedelali, tama te hani dabe nogi aşani sogo, augwaligo nedali te 36,000 bidi te ami bidi pedelabo usu yalio.

⁵Isakargo hani we bidi dabe tigidali nogi dodolali şę yali sogo, augwaligo nedali namba e tama 87,000 bidi te ami bidi nigabo te usu yalio.

Benjamin hani

⁶Benjamingo ogwa sela elalui, Bela, me Beker, me Jediael dao. ⁷Belago ogwa nogo a naga ogwa bidali. Augwali nogi e tama da, Esbon, me Usi, me Usiel, me Jerimot, me Iri da. Tigidali te augwa hanide tobolu bidi bidali, te augwali bomai ami bidi dabe da. Tama te hani dabego nogi dodolali sogo, augwaligo nedali te 22,034 bidi te ami bidi pedelabo usu elalui dao.

⁸Bekergo ogwa dabe nogi e tama da, Semira, me Joas, Elieser, Elioenai, Omri, Jeremot, Abiya, me Anatot, me Alemet da. Te tigidali bidi te Bekergo ogwa dabe, tama tigidali te augwa hani dabede polalubo tobolu bidi dabe bidali, tama augwali te bomai ami bidi dabe bidai dao.

⁹Tama augwaligo te hani dabe nogi dodolobo sogo da, augwaligo nedali 20,200 bidi te ami pedelabo usu yai elalualio.

¹⁰Jediaelgo ogwa deli digi tama bidali, aga nogi da Bilhan. Tama Bilhango ogwa dabe nogi e tama da, Jeus, Benjamin, Ehut, Kenana, me Sitan, Tarsis, me Ahisahar dao. ¹¹Te tigidali bidi augwali te Jediaelgo hani dabe te augwali tigidali te augwa hanide polalubo tobolu bidi bidali, te augwali bomai ami bidi dabe naga nigilama bidali. Tama augwaligo te hani dabego nogi deliba sisinama nedali sogo, augwaligo suali, te 17,200 bidi te ami bidi pedelabo usu elalualio.

¹²Irgo ogwa dabe nogi e tama da, Supim me Hupim, tama augwali sigo hani si nosali pedelali. Tama Husim te Ahergo^o ogwa dao.

Naptali hani

¹³Te Naptaligo ogwa dabe nogi e tama da, Jasiel, Guni, Jeser, me Salum da. Te wai dabe augwa auwa mosi te Bilha da, te Jekopgo si wagi soayu sali we dao.

^o 7:12 Bidi mebago homu te nogi Aher te da Dango gasa nogi da.

Manase hani bugwa meba

¹⁴Te Manasego ogwa dabe nogi da, Asriel me Makir da. Augwa ida, te Manasego si wali we da, aga te Aram hani we me deli da. Te Makir te Gileatgo aya dao. ¹⁵Makirgo te Hupimba maiabo we me deli gegali, te gasa we me Supimbolo mawainogo me yalio. Makirgo abe te Maka. Te Makirgo tomo ogwa, te Selofahat. Te Selofehatgo te wegi dabe naga elalualio. ¹⁶Te gasa Maka, te Makirgo wego, te ogwa si ma ame nani. Makago te me deligo nogi e tiwai poali, Peres, te gasa ogwa me nogi Seres. Seresgo ogwa si ame nai, Ulam me Rakem dao. ¹⁷Ulamgo ogwa dedeli ame nai, aga nogi Bedan. Te nogi tama nogi yali we bidi, augwali te Gileatgo hani dabe da, Gileat te Makirgo ogwa, te Makir Manasego ogwa dao. ¹⁸Hamoleket, te Gileatgo abe da, agai te ogwa Ishot, me Abieser, me Mala, te ogwa sela ame nai dao. ¹⁹Semidago ogwa nogi e tama da, Ahian, Sekem, me Likhi, me Aniam da.

Efraim hani

²⁰Te Efraimgo hani e tama da. Efraim te Sutelago aya, Sutela te Beretgo aya, te Beret Tahatgo aya da, te Tahat Eleadago aya, ²¹Eleada te gasa Tahatgo aya, tama Tahat te Sabatgo aya da, tama Sabat te gasa Sutelago aya. Efraimgo gasa ogwa si me bidali, te Eser me Eleat. Tiali goli te Get dabego augwali si ela muai, te augwali si Get taunba pelama, te Get dabego bulmakau wi sigi painu ebadi te Get dabego augwali si ela muai dao. ²²Tama Efraim, augwa si aya, te augwalide homu dene ebo gela hauwa sogo wali, te aga ama dede asama, te aga dali homu dene eyu bidagaselama te aga homu bedegau ilibo se yalio. ²³Tama nosali Efraim aga we dali sigo te gasa ogwa ame nani. Tama Efraimgo te ogwa nogi Beria^p poali, magi baso meni, te aga ogwa dabeba dwai sogo pedelai dao. ²⁴Te Efraimgo wegi te Sera. Aga dali te aga hani dabe dali te taun Bethoron Ugwadu nigibadi, te taun Bethoron Aiyadu me Usensera taun nigibadi yali.

²⁵Tama Efraim te Refago aya, tama Refa te Resepgo aya, te Resep aga te Telago aya, te Tela te Tahango aya, ²⁶tama Tahan te Ladango aya, te Ladan te Amihutgo aya, te Amihut te Elisamago aya da, ²⁷tama Elisama te Nungo aya, tama Nun te Josuago aya dao.

²⁸Te Efraim hani augwaligo taun me to te tama da, taun Betel me te pade elaluali bulu dabe me, tama me te tigidali to te Naran taunde gagalasa te giliga asoboba usu nama pali, te giliga dega sabo badu te taun Geserba usu nai, te Geser pade elaluali bulu dabe me da. Te Sekem

^p 7:23 Te Hibru pogo te ogwago nogi Beria wali te pade te tobage po tiwai si page elalubao, "dwai se pedelali sogo da," wali.

taun me te pađe elaluali bulu dabe me, te taun Aia me te pađe elaluali bulu dabe te Efraim hani dabego dao. ²⁹Tama te Manasego hani dabego te taun Betsan, me Tanak, me Megido, me Dor, te tama taun me te pađe elaluali bulu dabe te Manasego hani dabego tonaluali. Te Josepgo bulali waji nõq dabe, te Israelgo ogwa, augwali te taun dabede bidalio.

Asergo hani

³⁰Te Asergo ogwa dabe nogi e tama da, Imna, Isva, Isvi, me Beria. Te Asergo wegi te Sera da. ³¹Beriago ogwa dabe nogi da e tama da, Heber me Malkiel. Tama te Malkiel te Birsaitgo aya da. ³²Heber te Japlet, me Somer, me Hotam te augwali selago aya da. Tama Hebergo wegi da, te Sua dao. ³³Japletgo ogwa dabe nogi da, Pasak, me Bimhal, me Asvat dao. ³⁴Somer, te Japletgo amago ogwa dabe nogi e tama da, Roga, me Jehuba, me Aram dao. ³⁵Helem te Somer amago ogwa dabe nogi da, e tama da, Sofa, me Imna, me Seles, me Amal da. ³⁶Te Sofago ogwa dabe nogi da, Sua, me Harnefer, me Sual, me Beri, me Imra da, ³⁷me Beser, me Hot, me Sama, me Silsa, me Itram, me Bera dao. ³⁸Te Jetergo ogwa dabe nogi da, Jefune, me Pispá, me Ara da. ³⁹Te Ulago ogwa dabe nogi da e tama da, Ara, me Haniel, me Risia da.

⁴⁰Te bidi dabe te Asergo hani ogomani tama augwali te augwa hani dabede tobolu bidi bidalio. Te polaluali genuai bidi dabe augwali wiegi yai bidi mu tama te bomai ami dabe da. Te Aser hani dabe nogi te bidi dabe augwaligo sisinani sogo, te augwali nedali namba 26,000 bidi te ami bidi pedalobo usu yaibao te homu yai dao.

Benjamin hani

Benjamingo ogwa dabe hanigo nogi

8 ¹Benjamingo ogwa dabe nogi da. Te gomunai ogwa Bela, tomo ogwa Asbel, sela ogwa Ahara, ²te ene nanobo me si me si wali ogwa Noha, te a naga ogwa te Rafa dao. ³Belago ogwa dabe nogi e tama da, Adar, me Gera, me Abihut da, ⁴me Abisua, me Naman, me Ahoa, ⁵me Gera, me Sefufam, me Huram da.

⁶⁻⁷Te Ehutgo ogwa dabe nogi da, Naman, me Ahiya, me Gera. Augwali te taun Gebade bidali we bidi hani dabego polalubo tobolu bidi dabe bidali. Tialima Gerago te aga ama dede sela saşaso, augwali pelama, te taun Manahatba bidigi palio. Gera te Usa me Ahihut sigo aya da.

⁸⁻⁹Saharaim te tq kantri Moapde bidiyu, te aga we si sela saşwani, Husim me Bara. Tama nosali Hodes, agai gasa we mego, te wai ogwa dabe ame nai. Augwa nogi e tama da, Jobap, me Sibia, me Mesa, me Malkam, ¹⁰me Jeus, me Sakia, me Mirma da. Te ogwa dabe augwali te augwa hanide te tobolu bidi pedelama bidai. ¹¹Tama me te Saharaimgo

gasa ogwa si elaluali, te we Husimgo ame nai, te Abitup me Elpal dao. ¹²Elpalgo ogwa dabe nogi da, Eber, me Misam, me Semet da. Semet te aga hani dali augwaligo te taun Ono me taun Lot te pade elaluali bulu dabe me nigai dao.

¹³Te Elpalgo gasa ogwa si te Beria me Sema augwali sigo hani bidi dabe augwali te taun Aijalonde bidalio. Augwali si te hanide tobolu bidi bidali, tama augwaligo te taun Getde bidali hani we bidi dabe augwali sela sawai dao.

¹⁴⁻¹⁶Beriago ogwa dabe nogi e tama da, Ahio, me Sasak, me Jeremot, me Sebadaia, me Arat, me Eder, me Maikel, me Ispa, me Joha dao.

¹⁷⁻¹⁸Te Elpalgo ogwa dabe nogi da e tama, Sebadaia, me Mesulam, me Hiski, me Heber, me Ismerai, me Isilia, me Jobap dao.

¹⁹⁻²¹Simeigo ogwa dabe nogi e tama da, Jakim, me Sikri, me Sapdi, me Elienai, me Siletai, me Eliel, me Adaaia, me Beraia, me Simrat da.

²²⁻²⁵Sasakgo ogwa dabe nogi da e tama, Ispan, me Eber, me Eliel, me Apdon, me Sikri, me Hanan, me Hanania, me Elam, me Antotiya. me Ipdea, me Penuel dao.

²⁶⁻²⁷Te Jerohamgo ogwa dabe nogi da e tama da, Samserai, me Seharia, me Atalia, me Jaresia, me Elaija, me Sikri dao.

²⁸Te bidi dabe te augwa hanide polalubo tobolu bidi bidiyu, te genuai bidi pedelama bidai. Augwali te Jerusalemde bidalio.

²⁹Te Gibeon taun nigibo se hodolali bidi^a te taun Gibeonde aga we dali bidali, aga we nogi Maka dao. ³⁰Agai gomunai ogwa te Apdon. Te agai gasa ogwa dabe nogi e tiwai da, Sur, me Kis, me Bal, me Nadap, ³¹me Gedor, me Ahio, me Seker da, ³²me Miklot. Miklot te Simeago aya da. Te hani dabe te Benjamingo gasa hani me badu te Jerusalemde bidibo te hani pade bidalio.

Te King Solgo hani dabe augwali nogi da

(1 Sto 9:39-44)

³³Te bidi Ner te Kisgo aya, tama Kis te Solgo aya da. Solgo ogwa dabe nogi e da, Jonatan, me Malkisua, me Abinadap, me Esbal, aga gasa nogi me da Isboset dao. ³⁴Jonatan te Meribalgo aya, aga gasa nogi me da Mefiboset. Tama Meribal te Maikago aya dao. ³⁵Maikago ogwa dabe nogi e tiwai da, Piton, me Melek, me Tarea, me Ahas da. ³⁶Ahas te Jehoadago aya. Tama Jehoadago ogwa dabe nogi da, Alemet, me Asmavet, me Simri da. Simri te Mosago aya, ³⁷tama Mosa te Bineago aya, tama Binea te Rafago aya, te Rafa te Eleasago aya, tama Eleasa te Aselgo aya dao.

³⁸Asergo ogwa te 6 wagi solama ogwa bidali. Augwa nogi da e tama, Asrikam, me Bokeru, me Ismael, me Searia, me Obadia, me Hanan da. ³⁹Te

^a 8:29 Ede te Hibu ru pogo te se yali bidigo nogi nogi isawai, tiali goli te Dqi 9, te ves 35, tede agai te tiwai po wali, aga nogi Jeiel da wali.

Aselgo ama Esekgo ogwa dabe nogi e tama da, gomunai ogwa te Ulam, tomo ogwa te Jeus, te tudi badu ogwa te Elifelet dao. ⁴⁰Te bidi Ulamgo ogwa dabe te bomai ami bidi elalu, te augwaligo te enesigigo enebo se mu koneai da.

Augwaligo wai dabe hauwa elalu, te bulali wai noqu wai me hauwa elaluali, te bidi 150 usu elaluai. Te nogi elalubo bidi tigidali te Benjamingo hani dao.

9 ¹Augwaligo te Israel hani dabe tigidali nogi sisinani. Tama te nogi sisinama aseani buku nogi augwaligo e tama nogi ebo da, Te Israel Dabego King Dabego Po Buku wabo dao.

Te Israel dabe kalabus igi pali bulu tagalama ma asali

(Dqi 9:1-34)

Te we bidi dabe augwa tobolu bidi dabego nogi

Te Israel augwali te to kantri Judade bidalu, te God tudiba muani, tama tibaso agai te Babilon dabego te augwali sagaselama, te to kantri Babilonba kalabus sela pomainogo ilalio. ²Tama nosali te Israel hani dabe meba te kalabus igi pali bulu tagalama, te augwa page bulu, te augwa toba me augwa taunba bidagasalio. Te tomode te hasia polasa ma asali hani dabe e tama da, te pris hani dabe me Livai hani dabe badi, te augwa bulali wai noqu hani wai dabe te Godigo be tomode se yali hani bage badi, te gasa we bidi dabe augwali me te polasa ma asai dao.

³Israel meba te Juda hani me, Benjamin hani me, Efraim hani me, Manase hani me, te augwali hani dabe te Jerusalemba bidagasalio. ⁴⁻⁶Te Juda hani we bidi te 690 te Jerusalemba bidagasali. Augwa tobolu bidi me deli te Utai. Utai te Amihutgo ogwa, aga te Omrigo ogwa, te Omri te Imrigo ogwa, tama Imri te Banigo ogwa da. Te bidi hani dabe augwali te Peresgo hani bidi dabe, te Judago ogwa da. Te gasa tobolu bidi me Asaia. Te aga ayago gomunai ogwa te aga te Sela hanide tobolu bidi bidali, te Judago ogwa da. Te gasa tobolu bidi me Juel. Aga te Serago hanide tobolu bidi bidai, te Judago ogwa dao.

⁷Te Benjamingo hanide tobolu bidi me deli nogi Salu, te Mesulamgo ogwa. Mesulam te Hodaviago ogwa da, tama Hodavia te Hasenuago ogwa dao. ⁸Benjamingo gasa tobolu bidi dabego nogi da e tiwai, Ipnea, te Jerohamgo ogwa, te Ela, te Usigo ogwa, te bulali wai noqu Mikri da, tama Mesulam, te Sefatiago ogwa da. Sefatia te Ruelgo ogwa, Ruel te Ipniyago ogwa dao. ⁹Te bidi dabe augwali te Benjamin hanigo te tobolu bidi hani dabe Te hani dabe augwali hani we bidi namba te 956 elaluai dao.

Te pris dabego tobolu bidi dabe meba nogi

¹⁰Te pris meba te pris hani mebade tobolu bidi bidali. Augwali nogi e tama da, Jedaia, me Jehoiarip, me Jakin, ¹¹me Asaria da. Augwaligo

^r 9:3 Esr 2:27; Neh 7:73

Asaria te Godigo bede polalubo bidi nigilali. Asaria te Hilkiago ogwa, te Hilkia Mesulamgo ogwa, Mesulam te Sadokgo ogwa, tama Sadok te Meraiotgo ogwa, te Meraiot Ahitupgo ogwa dao. ¹²Tama gasa tobolu bidi te Adaia. Adaia te Jerohamgo ogwa, te Jeroham Pasurgo ogwa, te Pasur Malkiago ogwa da. Te gasa tobolu bidi Masai. Masai te Adielgo ogwa, te Adiel Jaserago ogwa, tama Jasera te Mesulamgo ogwa, te Mesulam te Mesilemitgo ogwa, te Mesilemit te Imergo ogwa dao.

¹³Te pris hani dabe augwade te tobolu bidi dabe bidali namba e tama, 1,760 elalui. Te tobolu bidi dabego te Godigo bede ebo sę augwa nogode elaluali, tama augwaligo te sę bugagia ela piduai dao.

Te Livai dabego tobolu bidi meba nogi dabe da

¹⁴Te Livai meba te tobolu bidi augwa hani dabede bidali. Tobolu bidi me deli te Semaia, te Hasupgo ogwa. Te Hasup Asrikamgo ogwa, tama Asrikam te Hasabiago ogwa da. Te hani bidi dabe augwali te Merari hani dao. ¹⁵Te tobolu bidi mebago nogi da e tiwai da, Bakbakar, me Heres, me Galal, me Matania. Matania te Mikago ogwa, tama Mika te Sikrigo ogwa, te Sikri Asapgo ogwa dao. ¹⁶Tama gasa tobolu bidi me da te Obadia, te Semaiago ogwa. Semaia te Galalgo ogwa, tama Galal te Jedutungo ogwa da. Te gasa tobolu bidi me Berekia, te Asago ogwa, te Elkanago ogwago bulai wai nõ da. Te Berekiago hani dabe augwali te Netofa taun pađe elalubo bulu dabede bidalio.

Godigo be tonaluali bidi dabego nogi dabe da

¹⁷Te kalabus igi pali bulu tagalama te ma asali we bidi hani augwali tomode, te Godigo be tonalubo bidi hani dabe meba elaluali. Augwa nogi e tama da, Salum, me Akup, me Talmon, me Ahiman, me te deli sę ebo bage, te augwa ama dabe da. Tama Salum aga te hanide tobolu bidi bidai dao. ¹⁸Polobadu, te Jerusalem dolisabadi, te hani bidi dabego te Godigo be sunumi tonalubo sę te giliga asobo badu yali, te sunumi nogi augwaligo te tama wali, Kingo Sunumi Dao, wali. Te polobadu mu te hani dabe augwa nõ hani dabego te Livai dabe bidali pesagede te Israel te tọ wa pai bulude bidali sogo augwali te tonalubo sę ebo bidi bidalio. ¹⁹⁻²⁰Tama te sogo te Kora hani augwali te Genuai Bidigo pesage elaluali madi augwali te pesage tomoba pabo sunumide tonalubo bidi bidali. Te Finias, te Eleasargo ogwago, augwaligo te ebo sę dabe tonaluali. Genuai Bidi te Finias dali bidimainao, te bidi dabego sulama augwaligo te tama po walio.

Tama te Devit bidali sogo, te gasa bidi Salum te aga ama dede dali, te Kora hani bidi dabe da, augwaligo te Genuai Bidigo Sel Ugwa Be sunumi badu tonalubo sę elaluali. Te Salum te Korego ogwa, te Ebiasapgo ogwago ame nenama bulali hani wai nõ dao. ²¹Tama

Sekaraia, te Meselemiago ogwa, aga te Genuai Bidigo Sel Ugwa Be sunumi tonalubo se ebo bidi bidalio. ²²Augwaligo te se emainu daꝓ ilali bidi dabe tigidali namba te 212 bidi da. Augwaligo te bidi dabe augwa hani bage deli deli dabego nogi aseꝓedulali te augwali hani deli deli bidada pabo pesagede tama se yali. King Devitgo me profet Samuel sigo te se te bidi dabeba mawai dao. ²³Tama te hani dabe augwali te Genuai Bidigo Sel Ugwa Be sunumi dabe tonalubo bidi bidai da. Tama nosali augwa ame nani ogwago ame nani waꝓ nꝓ dabego me Genuai Bidigo tempel be tonalubo tobage se naga yai dao. ²⁴Augwaligo te me si me si badu elalubo be daga sunumi dabe tonaluali, te not badu me saut badu, me giliga asobo badu me giliga dega sabo badu, te tama badu elaluali be sunumi tonaluai dao. ²⁵Tama me sogo augwa ama dede bidali bulu tagalama asu augwali te tau sabo se yagasali. Te ama dabe augwa te se Sadede delide elama, augwa buluba ma peyu yai dao. ²⁶Tialima, te Livai hani bidi me si me sigo te tonalubo polalubo bidi bidali. Augwaligo te be daꝓ togwali habu dabe me te Godigo bede nai mubo be habu dabe tonalubo se elaluai dao. ²⁷Te hulide augwali te Godigo be obo banis te be habu daꝓ togwali tomode piyu yali, magi baso meni, augwa te be tonalubo se yali, tama te tigidali sogo kigamu te sunumi dabe dayu yalio.

Te gasa Livai hani dabego se

²⁸Tama te Jerusalem dolisiawani sogo, te Livai hani mebago te moni dis dabe, me te pou plet, me doado bage tonaluali, te bidi dabego lotu wabo sogo te se ebo nai dabe da. Te lotu wagi pabo sogo augwaligo sela pelama, te augwaligo ma sela asobo sogo, te Livai hani dabe augwaligo bugagia nedeyu yalio. ²⁹Tama te gasa hani Livaigo te Genuai Bidigo bede se ebo gasa doado bage dabe tonalubo se yali. Tama te hanigo te wiegi yai nai plaua, me wain, me oliv wel, me te wiegi yai denami hano ilibo pauda, me te tobage wiegi yai pauda, te tama nai dabe tonalubo se me yai dao. ³⁰Tialima te haniani pauda dabe selama te deliba talubo se te pris dabego ebo se naga dao.

³¹Livai me deli, aga nogi te Matitia, agai te ofa yabo plaua dabe ulubo se elaluali. Matitia aga te Salumgo gomunai ogwa, te Korago hani dao. ³²Te Kohat hani Livai mebago te Godiba tigidali Sabat side maiabo bret dodolobo se agai yai dao.

³³Te tobolu bidi hani dabe mebade te Livai hani dabego te wiegi yai teꝓbi musik wabo se meba elaluali. Te bidi dabe augwali te Godigo be obo te daꝓ togwali be habu tomode piyu yali, magi baso meni, augwaligo se te siade me hulide me te se tama yai dao, tama augwaligo gasa se me ebeo.

Te ma asali genuai bidi dabe, augwali te Jerusalemde bidali

³⁴Te kalabus igi pali bulu tagalama ma asali bidi dabe, augwali te Livai hanide polalubo tobolu bidi hani dabe da. Tama te genuai bidi dabe augwali te Jerusalemde bidalio.^s

King Solgo hani dabe

(Dqi 9:35–10:14)

King Solgo bulali hani wai dabe nogi da

(1 Sto 8:29-38)

³⁵Jeiel, te Gibeon taun hodolali bidi, te taun Gibeonde aga we Maka dali bidali. ³⁶Agai gomunai ogwa te Apdon. Te agai gasa ogwa dabego nogi e tama, Sur, me Kis, me Bal, me Ner, me Nadap da, ³⁷me Gedor, me Ahio, me Sekaraia, me Miklot dao. ³⁸Miklot te Simeamgo aya. Te augwali hani dabe te Benjamingo gasa hani te Jerusalem pade bidali te hani dabe pade bidalio.

³⁹Ner te Kisgo aya, tama Kis te Solgo aya da. Te Solgo ogwa dabe nogi e tama da, Jonatan, me Malkisua, me Abinadap, me Esbal, aga gasa nogi me Isboset dao. ⁴⁰Jonatan te Meribalgo aya, agai gasa nogi me Mefiboset. Tama Meribal te Maikago aya dao. ⁴¹Maikago ogwa dabe nogi e tama da, Piton, me Melek, me Tarea, me Ahas.^t ⁴²Ahas te Jarago aya. Tama Jarago ogwa dabe nogi e tama, Alemet, me Asmavet, me Simri. Simri te Mosago aya da, ⁴³tama Mosa te Bineago aya, te Binea te Refaiago aya, te Refaia te Eleasago aya, Eleasa te Aselgo aya dao. ⁴⁴Aselgo ogwa dabe te 6 ogwa dabe bidali. Augwali nogi da e tama, Asrikam, me Bokeru, me Ismael, me Searia, me Obadia, me Hanan dao.

Sol aga ogwa dabe dali isali

(1 Sml 31:1-13)

10 ¹Te Filistia augwaligo te Israel dabe dali te bulu du Gilboade boi hwɨnama, tama te Israel bidi hauwa te hwɨani madi isai. Te gasa Israel dabe te hwɨani tagalama wi pai dao. ²Sol me te aga ogwa dabe dali wi palio, tiali goli te Filistia dabego augwali pobelama, te Solgo ogwa sela ela muai, te Jonatan, me Abinadap, me Malkisua dao. ³Te bidi dabe augwaligo te Sol pobeyu, te hwɨbo bomu mu yali. Tama te Filistia mebago te ene dabe Solba enani madi tama te ene mebago

^s 9:34 Te vesde te bidi dabe po olama wali, augwali nogi te ves 14-17 tede elalubo, suao.

^t 9:41 Te Hibu pogo te vesde te Ahasde po meni yai. Tialima te ves 42de me 1 Sto 8:35, tede te po me elalubao, suao.

aga tigi dolama, te aga dolainu yalio. ⁴Tama tialima, agai te hwɨbo nai tolasa bilibo gesi bidi i olama, te agaba te tiwai po walio, “Te nago bainat hwą selama, ena ela muao. Tiyu, te bulu badu haiden bidi te Filistia dabe asu, te enaba hagoma eyu, te ena ela muidalio,” wali. Tiali goli te gesi bidi wi mu ebaso, tama agai bainat hwągo aga elebeo. Tama tibaso, Sol aga bainat hwą aga digi tolalu badi tama te bainat hwą poaiba ugwadu degasa dulama, te hwą poaigo enama isalio. ⁵Te gesi ogwa bidigo suali, te Sol isaibaso, teda aga me aga digi aga bainat hwą poaiba degasa dulama isai dao. ⁶Tialima te Sol dali te aga ogwa dabe sela dali isali, te aga hani mu silalio. ⁷Tama te odogo bulude bidali Israel tigidali, augwaligo suali, te augwa ami bidi dabe te Filistia dabede wi palio. Tama me augwaligo te tama po odali, Sol dali aga ogwa dabe dali isalio po odalio. Tialima augwa taun dabe digi tagalama, te augwali wi pepelawalio. Tama nosali te Filistia dabe augwa te Israel dabego te taun dabe sagaselama bidalio.

⁸Hwɨani silama da, teda te nosali badu te Filistia dabe augwa te hwɨbode isali Israel bidi dabego hwɨyu gudali ugwa dabe pepeda saɣi pelama, tama te isali Israel bidi dabego doado bage salio. Tama augwaligo suali, te Sol me aga ogwa dabe daligo tigi dabe te Gilboa bulu dude munalubo suali. ⁹Tialima augwaligo te Solgo tobolu togwalio. Tama augwaligo te tobolu dali, te agai hwɨani nai dabe dali sela palio. Tama augwa te kantri Filistia dabeba te se yali po me te augwa tibo godiba me te we bidi dabeba po sela pabo bidi dabe tagala palalio. ¹⁰Tama augwa te tibo godigo lotu bede te Solgo boi hwɨyu gudali nai doado bage muanio. Tama augwaligo te Solgo tobolu selama, te augwa tibo god Dagon muani be dagade keɳanio. ¹¹Tama te taun Jabes te Gileat tɔde bidali Israel dabego te Filistia dabego te Solde te tiali se po odalio. ¹²Tialima te Jabes boma pai bidi dabe pelama, te Sol me aga ogomanigo tigi dabe dali sigi pelama, te Jabesba sela asalio. Tama augwaligo te Solgo dili dabe te aga ogwa dabego dili dabe me sigi pelama, tama augwaligo te Jabes taunde elalubo moni ni ok dologode pubulalio. Te augwaligo augwalide homu dene dwai ebaso, te augwa nai osogo gisilama te Sadede deli bidai dao.

¹³Sol isali, magi baso meni, agai Genuai Bidigo po bugagia wali pabeo. Menio. Agai te Genuai Bidi bomai po sela sawani. Tama agai te isali bidi dabego noma bidiba hanalu te agaba mena sunumi ola mabo te agai wali painu yali,^u ¹⁴tama agai Genuai Bidiba hanaluama te agabolo ola momainogo ebeo. Tibaso, Genuai Bidigo aga ela munama, tama Devit, te Jesigo ogwa, te king pedelai dao.

^u 10:13 Prs 19:31; 20:6; 1 Sml 13:8-14; 15:1-24; 28:7-8

King Devitde aseñani po da

(*Daj 11:1–22:1*)

Devit te Israel dabego king pedelali

(*2 Sml 5:1-10*)

11 ¹Te se yali nosali badu, tigidali Israelgo Devit te Hebronba suagasali. Tama augwaligo te tama po agabolo walali, “Da tigidali te deli kaneme dao. ²Polobadu Sol king bidali, tiali goli naga digi te da Israelgo ami bidi tonalu, te augwali hwɨboba odasa peyu ma odasa asu yali. Tama God, Genuai Bidigo, nageba walobaso, te aga we bidi dabe da tonalubo bidi pedelaibao, tama nage dago king pedelaibao,” wali. ³Tama nosali te Israel tobolu bidi dabe tigidaligo te king Devit Hebronba sisinagaselama gesabi deliba yalio. Tama agai te Godigo gedude bomai po me deli daj waliyu kontrak salio. Tama augwaligo aga toboluba te daj ilibo wel gelama, te aga Israel king da olama daj ilali, te Genuai Bidigo po te profet bidi Samuelgo pedauwalide wali tiwai gilama yai dao.

⁴Tama king Devit dali te tigidali Israel bage te Jerusalemba pali, te taun gasa nogi Jebus da, te Jebus dabego page bulu mu dao. ⁵Tama te Jebus dabego Devitba te tama po wali, “Dage munu ma te dago taun tomoba me aselamuo,” wali. Tiali digi Devit aga ami dabe daligo te boi hwɨnama, tama te masigigo nigai bomai obo elaluali taun pedai sali. Te taun pedai badu nogi da Saion. Tiali goli, nosali te we bidi dabego te taun nogi e tiwai wali, Devitgo Taun Dao, walio. ⁶Devitgo te taunba boi hwɨainu yali sogo, agai te tiwai po aga ami dabeba wali, “Niwai bidigo te Jebus bidi me deli te polasa ela mubo bidi yaibaso da, teda aga eno ami dabede te polalubo ofisa bidi pedelaibao,” wali. Tialima Joap, te Seruiago ogwa, te polasa pelama, te boi hwɨbo gagalali. Tama tialima, Devitgo aga te amide polalubo ofisa bidi sa muanio. ⁷Tama nosali Devit pelama, te Saionba bidigi pai. Tama tialima, te we bidi augwaligo te taun nogi e tama wali, Devitgo Taun Dao. ⁸Tama Devitgo te po obaso, tama te se bidi dabego te be dabe se se pelama, te taun tigidali badu bagua salio. Augwaligo te be dabe se ebo gagalali te to wai bulama pağanani pesage badu te se yai. Te Joapgo te taun dabe gasa badu me ma nigalio. ⁹Tigidali Bomo Elalubo Genuai Bidi te Devit dali bidali, tama tibaso Devit te sesemane sogo bomai king pedelai dao.

Devitgo ami dabe nogi da

(*2 Sml 23:8-39*)

¹⁰Te nogi aseşedulai elalubo da, te Devitgo bomai ami bidi tobolu bidi dabe da. Godigo te to kantri Israelde homu kone palama, te agai bomai

ˆ 11:4 Jos 15:63; Tob 1:21

po daꝓ weyu, Devit te king pedalumainu yalio. Te ami bidi dabe augwali dali te tigidali gasa Israelgo me te sę bomu eyu, Devit te king pedelama bomai bidi bidali, te tama tiali kolesagade te Genuai Bidigo aga daꝓ wali poba mu usu nai dao. ¹¹Te Devitgo bomai ami bidi dabego nogi da e tiwai, Jasobeam te Hakmoni hani, aga te polalubo ofisa bidi. Me sogo deli sogo Jasobeango aga hwıbo sesemone ene tolalu, te 300 boi bidi dali hwınama, te tigidali ela silai dao.

¹²Te Eleasar, te Dodogo ogwa, aga te genuai nogi elalubo sela wali ami bidide te si wali bidi aga da. Aga te Ahohi hani dao. ¹³Me sogo deli aga Devit dali te bulu Pasdaminde bidali, tama te Filistia dabego boi hwıainu sisinani. Te Filistia dabe asobo si da, te Israel dabe wi palio. Te pedai badu te bali gi me deli elaluali, ¹⁴tama Devit de Eleasar augwali si te gi tomode dolaluali, tama te Filistia dabe dali hwıbo bomu yali, augwaligo te tꝓ sidali weyu yali. Tama augwali sigo te Filistia dabe ela muanio. Te kolesaga yalide Genuai Bidigo te Filistia dabe aiyaba mu elaluama, tama te Israel dabe augwali bugagia bidai dao.

¹⁵Te Devitgo ami dabede te ami tobolu bidi dabe elaluali, te hani dabe nogi augwaligo te tiwai nogi yalio, te Bidi Sese Deli Olama Nogo Si 30 Ami Tobolu Bidi Da, wali. Me sogo deli Devit te bulu Adulam genuai masigi ola bede bidibadi, tama Bidi Sese Deli Olama Nogo Si wali ami bidi dabe tomode te ami tobolu bidi selago Devit aga suagasali. Te tama tebo sogode me te ami dabe te bulu Refaimba dulama bidabo pesage nigilama bidai dao. ¹⁶Te sogo Devit te boma pai geme dulalubo bulude bididubadi, tama te Filistia ami dabe mebago te Betlehem taun sai yalio. ¹⁷Tama Devitgo te Betlehem wiegi yai aıba homu kone paligi solama, tama agai te tama po walio, “Homu dene mu ebao, eno te taun Betlehem obo sunumi paꝓe elalubo wę meba tugi sogo da, teda ena wiegi yai homu pemene mu igi dao.” Devitgo te po wali.

¹⁸Te bomai ami bidi selago te po odama, te augwali hogodama palio. Te Filistia dabego te Betlehem taun tomoba pabo sunumi tonalubadi goli, tagalao, te ami selago augwali sela sanama peyu, Devitgo te po wali ulu aı tugi palio. Tama augwaligo sela asama, Devit magasali. Tiali goli, aga te wę tuainu yali te aga hagela ebaso tubeo. Menio. Agai te selama, te Genuai Bidiba ofa tiwai eyu gelalio. ¹⁹Tama agai te tiwai po wali, “Te Godigo nogide, eno mu po obao, eno te aı me tugobeo. Te wę eno tubaso da, eno te bidi dabe augwaligo kaneme tubo tiwai yaibao, magi baso meni, augwali te wę sigi painu pali sogo te augwali isabo sę tiwai mu yalio.” Tama tibaso, Devitgo te aı tubeo. Te bomai ami bidi selago yali sę me deli te dao.

²⁰Abisai, Joapgo ama, aga te 30 wali bomai ami augwalide^w te polalubo bidi da. Me sogo deli Abisai aga hwıbo sesemone tolasa te 300

^w 11:20 Bidi mebago homugo te namba te sela naga tama da homu yai dao.

boi bidi dali hwɨnama, te tigidali ela silalio. Tama aga nogi ugwanu ma igulama, te sela ami bidigo genuai nogi elalubo tiwai si me elaluai dao. ²¹Agai namba genuai ugwanu mu sigiluama, te sela ami bidi dabego genuai nogi elaluali edelali, te augwa polalubo bidi pedelali. Tiali goli aga digi te sela ami bidi dabe tiwai me elalubeo.

²²Tama Benaia, te Jehoadago ogwa te Kapsel taun bidi, aga me te bomai ami bidi me deli da. Te hauwa sogo agai te boi bidi dabe dali hwɨbo bomo yalio. Me sogo deli agai te Moap moni bomai ami bidi si ela muai. Te me sogo deli, te talua ge tulubage te tɔba tulalubo sogo, Benaia te genuai tɔ dedage me deliba dulama, te bidi elebo bomai hasa laion me deli ela muai dao. ²³Te gasa me sogo agai te moni dobo dwai Isip bidi me deli ela muani. Te Isip bidigo tigi bobobage usu nama te 2 mita, te bobage bidi mu da. Te Isip bidigo sesemone te genuai mu da. Te sesemone sigi te genuai, te ugwa hobolobo masin lum dili tiwai da. Tiali digi Benaia te ni tigi dage selama, te Isip bidi pɔba pelama, aga dali hwɨani. Tama Benaia te bidigo sesemone dobola selama, tama aga te aga sesemonego digi aga ma ela muai dao. ²⁴Benaia te bomai sɛ dabe yali, tialima agai nogi genuai elalu te ami bidi selago genuai nogi elalubo tiwai elaluali. ²⁵Agai te sali genuai nogigo te ami bidi sese deli olama nogo si 30 te gasa ami dabego elalubo bomo aiyaba elaluali, tialima aga te genuai nogi elalubo ami bidi selago nogi tiwai agade me elalubeo. Devitgo Benaia ɖaj ilama, te kingo be tonalubo ami bidi hani dabe tonalubo bidi nigilai dao.

²⁶Te badu te Devitgo ami bidi hani dabede te bomai ami bidi dabego nogi asɛani elalubao. Asahel, te Joapgo ama, me te Elhanan, te Dodogo ogwa, te taun Betlehem bidi da, ²⁷tama Samot te Haror bulu bidi, te Heles te Pelon bulu bidi, ²⁸te Ira, te Ikesgo ogwa, te taun Tekoa bidi da, te Abieser te Anatot taun bidi, ²⁹tama Sibekai te Husa bulu bidi, te Ilai te Ahohi hani bidi da, ³⁰tama Maharai te Netofa taun bidi, te Helet, te Banago ogwa, te Netofa taun bidi, ³¹te Itai, te Ribaigo ogwa, te Gibea taun bidi te Benjamin hanigo tɔ da, tama Benaia te taun Piraton bidi da, ³²tama Hurai te odogo bulu pɔde te Gas bulu du bidi, te Abiel te taun Araba bidi, ³³te Asmavet te Baharum bulu bidi, te Eliaba te taun Salbon bidi da, ³⁴tama te Hasemgo ogwa dabe te bulu Gison bage, te Jonatan, te Sagego ogwa, te Harar bulu bidi da, ³⁵tama Ahiam, te Sakargo ogwa, te Harar bulu bidi, me Elifali, te Urgo ogwa da, ³⁶te Hefer te Mekera bulu bidi, te Ahiya te Pelon bulu bidi, ³⁷tama Hesro te taun Karmel bidi, te Nadai, te Esbaigo ogwa, ³⁸tama Joel, te Natango ama, te Miphar, te Hakrigo ogwa da, ³⁹tama Selek te tɔ kantri Amon bidi, te Naharai te taun Berot bidi da, aga te Joapgo boi hwɨbo nai te ene dabe sabilibo bidi, ⁴⁰tama Ira me Garep te bidi si te Itra taun bidi, ⁴¹tama Uria te Hit hani, te Sabat, te Alaigo ogwa, ⁴²te Adina te Sisago ogwa, aga te Ruben

hanide tobolu bidi me deli da, tama te Adina hani te bidi sese deli nogo si 30 bidi da, ⁴³tama Hanan, te Makago ogwa, te Josafat te Mitan bulu bidi, ⁴⁴tama Usia te Astarot taun bidi, te Sama me Jeiel, augwali si te Hotango ogwa te Aroer taun bidi da, ⁴⁵tama Jediael me Joha, te bidi si te Simrigo ogwa si te Tis bulu bidi da, ⁴⁶te Eliel te Mahava bulu bidi, te Jeribai me Josavia, te bidi si te Elnango ogwa, te Itma te Moap t̄ kantri bidi da, ⁴⁷tama Eliel, me Obet, me Jasiel, te bidi sela te bulu Mesoba bidi dao.

Benjamin hani dabe te Devitgo ami bidi dabe pedelali

12 ¹Te Sol, Kisgo ogwa, agai te Devit pobeasa bilibo s̄ ebaso, Devit pelama, te taun Siklakba bidigi pali. Devit te Siklakde bidibadi, tama te bomai ami bidi dabe meba aga dali bidagasali. Tama augwaligo aga te boi hw̄ḡbo tau siyu bidalio. ²Augwaligo te enesigigo ene enebo me te katapel tiwai naigo enebo mu konea pai bidi dabe da, te augwaligo dolo nogo badu enebo me pobase nogogo enebo te mu koneai baso tagala wali. Tama augwali te Benjamin hani bidi, Sol te hanidu bulasa asai dao.

³Augwaligo polalubo ofisa bidi, te Ahieser. Te aga ama, Joas, aga te tomo bidi da. Augwali si te Semago ogwa, te Gibea taun bidi. Te gasa bidi dabe nogi e tiwai elalubao, Jesiel me Pelet, te bidi si Asmavetgo ogwa, te Beraka, me Jehu te Anatot taun bidi da, ⁴te Ismaia te Gibeon taun bidi. Ismaia te bidi sese deli olama nogo si 30 te Devitgo ami bidi dabede polalubo ofisa bidi da, tama aga te wiegi yai ami bidi mu da. Te Benjamin hanide te gasa bidi dabe augwali nogi e tiwai elalubao, Jeremaia, me Jahasiel, me Johanan, me Josabat, aga te Gedera taun bidi me deli dao, ⁵tama te Elusai, me Jerimot, me Bealia, me Semaria, me Sefatia, te Harip bulu bidi da, ⁶tama Elkana, me Isia, me Asarel, me Joeser, me Jasobeam, augwali te bulu Kora bidi da, ⁷tama Joela me Sebadaia, te Jerohango ogwa si, te Gedor bulu bidi dao.

Te Devitgo ami pedelali te Gat dabego nogi dabe

⁸Te Devit te geme duala sabo bomai bulu te t̄ wa pai bulude bidali sogo, te Gat hanigo bomai ami bidi mebago Sol tagalama, te Devit dali bidagasalio. Te bidi augwali te wiegi yai ami bidi dabe mu te sabele tulama, te sesemone enego enebo mu koneai. Te augwali boi hw̄ḡni sogo, augwa gesabi mu tuluga sali, te wi meni yai hasa laiongo gesabi tiwai yali. Tama augwa umagia mu udayu, te bulu dude bidibo uni hasa udabo tiwai yalio.

⁹Augwa nogi e tiwai elalubao. Hasia polalubo bidi Eser, namba 2 Obadia, namba 3 Eliap, ¹⁰namba 4 Mismana, namba 5 te Jeremaia, ¹¹te namba 6 Atai, me namba 7 Eliel, ¹²namba 8 te Johanan, te namba 9 Elsabat, ¹³te namba 10 te gasa Jeremaia, te namba 11 Makbanai dao.

¹⁴Te Gatgo hani augwali te Devitgo ami polalubo ofisa bidi pedelai. Augwali te wiegi yai ofisa dabe mu da. Te boi bidi dali augwaligo hwıbo sogo, te augwali gasa me badugo te bidi sese nogo a naga 100 bidi aiyaba elalueibao, te gasa me badu augwaligo te bidi sese hauwa 1,000 boi bidi ela mubo dao.

¹⁵Te ami dabe augwaligo tama te wę Jordan asali genuai mu te ąi asobo dąi ela holai mu elalubadi, te kibu be me deli te polua deli wabode, te sogo te ąi nogealio. Te sogo augwaligo te ąi pade te giliga asobo badu me giliga dega sabo badu tede bidali we bidi augwali dali boi hwıgi pali. Tama te we bidi augwali wi tedela sanama pela silai dao.

**Te Benjamin hani me Juda hani augwali te
Devitgo ofisa polalubo bidi pedelali**

¹⁶Me sogo deli te gasa Benjamin hani me te Juda hani te bidi meba pelama, te Devit geme dualalubo bomai buluba sugi palio. ¹⁷Devitgo augwali dali deliba gesabi hanilibo sogo, agai augwaliba te po wali, “Te dage abagi tiwai homu elama, ena tau sainu asali wida, teda ena wiegi yai pemene eyu dagego abagi pedelaibao. Tiali digi eno dwai se deli me ebeo, tama tialima dagego ena te eno boi bidi dabe nogoba muabo homu ebaso da, teda dena wai nõu dabego Godigo koneaibao, te agai dage po tu ilaibao, magi baso meni, eno dage dolo se me ebeo,” Devitgo te po wai dao.

¹⁸Tialima, Godigo Mobo Noma Bidi te Amasaiba pedelali, te augwali me deliba, tama Amasaigo Devitba te tama po wali, “Devit, te Jesigo ogwa, da te nago hani bidabo homu ebao. Te naga Godigo nage tau sobaso, tama nage dali, te nage tau sabo hani dabego dali te sesemane sogo ugwaba ela holama te bugagia bidaibao,” wali. Tialima Devitgo augwali selama, tama augwali te agai ami dabego ofisa dabe pedelai. Te nosali, Amasai te nogi yai 30 bomai ofisa bidi dabe tomode aga te polalubo ofisa bidi pedelai dao.

Te Manase hani bidi meba te Devitgo ofisa bidi pedelali

¹⁹Devit te Filistia dabe dali pelama, te Sol dali boi hwıgi painu yali sogo, te Manase hanigo ami bidi mebago te Sol tagalama, te Devit dali bidigi pali. Tialima, Devitgo te Filistia dabe tau sabeo, magi baso meni, te Filistia kingo te Devit aga hani dabe dali sela sawani. Augwaligo aga sela sawani, magi baso meni, augwaligo koneani, polobadu Devit te Solgo se bidi bidai, te augwa wi elama te homu yali, tiyu te hwıbo sogo Devitgo te Solgo hani tau selama, te Filistia dabe ela muidali da homu yali. Tibaso, te king dabe augwa po mia selama, te Devit aga tagala palai dao. ²⁰Tama Devit te aga bidali taun Siklakba ma soali sogo, te Manasego ami hani bidi aga dali soalio. Augwa nogi e tama da, Atna, me Josabat, me Jediael, me Maikel, te me gasa Josabat,

me Elihu, me Siletai. Te Manase hanigo amide augwali te bidi sese hauwa te 1,000 amigo ofisa bidi bidai dao. ²¹Te bidi dabe augwali te polalubo ami dabe mu tama Devitgo augwali agai amide te ofisa dabe pedalumainu ilali. Tama augwaligo Devit tau selama, te hwiyu nai wi siyu ebo bidi hani dabe dali boi hwjai dao. ²²Tama tigidali side te bidi hauwa te Devitba asesasa selama, te agai ami pedelainu yali. Tialima agai ami bidi hani te genuai mu pedelai.

Tigidali Israelgo Devit tau selama te king pedalumainu yai

²³Devit te Hebron taunde bidibadi, tama te ami bidi hani hauwa agaba aselama, aga te Israel king pedalumainu ilama te Solgo pesage hasegelimainu yali, te Genuai Bidigo wali po tiwai gilama yai. Augwaligo te augwa boi hwjbo doado bage dali sesalio. Te asali bidi dabego namba e tiwai dao.

²⁴Te Juda hani ami bidi dabe bidi sese umabo te 6,800 ami bidi bidali, te augwa boi hwjbo sabele dabe me te bobage sesemone ene dali sesalio.

²⁵Te Simeon hanigo ami bidi dabe te bidi sese hauwa mu te 7,100 ami bidalio. Augwali te boi hwjbo mu konea pai wiegi yai ami bidi dabe dao.

²⁶Te Livai hanigo ami bidi sese umabo te 4,600 ami bidi elalui. ²⁷Te Jehoiada te Aron hanide tobolu bidi dabede te bidi sese umabo bidi mu te 3,700 ami bidi bidalio. ²⁸Tama me Sadok, te gesi ogwa bidi me deli te wiegi yai ami bidi, aga deli hani te 22 bidi dabe dali asalio. Te bidi dabe augwali te ami ofisa bidi dao.

²⁹Te Benjamin hani da, te augwali Solgo deli hani dabe da, augwaligo ami bidi dabe te bidi sese umabo mu 3,000 bidai. Hasia mu te hani bidi hauwa te Sol wali pali, tiali goli megi da augwali te Devitba asalio.

³⁰Te Efraim hanigo bidi hauwa umabo mu te 20,800 ami bidi bidali. Augwali te wiegi yai ami dabe mu, te augwa deli hani tomode digi te genuai nogi elalualio.

³¹Te Manase hani me badu pedai te giliga dega sabo badu bidibo hani bidi, te bidi sese umabo 18,000 ami bidi bidai. Te augwa hani dabego digi augwali te Hebronba pelama, te Devit king pedalumainao po obaso, te augwali daj ilibaso pai dao.

³²Tama Isakar hanide te ofisa bidi te 200 bidi dali te Isakar hani ami tigidali badi te augwali dologode bidali. Te ofisa dabego homu kolesaga wiegi yai elalu, te mena tiwai nai pedalubo page me koneani, tama te Israel dabego mena tiwai sę yabo me koneai silai dao.

³³Tama te Sebulun hani bidi dabe te bidi sese umabo hauwa mu te 50,000 dwagi yai ami bidi bidali. Augwa te Devit deli naga tau sabo homu kolesaga naga elalui. Tama augwa te tobage boi hwjbo nai doado bage dabe dali sesu asalio.

³⁴Te Naptali hanide te ofisa bidi dabe te bidi sese umabo te 1,000 bidi elalu, te ami bidi te bidi sese hauwa me 37,000 bidi bidali. Tama augwa te boi hwjbo sabele me bobage sesemone ene dali sela asalio.

³⁵Tama te Dan hani bidi dabe te bidi sese hauwa 28,600 ami bidi bidali. Tigidali sogo augwaligo te boi hwjabo sisi elalu bidalio.

³⁶Te Aser hani bidi dabe te bidi sese hauwa mu te 40,000 ami bidi bidali. Tama tigidali sogo augwaligo me te boi hwjabo sisi elalu bidai dao.

³⁷Te Ruben hani me Gat hani me te Manase hani pedai te giliga asobo badu te we Jordan badu bidali, augwali te hani dabe, te bidi sese umabo mu te 120,000 ami bidali, te augwa boi hwjabo te tobage nai doado bage dali sesalio.

³⁸Te ami bidi dabe augwaligo te augwa boi hwjabo nai dabe dali seseyu, te Hebronba sabolalio. Augwaligo deli homu naga elaluali, te tigidali Israel pedai badu te Devit king pedalumainao homu naga yali. Te tigidali gasa Israel dabego me te tobage deli homu naga yai dao. ³⁹Te bidi dabe augwali Devit dali te Hebronde bidali. Te augwa abagi dabego augwali nai hauwa sisi ilali, tama augwa genuai nai daa sela sogo usu nama tuai dao. ⁴⁰Te tigidali tq pedai badu te tigidali Israel, te Isakar me Sebulun me Naptali te hani sela bidibo te not badu usu nama sisinama, te wiegi yai pemene umabo mu eyu, tama augwa te haniani nai sibi te Hebronba sisinibo se yai. Augwaligo te plaua hauwa badi, te duani wain wai du dabe me, te ni fik kaya te augwaligo olali me salio, te hauwa wain me oliv wel sobadi yali. Augwa te nai dabe te donki dabeba, me kamel dabeba, me bulmakau dabeba ugwadu munama sesalio. Tama augwa te we bidi dabego tuabo bulmakau me sipsip dabe me sesai dao.

Devitgo te Godigo Daq Wali Bomai Po Muani Halobage sigi pali
(2 Sml 6:1-11)

13 ¹Devitgo te bidi sese hauwa umabo 1,000 ami bidi tonalu, me te bidi sese a naga 100 bidi tonalubo ofisa bidi dabe augwali dali te po mibadi, te gasa tobolu bidi dabe dali me te po pusalio. ²⁻³Tialima nosali te miani po agai te aga dali sisalu bidibo te tigidali Israelba te po pusalio. Agai augwaliba te tiwai po wali, “Eno te tama homu yali, da pelama, te Godigo Daq Wali Bomai Po Muani Halobage sigi pelama sela asobaso, te wiegi yai egowe te homu ebao, magi baso meni, dago te Daq Wali Bomai Po Halobage te Sol king bidali sogo homu kone me isama tagalalio. Tibaso, dagego te tama homu ebo usu da olama, tama te God, dago Genuai Bidigo, homugo dago te Daq Wali Bomai Po Munalubo Halobage sela asomaina homu ebaso da, teda dago dena abagi dabe te tigidlai habu badu te Israel tq pedai kantride bidalubo bage tigidali i waibao. Tama dago te pris dabe me Livai dabe te augwa taunde bidalubo me i waibao. Tama te hani tigidali da dali deliba sisinagasomainao,” te po walio. ⁴Te we bidi tigidali augwaligo homugo te wali po godolo mu elama, Devitgo te po usu da po walio.

⁵Tibaso, Devitgo te tigidali Israel dabe te tigidali t̄o pedaiba i wali, te w̄e Sihor te Isip t̄o d̄aj̄ igi pali te saut badu gagalama, tama te bulu Hamatba pabo te sunumi tunu mage si te not badu usu niḡi palio. Tialima augwali sisinagaselama, te bulu Kiriāt Jearimba pelama, te D̄aḡ Wali Bomai Po Munalubo Halobage muani te sigi peyu yalio.^x ⁶Tama Devit dali te tigidali Israel te Juda t̄oḃa pali, te Bala taunba pali, te aga gasa nogi me Kiriāt Jearim. Augwaligo te Godigo D̄aḡ Wali Bomai Po Muani Halobage sigibu palio. Te halobage te nogi augwa e tiwai wali, Genuai Bidigo D̄aḡ Wali Bomai Po Munalubo Halobage dao wali. Te halobagede te mobo bidi ensel si noma ugwaḡu daide elaluali, te Genuai Bidi king dugulalubo sia sai tiwai dao.^y ⁷Tialima augwali pelama, te taun Balaba sabolali, tama augwali te Abinadapgo beba pali. Tama augwa te D̄aḡ Wali Bomai Po Munalubo Halobage selama, te gesi karis me deliba muani, te augwa dali sela painu yali. Tialima augwali hogodasa peyu, tama Usa dali Ahio dali sigo te karis pogolobo s̄e ela palio. ⁸Tama Devit dali te tigidali Israel dali dwagi yai homu eyu, te karis sela pelayu, te augwa t̄eḡbi wabo s̄e genuai eyu musik weyu, te Godigo nogi ugwaba mu salio. Augwa te bu wabo nai biugel ponoyu, te ḡabidi me gita eleyu, te musik wabo s̄e haniani mu yalio.

⁹Tialima augwali te bidi me deligo t̄o badu sabolali, te bidi Kidon, te bidi dabego tubo nai wit ge naga siyu, te wit wali sela s̄aḃo pesageba sabolali. Tama te pesagede te karis kegebo bulmakau dabe degasa painu, tama teḃogo te D̄aḡ Wali Bomai Po Munalubo Halobage t̄oḃa tula palainogo ilali. Tibaso, te bidi Usago te halobage nogogo d̄j̄ayanio. ¹⁰Tama Genuai Bidi s̄eḃe mu yai, magi baso meni, Usago nogo te D̄aḡ Wali Bomai Po Muani Halobageba muani. Tama tede digi tama te Genuai Bidigo aga ela muani, te Genuai Bidi aga gedude tiwai dao. ¹¹Devitgo suali, Genuai Bidigo te Usa ela muani s̄e sulama, tama Devitgo wado yali. Te bulu nogi augwaligo te tiwai nogi yai, Godigo Usa Ela Muani Pesage dao, wali. Tama te buku aseḡani bidi bidali sogo te we bidi augwaligo te tiwai nogi me udalio.

¹²Tama Devit te Genuai Bidide wi ebaso te tama po wali, “Magi elama mu eno te Godigo D̄aḡ Wali Bomai Po Muani Halobage ena dali te buluba sela paibawe?” ¹³Tama tialima, Devitgo te halobage te Devit agai taun, te Jerusalemba sela pabeo. Menio. Agai te Jerusalemba pabo sunumi tagalama, te D̄aḡ Wali Bomai Po Muani Halobage te bidi Obetidomgo beba mugi pali, te Get taun bidi me deli dao. ¹⁴Tama te D̄aḡ Wali Bomai Po Muani Halobage te bidi Obetidomgo bede munalubadi te polua sela bidali. Te tiali sogo Genuai Bidigo

^x 13:5 1 Sml 7:1-2 ^y 13:6 Sai 25:22

te Obetidom te aga we wai augwaliba wiegi yai sę ilama, te augwa tididali nai doado bage wiegi yai usu mu ilalio.^z

Devit Jerusalemde king bidali

(2 Sml 5:11-16)

14 ¹Te king Hiram te taun Tair bidigo te agai gavman ofisa bidi meba te Devitba tagala palali. Tama me agai te ni bę tigi dabe me te kapenda bidi dabe dali, te masigigo be nigibo sę yabo bidi dabe me tagala palali, te augwaligo king Devitgo genuai wiegi yai be sę emainogo yai dao. ²Devit agaba te sę dabe pedalubo sulama, tama agai te tama koneani, Genuai Bidigo digi aga te Israel king mu pedalumainu ilali homu yalio. Tama me agai koneai, Genuai Bidigo aga we bidi dabe tau sainu ebao homu yali, tama tiyu Genuai Bidigo te Israel tę kantri te wiegi yai mu pedalumainu ilalio.^a

³Devit te Jerusalemde bidu agai te we meba salio, tama agai te wai dabe meba ame nanio. ⁴Te agai ogwa dabe nogi e tama da, Samua, me Sobap, me Natan, me Solomon da, ⁵tama Iphar, me Elisua, me Elpelet, ⁶me Noga, me Nefek, me Jafia da, ⁷tama me Elisama, me Beliada, me Elifelet dao.

Devitgo te Filistia dabe dali boi hwįnama, augwali aiyaba elaluali

(2 Sml 5:17-25)

⁸Te Filistia dabe augwaligo te e tiwai po tama odali, te Israel dabego Devit te augwa king pedelali po obaso, te Filistia dabe hogodama, te boi hwįgi pelama, aga sainu yali. Tialima Devitgo te Filistia dabego te sę yainu ebo po odama, te agai aga ami bidi selama, te augwaliba boi hwįgi painu yalio. ⁹Te Filistia dabe augwali te odogo bulu Refaimba dulama, tama augwaligo te bulude bidibo we bidi augwaliba dwai sę ilalio.

¹⁰Tialima Devitgo Genuai Bidiba te tiwai hanalu wali, “Nago homugo eno te Filistia dabe augwaliba boi hwįgi homu eba agawe, ma meniwe? Te ena pobaso da, teda nago ena tau siyu, te augwali aiyaba elalumainu yaibawe, ma meniwe?” wali. Tama Genuai Bidigo te tiwai po agaba wei ponani, “Awe, nage pao. Te eno augwali nago nogoba munama, te nago augwali aiyaba elalueibao,” te po wai dao.

¹¹Tialima Devit dali, aga ami bidi dabe dali, augwaligo te Filistia dabe dali hwįgi pelama, te augwali aiyaba elaluai. Te agai te tiwai po wali, “God te bomai wę tiwai asama, te eno nogode agai eno boi bidi hani dabe togolalio,” wali. Tama augwaligo te bulu nogi te tiwai wali, Genuai Bidigo Te Hani Si Togolobo Dao, walio. ¹²Te Filistia dabe augwali wi peyu, te augwa tibo god taga palio. Tama Devitgo te tama po aga ami bidi dabeba obaso, te augwaligo te tibo god dabe isiba ulai dao.

^z 13:14 1 Sto 26:4-5 ^a 14:2 Bom 10:8

¹³Tialima nosali te Filistia dabe te odogo bulu Refaimba ma aselama, te augwaligo dwai sę te we bidi augwaliba ma yagasalio. ¹⁴Tama Devitgo Godiba te tiwai po hanalu wai, “Eno magi sę yagawe?” Tama Godigo te tiwai po wei ponani, “Dagego augwaliba boi hwīgi pao, tialima dage augwali gesabidi dolo mu me pigio. Menio. Te dage augwali tudi badu pelama, te augwaliba hwįainu te ni balsam sili dolalubo pesagede te hwįabo sisi elalua. ¹⁵Tama dagego te bidi dabe augwali te ni abude bilibo sela wabo tiwai odaibao. Tialima dagego koneaibao, ena digi eno te Filistia dabe dali hwįainu polasa paibao. Tama dagego te sela wabo odobo sogo, te dage udayu, te augwaliba boi hwīgi pao,” te po wali.^b ¹⁶Tialima Devitgo te Godigo po wali pelama, te Israel augwaligo te Filistia dabe pobelama, te augwali dolali, te taun Gibeonde gagalasa pali, te taun Geserba usu nigi palio. ¹⁷Te tigidali bulu tų kantri we bidigo Devitgo te tama sę yali po odama, te augwaligo Devitba genuai nogi manio, tama Genuai Bidigo digi te augwali Devitde wi emainu ilai dao.

Augwaligo te Daų Wali Bomai Po Muani Halobage sela pabo sisi elaluai

15 ¹Te Devitgo aga be dabe digi te Jerusalemde sę yani, te Devitgo Taun dao. Tama me aga te Godigo Daų Wali Bomai Po Muani Halobage muabo pesage me deli sisi elama, tama augwa te pesagede sel ugwa be sę yai dao. ²Tialima Devitgo te tama po walio, “Genuai Bidigo te Livai dabe daų ilama, te Daų Wali Bomai Po Muani Halobage tolabo bage daų ilama, te agai sę sesemane sogo emainogo yali. Tama tibaso, te Livai dabego augwaligo naga te tedali halobage tolobo sę emainu daų ilai dao,” wali. ³Tama Devitgo te Israel dabe tigidali te Jerusalemba sinagasomainu i wali, te augwali pelama, te Daų Wali Bomai Po Munolubo Halobage te agai sisi ilali pesageba sela asomainu yalio. ⁴Tama agai te pris dabe sisinani, te Arongo hani dabe, tama agai te gasa Livai dabe sisinani. Te Livai dabe nogi te tama da, ⁵Uriel, te Kohat hanigo tobolu bidi, te gasa 120 aga hani bidi dali, ⁶tama Asaia, te Merari hani tobolu bidi, te aga hani bidi 220 bidi dali, ⁷tama Joel, te Gerson hani tobolu bidi me, te aga hani bidi 130 bidi dali me, ⁸tama Semaia, te Elisafan hani tobolu bidi me, te aga hani bidi 200 bidi dali sisinani, ⁹tama Eliel, te Hebron hanide tobolu bidi, te aga hani bidi 80 bidi dali sisinani, ¹⁰te Abinadap, te Usiel hanide tobolu bidi bidali, te aga hani bidi 112 bidi dali sinagasalio.

¹¹Tialima Devitgo te pris Sadok me pris Abiatar i obadi, te Livai hani dabego tobolu bidi me i walio, te bidi Uriel, me Asaia, me Joel, me Semaia, me Eliel, me Aminadap, te tama tobolu bidi dabe i wai dao. ¹²Tama agai te tiwai po augwaliba wali, “Dage te Livai deli hani dabede tobolu bidi

^b 14:15 Sai 25:14

dabe, dage dali, te duga hani dali, te Genuai Bidi gedude duga digi wiegi yai pedalubo kolesaga wali pao. Tama dagego te God, te da Israelgo Genuai Bidigo, Daꝓ Wali Bomai Po Muani Halobage sela asobaso usu yaibao, eno te sisi ilali pesage te buluba sesao,” walio. ¹³“Te hasia dago sigi pali sogo te dage da dali me pisawai. Te God, Genuai Bidigo, te dabolo dene mabo se yali, magi baso meni, dago te dolo yai kolesaga wali pelama te Godiba bolo te dago mena kolesaga yabo te hanalubeo,” wali ¹⁴Tialima te pris dabe me Livai dabe te augwa digi God gedude wiegi yai pedalubo kolesaga yalio, te augwa te Israelgo Genuai Bidi Godigo te Daꝓ Wali Bomai Po Muani Halobage sigi painu tama tilama, te sesai dao. ¹⁵Te Livai hani dabego te halobage tolainu yali sogo, augwaligo te halobage tolobo kolesaga wali pali, te polobadu Genuai Bidigo Mosesbolo wali po tiwai gilama yali. Augwaligo te halobage ni palali ni te augwa nagede manama, te halobage tolasa pai dao.

¹⁶Tama Devitgo te Livai hani tobolu bidi dabeba walama, te teꝓbi weyu musik te halobage sela asobo sogo wabo Livai hani bidi meba daꝓ ilao po wali. Augwaligo te gita dabe me te brasgo nigai plet pou dabe me te elibo se eyu, te musik hwaꝓ genuai u omainu ilama, te augwaligo wiegi yai homu pemene ebo se hania ola mao wai. ¹⁷⁻²¹Tialima te tobolu bidi dabego te bidi Heman daꝓ ilali, te Joelgo ogwa, me aga hani bidi te Asap, te Berekiago ogwa. Tama me augwaligo te Etan daꝓ ilali, te Kusaiago ogwa te Merari hani bidi. Te bidi dabego te teꝓbi eyu te brasgo nigai plet pou elibo se eyu yalio. Te tobolu bidi dabego te bidi sela tau sabo gasa bidi dabe me daꝓ ilali. Te Livai dabego te gita elebo se elalui. Te augwali mebago te gasa tobage gita me elali, te aga dogoni ugwaba ebo da. Te bidi dabe nogi da e tama, Sekaraia, me Jasiel, me Semiramot, me Jehiel, me Uni, me Eliap, me Masea, me Benaia da. Te mebago te gasa tobage gita me elali, te dogoni aiyaba dulalio. Te bidi dabe nogi e tiwai da, Matitia, me Elifelehu, me Miknea, me Obetidom, me Jeiel, me Asaia. Obetidom me Jeiel te bidi si te Godigo be sunumi tonalubo bidi hani dabede te se ebo bidi me si dao. ²²Augwaligo te bidi Kenaia daꝓ ilama te halobage sela asobo se tigidali tonaluali, magi baso meni, agai te tobage se ebo mu koneai bidi. Kenaiaigo te tobage se sesemane sogo tonalubo se ebo bidi bidai. ²³⁻²⁴Tama augwaligo te Berekia, me Elkana, me Obetidom, me Jehia, te me si me si bidigo te Daꝓ Wali Bomai Po Muani Halobage tonalubo bidi daꝓ ilali. Tama augwaligo te halobage tolasa asobodu polasa pabo pris meba daꝓ ilama, te bu wabo nai biugel bu ola pomainu yali. Te pris dabe nogi e dao, Sebania, me Josafat, me Netanel, me Amasai, me Sekaraia, me Benaia, me Elieser dao.

**Augwaligo te Daꝓ Wali Bomai Po Muani Halobage
te Jerusalemba sesalio
(2 Sml 6:12-22)**

²⁵Augwali sisi ela silibo si da, teda Devit dali, te Israel tobolu bidi dabe me te bidi sese umabo 1,000 ami tonalubo ofisa bidi dabe dali,

augwali te Obetidomgo beba pelama, te Genuai Bidigo Daꝓ Wali Bomai Po Munalubo Halobage selama, te Jerusalemba sela palio. Tama te we bidi dabe augwali wiegi yai homu pemene mu yai dao. ²⁶Tama te Livai dabego te Godigo Daꝓ Wali Bomai Po Munalubo Halobage tolasa pabo sogo, te Godigo augwali tau salio. Tibaso, augwaligo te kibu bulmakau omai a naga olama si badi, te sipsip kibu omai me a naga olama si te Godiba ofa yai dao. ²⁷Devitgo te bobobage aiyaba tagalalubo ugwa augwaligo te gasa sawi yai nami ugwago nigai ugwa au yalio. Te Daꝓ Wali Bomai Po Munalubo Halobage tolobo pris dabe me te musik wabo prisgo me, te Kenaia, te seꝓ tonalubo bidi, tigidaligo te Devitgo gudali ugwa au yali tiwai tobage au naga yalio. Te bobage ugwa daide ugwadu, Devitgo te prisgo gudubo nami ugwa me deli te muani, te augwa gasa sawi yai nami ugwago nigai dao. ²⁸Tama tiali kolesagade te Genuai Bidigo Daꝓ Wali Bomai Po Muani Halobage te tigidali Israelgo te Jerusalemba selasa pai. Augwa wiegi yai homu pemene elama i bomonama weyu, tama augwa te tobage biugel bu weyu, te brasgo nigali pletba elu, te tobage gita dabe me elali, tama te musik eliyu kulukulu genuai mu pedelalio.

²⁹Tama augwaligo te halobage te Devitgo Taun tomoba sesali sogo, Mikal, te Solgo wegi, te be habu dogwa sali windodu dolalu te augwali suali. Tama agai te aga bidi king Devit suali, te aga wiegi yai pemene dali te teꝓbi eyu sasamano bilali, tama Mikalgo Devitgo te tama tebo kolesaga aga hagela eyu, tama aga dali dwai haliga seꝓe yai dao.

16 ¹Tialima augwaligo te Godigo Daꝓ Wali Bomai Po Munalubo Halobage muaiba olama Devitgo te seꝓ yani sel ugwa be tomoba te Daꝓ Wali Bomai Po Muani Halobage teba muanio. Tama augwa te isiba tigidali ulama domainu ebo ofa dabe ebadi, te God dali deli haliga pedalubo ofa me yalio. ²Devitgo te ofa dabe ela silama da, teda agai te tiwai po te we bidi dabeba wali, “Eno homugo te Genuai Bidigo wiegi yai seꝓ dagebolo emainao,” wali. ³Devitgo te tigidali we bidiba nai mani. Tigidali we bidi deli delibolo te bret deli selama, te augwa te iside ulali bulmakau kibu mi dali mena mena pelama, te olali wit meba dali mawai dao.

⁴Tama nosali Devitgo te Livai meba daꝓ ilali, te Daꝓ Wali Bomai Po Munalubo Halobage paꝓa pelama, Godiba lotu wabo bidi meba daꝓ ilali, te Israelgo Genuai Bidi da. Augwa te Godiba buba hwi olama, gedu haluasa po weyu, usu da po olama, te agai nogi ugwaba somainao wali. ⁵Devitgo te hanigo tobolu bidi te Asap daꝓ ilali, te Sekaraia te Asap tudi badu daganalubo si wali bidi da. Te gasa bidi meba nogi e tama da, Jeiel, me Semiramot, me Jehiel, me Matitia, me Eliap, me Benaia, me Obetidom, me gasa Jeiel da. Te bidi dabego seꝓ da te gita elebo seꝓ elaluali. Te Asapgo te brasgo nigali pou pletba elebo seꝓ yai dao. ⁶Tama Devitgo

te pris Benaia me pris Jahasiel te pris si daꝓ ilama, te Daꝓ Wali Bomai Po Munalubo Halobage pageba pelama te biugel bu omainu yai dao. ⁷Te hasia sogo mu tama Devitgo te Asapgo haniba te seꝓ mayu, te Genuai Bidiba usu da po wabo teꝓbi po omainu yai dao.

Augwaligo Genuai Bidiba usu da po wabo teꝓbi yali

(Tib 105:1-15; 96:1-13; 106:1; 106:47-48)

⁸Te Asapgo hani augwaligo te teꝓbi yalio,

“Dago Genuai Bidi nogi olama, agaba i weyu
te agabolo usu da po wao.

Te dago po hanilama pusao, te tigidali we bidi haniba
te agai yali genuai seꝓ dabe po pusao.

⁹Dago teꝓbi po dabe agaba pemene elama weyu,
te agai nogi ugwaba sao.

Te agai wiegi wiegi yai seꝓ dabe
yali po dago hanilama pusubaso usu dao.

¹⁰Dago wiegi yai pemene elama,
te agaba genuai nogi mao.

Te Genuai Bidi pageba pabo bidi dabe
augwali te wiegi yai pemene mu emainao.

¹¹Sesemane sogo dago te Genuai Bidi pageba pelama,
te agabolo hanalu te da tau selama bomo momainao.

¹²⁻¹³Dage te waꝓ noꝓ Abrahamgo wai dabe,
aga te Genuai Bidigo seꝓ bidi, dage Jekopgo hani,
dage we bidi dabe

Genuai Bidi aga da olama sa muani,

dagego homu kone ma palao,

te Genuai Bidigo bomai seꝓ dabe

te bidigo isaꝓwai noma sabo seꝓ agai yalio.

Te dagego homu kone palao, agai yabo seꝓ dabe
te dwai bidi dabeba te dwai dene mawaibao.

¹⁴Genuai Bidi aga dago God tama da.

Agai e toꝓde we bidi tigidali tonalubao.

¹⁵Agai bomai po daꝓ wali kontrak
me deli da dali yali,

te daꝓ wali po te sesemane sogo elalueibao.

Tama sesemane sogo agai te daꝓ wali

poba homu kone paludubo dao.

¹⁶Genuai Bidigo te daꝓ wali bomai po
Abraham dali yai.

Tama agai bomai po bodolu selama

- daꝓ wali po Aisak dali weyu
te daꝓ wali bomai po wali pao wali.^c
- 17 Agai Jekopba te po ma wali,
aga te Israel dabe waꝓ nõꝓ da,
te agade eno te daꝓ wali
bomai po sesemane elalua paibao.
- 18 Genuai Bidigo te tama po wali,
'Eno te Kenan tꝓ nageba mawaibao,
tama te tꝓ te nago waꝓ nõꝓ dabe
augwali hani wai dabego tꝓ elalueibao,' wali.^d
- 19 Polobadu Israel dabe augwali
te dwasianu hani mu bidali,
tama augwali te bulu wau bilibo bidi
te tꝓ meni yai bidi tiwai bidalio.
- 20 Augwali te gasa hani dabego tꝓde subigila bilalualio.
- 21 Tialima te Genuai Bidigo gasa
hani bidi dabe mebago dage aiyaba
elalumainu me ilibeo.
Agai augwali tau siyu te augwaliba
dwai sꝓ yainu ebo king dabe agai wado po wali.
- 22 Agai te tiwai po te king dabeba walali,
'Eno te we bidi augwali daꝓ ilali, te eno sꝓ emainu,
tama dagego augwaliba te dwai sꝓ munu me igio.
Te dagego eno po pusubo sꝓ ebo
profet bidi dabeba dwai sꝓ me elamo dao,' wali.^e
- 23 Dage tigidali tꝓde we bidi, dagego tꝓabi po
te Genuai Bidiba wao.
Te tigidali side agai dage
ma dobola sali po hanilama pusao.
- 24 Dagego te tigidali we bidi haniba
te agai genuai nogi po dagego te po walao,
te agai wiegi wiegi yai sꝓ dabe yai dao.
- 25 Genuai Bidi te polalubo bidi mu da,
tama dago agai nogi ugwaba mu sinoa.
Te gasa god dabe te Genuai Bidi tiwai me elalubeo.
Tama tibaso, da te Genuai Bidi dologoba pelama bidinao.
- 26 Magi baso meni, te gasa hani
we bidi augwaligo god dabe
augwali te tibo god naga da.
Tialima Genuai Bidigo naga te dagalu nigai dao.

^c 16:16 Gag 12:7; 26:3 ^d 16:18 Gag 28:13 ^e 16:22 Gag 20:3-7

- 27 Genuai Bidi aga bede bidibao,
 te aga genuai nogi elalu te king bidibao.
 Aga te tigidali bomo elalubo page bidi,
 te tigidali wiegi yai pemene ebo kolesaga me te
 tigidali sawi yai nai page bidi dao.
- 28 Dage tigidali hani we bidi,
 dagego wiegi yai homu pemene Genuai Bidiba yao.
 Dage te agai genuai nogi me
 bomode wiegi yai pemene yao.
- 29 Genuai Bidi polalubao,
 tama tialima dagego agai genuai nogi ugwaba sao.
 Dagego te ofa sela asu, agai beba asiqo.
 Genuai Bidigo kolesaga te wiegi yai
 doloba pai mu elalubao,
 te kolesaga aga wiegi yai au tiwai elalubao.
 Tama tialima dagego te homu koneama
 te agaba lotu po wao.
- 30 Dage tigidali tqde we bidi da,
 dage agade wi elama didibili yao.
 Genuai Bidigo te tq dili ilama elalubao,
 tama tq te kikilasa me biligobeo.
- 31 Tq me dagalu, dage si homu pemene elama
 te we bidi hani dabeba te tiwai po walao,
 ‘Genuai Bidi king bidibao,’ te po wao.
- 32 Tamu aji, nage pemene elama te aji u genuai wao.
 Te dage tigidali nai dabe te tamu aji tomode bidibao,
 dagego me wiegi yai pemene yao.
 Dage gi dabe, dage te gide elalubo nai dabe,
 dage tigidaligo wiegi yai homu pemene yao.
- 33 Genuai Bidi asama te king bidu,
 te tigidali tq habu badu tonalueibao.
 Tama tebo sogo te genuai bulu tq
 tomode te tigidali nigo te wiegi yai pemene ebo
 teqabi po wabo dao.
- 34 Dago Genuai Bidiba usu da po wao,
 magi baso meni, agai kolesaga
 te wiegi yai mu da, tama sesemane sogo
 agai da godolo homu mu ebo dao.^f
- 35 Tama dago te tiwai po me wainao,
 ‘Te we bidi dabe ma dobola sabo God,

^f 16:34 2 Sto 5:13; 7:3; Esr 3:11; Tib 100:5; 106:1; 107:1; 118:1; 136:1; Jer 33:11

megi nago da ma sao.

Da sisinama te gasa hani dabego nogode ma sao.

Tama tibaso dago nago genuai nogide

homu kone palama,

te nageba gedu haluasa po weyu usu da po waibao.

Tama dago wiegi yai homu pemene eyu

te nago nogi ugwaba saibao.'

³⁶ Dago God nogi ugwaba sinao,

Israelgo Genuai Bidi da, megi me tigidali sogo nosali,

me bidada peyu bidada paiba."

Te Asapgo hani augwaligo te teḡabi po ola silama da, teda te we bidi augwaligo te po wali, "Mu dao, te se mu pedalumainao. Te Genuai Bidigo nogi ugwanu sao," wali.

Asap aga deli hani dabe dali yali se

³⁷Devitgo Asap aga deli hani dabeba dali te se mayu, te Genuai Bidigo Daḡ Wali Bomai Po Muani Halobage pagede bidao wali, te deli deli side lotu wabo tonalumainu yali. Augwa te se sesemane sogo tonalumainu yai dao. ³⁸Tama Devitgo Obetidomba se mani, te Jedutungo ogwa, te aga hani dabe te 68 bidi dabe, augwaliba dali te se mawai, te Asapgo hani tau somainu yali. Tama Obetidom dali te Hosa siba te Daḡ Wali Bomai Po Munalubo Halobage munalubo sel ugwa be tonalubo se mawai dao.

Taun Gibeonde lotu wabo se yali

³⁹Tama Devitgo te pris Sadok aga ama dali daḡ ilali, te gasa pris dabe, te Gibeon taunde elalubo sel ugwa bede lotu wabo se tonalumainu yalio. ⁴⁰Tigidali side kigamu me pio augwaligo te isiba tigidali ulama dela silibo ofa yao wali, te Gibeonde elalubo altade te se yali. Augwaligo te ofa ebo bomai po wali piyaḡo te se Genuai Bidigo Israel augwaliba mawai se dao. ⁴¹Tama Devitgo Heman me Jedutun dali te Livai meba te Genuai Bidiba teḡabi weyu usu da po wabo bidi meba agai daḡ ilalio. Te teḡabi nogi e tiwai wali, "Sesemane sogo Genuai Bidigo da godolo umagi mu ebo dao." ⁴²Heman de Jedutun sigo te biugel eliyu, te brasgo nigai pletba elali, te gasagi yai musik dabe te lotu teḡabi wabo sogo elalio. Tama te Jedutungo ogwa dabego te Gibeonde elaluali Genuai Bidigo sel ugwa be sunumi dabe tonalubo se yalio.

⁴³Devitgo po silibo si da, teda te tigidali we bidi dabe augwa buluba pela silalio. Tama Devit aga beba ma peyu, te Godiba gedu haluasa po hanalu te aga we wai dabeba wiegi yai se bugagia ilimainu hanalu wai dao.^g

Profet Natango Godigo po Devitba mawai

(2 Sml 7:1-17)

17 ¹King Devit aga beba pelama bidigi pai elalubadi, tama nosali aga te Godigo po pusa mani bidi profet Natanbolo e tiwai wali, “Ena te genuai wiegi yai be me deli augwaligo te dwagi yai ni bogo sɛwai bede bidibao, tiali goli te Genuai Bidigo Daɣ Wali Bomai Po Halobage te sel ugwa olo bede munalubao. Te dolo meni da homu ebaɔ,” wali.

²Tialima te profet Natango Devitba te tiwai po walio, “God nage dali bidibao, tibaso nago mena sɛ me deli yabo homu ebaso, te sɛ yao,” wali.

³Tialima te sogo hulide digi Godigo Natanbolo te tiwai po wali, ⁴“Nage eno sɛ bidi Devitba pelama, tama nago eno e po agabolo mao, ‘Devit, nage eno te be sɛ yabo bidi da olama, sa muani bidi nage menio,’ te po Devitbolo wao. ⁵‘Ena te genuai bede bidibeo. Menio. Eno te Israel dabe te Isipde ma selama odasa asali sogo, ena te sel ugwa bede naga bidali. Te tigidali badu ena peyu asu yali, ena te sel ugwa bede naga bidai dao. ⁶Te dage Israel dabe dali te hauwa pedai badu bilalio, tama eno te dageba daɣ ilali tobolu bidi dabe me deli augwaliba hanalu eno te tiwai po me wabeo, “Magi baso nago eno be te wiegi yai ni bɔ namego sɛ ebe dawe?” eno te po wabe.’ Te po Devitbolo pusao,” Genuai Bidigo te Natanbolo wali. ⁷Tama Genuai Bidigo po ma daganu Natanbolo tama po wali, “Nago te Devitbolo e po pusao, ‘Ena Tigidali Bomo Elalubo Genuai Bidigo, eno nage te kibu sipsip tonalubo bidi bidali sogo selama, tama eno nage te ena we bidi Israel dabego tobolu bidi pedalumainu sa muyu daɣ ilai dao. ⁸Ena te nage mena badu pabo tigidali usu nama bidai. Tama nago boi bidi dabe eno aiyaba bomo kidilai madi te nosali nago augwali aiyaba elaluali. Te eno nageba genuai nogi mawaibao, te gasa tɔ kantri dabego polalubo bomai bidi dabego genuai nogi tiwai elalueibao. ⁹⁻¹⁰Eno te dage Israel dabego tɔ me deli daɣ ilali elalubao, te ena we bidi dabe, tama eno dage duga te tɔde bugagia bidimainu yalio. Tama te dwai sɛ ebo bidi dabego dageba dwai sɛ munu ma me egobeo. Te waɣ nɔɣ dabego te tɔ sabode gagalama, te eno dagego tobolu bidi daɣ ilibo sogoba usu nama te boi bidi dabego dage dolali sɛ teba daɣ yagasaibao. Tialima megɩ da, eno augwali palibaso da, te augwaligo dage munu ma dolisayɩ, te dagego tɔ kantri me dologobeo. Te eno nago hani dabe bidalumainu sula tagalama, te augwaligo nago waɣ nɔɣ dabe dalomainu yaibao,’ te po Devitbolo wao,” wali.

¹¹“Te nage isama augwaligo nage pubalobo sogo da, teda eno nago ogwa me deli te king pedalumainu yaibao. Te aga bomai king pedelama, te eno magi nai me deligo aga aiyaba elalumainu me egobeo. ¹²Te kingo tama te eno be sɛwaibao. Te eno agai hani bidide naga te sesemane sogo king pedalumainu yaibao po walio. ¹³Tama ena te aga aya bidu,

te aga eno ogwa bidaibao. Tama eno agaba te olo mu tau sabo wiegi yai kolesaga sesemane sogo idueibao. Eno aga tudiba me mugobeo, te nage king bidisiabadi te bidali kingba eno te yali kolesaga tiwai me egobeo. Menio.^h ¹⁴Te eno agai hani bidi dabede te king sesemane pedalumainu ilaibao, tama augwaligo eno te we bidi hani dabe tonalumainu yaibao po wai dao,' te po Devitbolo pusao," Genuai Bidigo Natanbolo te po wai. ¹⁵Tama Natango Genuai Bidigo te po dabe wabo odama, tialima aga pelama, te Genuai Bidigo agabolo te ola mani sę po tigidali te Devitba waligi palio.

Devitgo gedu haluasa po Genuai Bidiba wali
(2 Sml 7:1-17)

¹⁶King Devitgo Godigo te po dabe wali odobo si da, tialima aga te Genuai Bidigo sel ugwa be tomoba pelama te Genuai Bidigo geduba duagi pelama, te tiwai gedu haluasa po wali, "God, Genuai Bidi, nago te wiegi yai kolesaga hauwa enabolo yalio. Tialima ena dali te eno we wai da hani sibi, da te wiegi yai mu bidibaso nago te tiwai sę ebeo. ¹⁷God, nago te wiegi yai kolesaga dabe enabolo yali te usu isabo homu ebaso, te nago gasa wiegi yai sę megi enabolo ma ebao. Te nago eno wai nę dabe dali yabo sę po pusalio. God, Genuai Bidi, megi digi nago ena te genuai nogi elalubo bidi tonobo tiwai elama, ¹⁸te nago ena nogi ugwaba sobao. Tama tialima, eno mena po nagebolo wagawe? Ena naga sę bidi, te nago ena koneai dao. ¹⁹Nago ena wiegi yai bugagia ilabo homu ebaso, te naga homugo digi nago te genuai sę dabe ebao. Te megi da, nago te tama genuai sę dabe yabo po enabolo pusali dao. ²⁰Genuai Bidi, nage tiwai deli me menio. Naga duba deli te God mu da, te dago dena wai nę dabego pedauwalide odali tiwai dao. ²¹Nago da Israel dabe te Isipde kalabus bidibadi ma selama, nago da te naga hani we bidi pedalumainu ilali. Tama tialima, te gasa hani bage te naga hani we bidi dabe da tiwai me elalubeo. Tama nago da tau sabo te wiegi yai genuai mu te nago we bidi dabe da te tę kantriba sabalubo sogo ebao. Nago te gasa hani we bidi dabe ela gudulama, te dago augwaligo tę sagasalio. Tama tibaso, te tigidali bulu tę kantrigo te nageba genuai nogi mabo dao. ²²Genuai Bidio, nago da Israel dabe te naga we bidi hani mu pedalumainu elama, tama da te tiwai sesemane sogo bidaibao. Te naga digi nage dago God pedelama bidibao," wali.

²³"Genuai Bidio, eno homugo nago te enabolo me eno haniba te bomai po dę walu te yaibao wali tiwai sę te tiwai sę nago sesemane sogo yao. ²⁴Te we bidi dabe augwaligo nago te sę ebo sulama, te sesemane augwaligo nageba homu kone palu, te nageba genuai nogi mawaibao.

^h 17:13 2 Ko 6:18; Hib 1:5

Augwa te tama po waibao, ‘Tigidali Bomo Elalubo Genuai Bidi, te Israelgo God, aga duba deli mu te Israel augwaligo God da.’ Tama nago eno hani bidi dabe delide naga te king sesemane sogo pedaludumainu yaibao te po wai dao. ²⁵Nage eno God, nago enabolo te tama tiwai ola mani, nago te eno wai nq̄ hani dabe te bomo sesemane elaludumainu ilaibao. Tibaso ena, nago s̄ bidi, eno te tama gedu haluasa po nageba wabo wi me egobeo. ²⁶Genuai Bidi, naga digi nage God, tama nago te wiegi yai po ena dali dā wai dao. ²⁷Tama tialima eno homugo nago eno haniba wiegi yai s̄ bugagia yao, tama augwali nage dologode sesemane sogo bugagia bidimainao. Nago eno hani dabe augwaliba te dwagi yai s̄ yaibao po wali, tibaso eno koneani, te nago sesemane sogo augwali bugagia wiegi yai ilaibao,” Devitgo te gedu haluasa po wai dao.

Devitgo te boi bidi dabe aiyaba elaluali

(2 Sml 8:1-18)

18 ¹Me sogo nosali, Devit dali aga ami bidi dabego dali te Filistia dabeba boi hw̄igi pali. Augwaligo te Filistia dabe aiyaba elaluama, tama augwaligo te taun Get dali, te pāde elaluali bulu dabe dali sai dao. ²Tama nosali, Devit dali, te aga ami bidi dabego dali te Moap dabeba boi hw̄igi pelama, augwali me aiyaba elaluai. Tama te Moap dabe aga dologode bidiyu, te agaba takis mone madu geai dao. ³Tama nosali, Devit aga ami bidi dabe dali augwa te Hadateser dali boi hw̄igi pali, aga te Soba king bidi da. Soba te Siria hani dabego t̄ kantri me deli da, tama te t̄ kanrti Hamat pāde elaluai. Te sogo Hadatesergo aga ami bidi dabe selama, te w̄ Yufretis u badu pedai badu pabo s̄ yali, te boi hw̄inama te t̄ sai hagede yali. Tama Devitgo hanigo augwali dali deliba gesabi unulama, ⁴te boi hw̄iani digi augwali aiyaba elaluali. Tama Devitgo te Hadatesergo ami bidi dabe umabo salio. Agai te 20,000 ami bidi sobadi, te hosde dugulama hw̄ibo ami bidi umabo te 7,000 bidi sali. Tama Devitgo te hw̄ibo karis bidi sese umabo te 1,000 sobadi, te hw̄ibo karis kekebo hos 100 salio. Tialima Devitgo te gasa hos dabe sāga meba dolai madi te augwali bomona pabo usu is̄q̄wai.

⁵Te sogo te Siria dabe te bulu taun Damaskusde bidali, augwali hogodama peyu, te king Hadateser tau selama te boi hw̄iani. Tialima, Devit te aga ami bidi dali augwaligo te Siria ami bidi umabo te 22,000 bidi ela muanio. ⁶Tama Devitgo aga ami bidi hani dabe meba te t̄ kantri Siriade muani, te augwali tonalu, te augwaligo boi ma hw̄idali weyu yalio. Te Siria dabe aga dologode bidu, te Devitba takis mone manio. Te tigidali habuba Devitgo boi hw̄igi pabode, Genuai Bidigo aga tau sobaso, te agai bomo ugwanu mu yai dao. ⁷Tama Devitgo suali, te king Hadatesergo ami polalubo ofisa dabego te hw̄ibo sabele dabe augwa te golgo nigai sela asali. Tama agai te wiegi yai sabele dabe selama, tama augwali te Jerusalem

odasa palio. ⁸Tama me, agai te bras hauwa te taun Tiphath me taun Kunde sali, te taun si te Hadatesergo taun da. Nosali, Solomongo te bras dabego te Godigo tempel bede muabo nai dabe nigainu salio, te genuai aḡ tank me te bobobage pos si, te dis dabe me plet dabe, te tama nai nigalio.ⁱ

⁹King Toi te tḡ kantri Hamat bidigo odali, te Devitgo te king Hadatesergo ami bidi dabe aiyaba elaluali po odai, te Soba taun king dao. ¹⁰Tama tialima, Toigo aga ogwa Hadoram tagala palalio, aga gasa nogi me Joram, te king Devit bidibo madiba pelama, Devitgo te king Hadateser aiyaba elaluali po obaso te agaba wiegi yai homu pemene ebo weyu siade da po wagi pali. Tama me, Toigo te Devitba wiegi yai homu ilibo nai tolali. Augwaligo te wiegi yai homu ebo ilibo nai te gol me silva me brasgo nigai. King Toigo te Devitgo te king Hadateser aiyaba elalualide wiegi yai homu pemene yali, magi baso meni, hauwa sogo Hadatesergo Toi dali boi bidi yai dao. ¹¹Devitgo te Toigo wiegi yai homu eyu mani nai dabe agai te Genuai Bidiba dḡ ilama manio. Agai te tobage deli kolesaga te agai gasa boi bidi dabe elaluama sali silva me gol te Genuai Bidiba naga mawai, te Idom dabe, me Moap dabe, me Amon dabe, me Filistia dabe, me Amalek dabe, te hani augwali Devitgo aiyaba elaluai dao.

¹²Tama nosali, Abisai, te Seruiago ogwago, te Devitgo ami bidi dabe selama, te Tamu Hauwa Elalubo Odogo Bulude bidibo Idom dabeba boi hwḡgi pali. Tama augwaligo te bidi sese umabo te 18,000 Idom bidi dabe ela muai dao.^j ¹³Tama Abisaigo te Idom bidi hani dabe tonaluabo ami bidi dabe meba muani, tama te Idom dabe augwali Devit dologode bidalio. Te Devitgo boi hwḡgi pabo tigidali habuba, te Genuai Bidigo aga tau sobaso, aga ugwano igulama elaluai dao.

¹⁴Devitgo te tigidali Israel habu badu tonalu, te wiegi yai doloba pai kolesaga tigidali we bidiba yalio. ¹⁵Joap, te Seruiago ogwa, te ami bidi dabego augwa polalubo ofisa bidi bidali. Te Jehosafat, te Ahilutgo ogwa, te polalubo kuskus bidi bidiyu, te gavmango buku dabe tonalubo bidi bidai dao. ¹⁶Te Sadok dali Ahimelek si, augwali si pris bidali. Sadok te Ahitupgo ogwa. Te Ahimelek te Abiatargo ogwa. Tama Savsa te kingo sḡ ebo kuskus bidi bidai. ¹⁷Te Benaia, te Jehoiadago ogwa, agai te king Devit seselalubo ami dabe tonalubo ofisa bidali, te augwali Keret me Pelet hani dabe da. Tama te Devitgo ogwa dabe augwali te gavmande genuai bidi naga bidai dao.

Devitgo te Amon dabe me Siria dabe aiyaba elalualio
(2 Sml 10:1-19)

19 ¹Te Devit te bomai king pedelai madi, tama nosali Nahas te Amon dabego king isama, te aga ogwa Hanun, te king pedelai

ⁱ 18:8 1 Kin 7:40-47; 2 Sto 4:11-18 ^j 18:12 Tib 60 Tobolu pode

dao. ²Tama Devitgo te tiwai po wali, “Eno te Hanunba wiegi yai kolesaga yaibao, magi baso meni, aga aya Nahasgo te ena dali wiegi yai kolesaga yalio,” wali. Tibaso Devitgo te bidi meba tagala palama, te Hanunba wiegi yai homu yabo po wagi pabo bidi tagala palai. Tialima augwali te Hanunba sabaligi pabo side, ³te t̄ kantri Amon tobolu bidi dabego te tiwai po Hanunba walali, “Nago homugo Devitgo te bidi dabe tagala palali te nago ayade wiegi yai po wagasu te genuai nogi magasu yali da homu eba, agawe? Mu menio. Te agai augwali tagala palali te dago t̄ pedai kantri bugagia susa bilimainu yali, tama nosali aga dali, te aga ami bidi dabe dali aselama, da dolainu yali dao,” wali.

⁴Hanungo te po odama tama agai po obaso agai s̄ ebo bidi dabego te Devitgo tagala palali te hani bidi dabe pageabi elama, te augwaligo penane nisi me badu poa yalio. Tama me augwaligo gudali bobobage ugwa te togolama p̄wadage ilali, te gasa bidi dabego augwaligo habu mi sulama hale yabo s̄ ilalio, tama tilama agai te bidi dabe tagala palalio. ⁵Tialima te bidi dabe augwali hale mu ebaso, te augwa buluba ma begasa pabo hagela homu yalio. Hanungo te tama kolesaga Devit agai hani bidi dabeba yali po odali sogo, agai te tiwai po te bidi dabeba ola tolalio, “Dage te Jerusalem polo asabo te moni homu igio. Menio. Dage te Jerikode bidalu, te dagego penane nisi ma holobo sogoba usu nao, tama nosali dage ma asiagameo,” te po wai dao.

⁶Te Amon dabe augwaligo koneani, augwaligo te yali kolesagago Devitgo haliga dwai posolo mu ilali homu yai. Tama tibaso Hanun dali aga hani dabego te Mesopotemia dabeba, me te Siria dabe te t̄ kantri Makade bidali bidi haniba, me te t̄ pedai Soba te augwaliba te boi hw̄ibo karis dabe meba me ami bidi meba badi te aga tau somainu hanalu wali, te hos dabede dualama hw̄ibo ami bidi dabe me, te aga tau sao wali. Tama Hanungo te silva hauwa tolali, te aga s̄ s̄ te bidi sese umabo 35,000 kilogram usu dao, te kantriba tolali, te ami bidi dabe me te karis dabe dali abeliyu yalio. ⁷Augwaligo Hanunba te boi hw̄ibo nai karis te bidi sese hauwa 32,000 manio. Tama me, te Maka taun king bidi aga ami dali asu, te Hanun tau sagasainu yali, tama augwa bidabo pesage te taun Medeba p̄ba sili nigilama bidagasalio. Te Amon ami bidi dabe me augwa te taun dabe tagalama, te augwali asama, te Israel dabe dali boi hw̄iainu sisi elaluai dao.

⁸Devitgo odali, te Amon dabe augwaligo te ami bidi dabe sisinibo po odama, tama agai Joap dali, te Israel ami bidi dabe dali, te boi hw̄igi pomainu tagala palalio. ⁹Tialima te Amon dabe te taun Raba bagulali genuai obo sunumi p̄de dolaluali, te augwaligo genuai taun da. Te Siria king ami bidi dabe aselama, te Amon dabe tau sagasali, te augwali te kala bulu badu dolaluali. Tama tigidaligo te Israel dabe dali boi hw̄iainu sisi elaluai dao.

¹⁰Joapgo te boi bidi dabe sulama agai koneani, augwaligo te Israel dabeba si badu hwɛainu elalubo koneanio. Tama agai te wiegi yai bomai ami dabe meba daɣi ilama, tama augwali te kala bulu pesage badu dolalubo bage paɓadu wasilali. Tama aga digi augwali tonaluai dao. ¹¹Tama agai aga ama Abisai daɣi ilali, te agai gasa ami bidi dabe tonalumainu yali, tama Abisaigo augwali te Amon dabe paɓadu wasilalio. ¹²Tialima Joapgo Abisaibolo te tiwai po wali, “Te boi hwɛbo hodolobo sogo nago suali te Siria dabego da aiyaba elalubo homu ebaso da, teda dagego da tau sagasao. Me ma, te Amon dabego dage aiyaba elalueinu ebaso da, teda dago dage tau sagasaibao. ¹³Dage wi me elamuo. Dago dena we bidi dabede me Godigo dabolo mani taun dabe homu kone palama, tama dago hwɛbo bomo yao. Te mena se Genuai Bidigo dabolo yabo se te wiegi yai da homu ebaso da, teda agai te tama se naga emainao,” Joapgo aga ama Abisaibolo te po wali.

¹⁴Tialima Joap te aga ami dabe daligo boi hwɛgi palima, te Siria dabe wi palio. ¹⁵Te Amon dabego te Siria dabe wi pabo sulama, augwali me te Abisaigo hanide wi pelama, tama augwa taun genuai obo tomoba geme duala sigi pali. Tialima Joapgo aga ami bidi dabe selama, te Jerusalemba ma palio.

¹⁶Te Siria dabe augwaligo te tiwai suali, augwaligo te boi hwɛabo usu meni baso, te augwaligo bidi meba tagala palama, te Siria hani bidi dabe augwali te sia ge asobo badu te we Yufretis elalubo madi teba sigi pelama, tama te Siria dabe aselama, augwali tau sagasomainu yalio. Tama Sobak te king Hadatesergo polalubo ofisa bidigo augwali tonaluali. ¹⁷Devitgo te Siria dabe deliba sisinibo po odobaso, tama aga hogodama, te Israel ami dabe tigidali sisinama, tama augwali pelama, te we Jordan nogelama, tama te Siria dabe bidibo pesage paɓa sabolali. Te Israel dabe nani wasilama dolalu, tama Devitgo te Siria dabe dali hwɛjani. Te Siria dabego Israel dabe dali boi hwɛjani. ¹⁸Tialima te Israel dabego hwɛbo bomu eyu, te Siria dabe pogasa palio. Tama Devit aga ami bidi dabego dali te bidi sese umabo bidi 7,000 ami bidi te karis dabede dolalu hwɛbo bidi dabe elali, te meba ami bidi dabe te bidi sese umabo mu te 40,000 bidi ela muani. Tama augwaligo te Sobak me elalio, te Siria dabe augwa polalubo ofisa bidi dao. ¹⁹Te Siria dabe te king Hadateser dologode bidali sogo, te suali, te tiwai te Israel dabego augwali aiyaba elaluai baso, augwaligo Devitba walama, te augwaligo Israel dabe augwali dali munu ma boi hwɛgobeo po walio, tialima augwali te Devit dologode bidali. Te tudi badu nosali, te Siria dabego te Amon dabe tau selama, te Israel dabe augwaliba ma hwɛbo hagela yai dao.

Devitgo boi hwɛnama, te Raba taun salio

(2 Sml 11:1; 12:26-31)

20 ¹Tigidali kibu be deli delide, te kedau ebo silainu ebo sogo, te kingo augwa ami bidi dabe odasa pelama, te boi bidi dabe dali

hwīgi pomainu yalio. Tialima te nosali kibu bede Devitgo te Siria dabe aiyaba elaluali, tama te kedau silainu ebo sogo, Joapgo te aga ami bidi dabe selama, te Amon dabeba boi hwīgi palio. Augwaligo hwīnama, te Amon dabe aiyaba elaluama, te taun Raba bagulali, te augwa genuai taun da. Tiali goli Devit te hwībo madi pabeo. Aga te Jerusalemde bidali.

Joap dali te Israel ami bidi dabe daligo te Amon dabe dali hwībo bomo elama, te taun Raba selama tama mu dolai dao.^k 2Tama Devit te taun Raba teba aselama, te kingo madi te Amon kingo tobolude sagasali. Te madi augwaligo te golgo nigali, te aga seḡe te 35 kilogram elalui. Tama augwa te madi te gasa sawi yai wiegi yai masigi dabego au ilali. Tialima te Israel dabego te madi selama, te Devitgo toboluba muani. Tama me Devitgo te taunde mone hauwa sai dao. 3Tama agai te taun Raba we bidi tigidali selama, tama augwali te so me baria me sigi hwā mayu, augwaligo seḡ emainu yalio. Agai te tobage deli tigi poai kolesaga te tō Amon taun we bidi dabebolo te gasa we bidi augwaliba tama seḡ yalio. Tama nosali, Devit dali te aga ami bidi hani dabe dali augwali te Jerusalembe ma pai dao.

Te Israel dabe augwaligo te Filistia moni dobo dwai bidi dabe dali boi hwīani
(2 Sml 21:18-22)

4Tialima te Filistia dabe dali Israel dabe dali si tomode te boi dala sai, te Geser taun pade da. Te Israel me deli, te aga nogi Sibekai te Husa bulu bidigo, agai te moni dobo dwai bidi dabede te bidi me deli ela muani, aga nogi Sipai. Tama te Israel dabe augwaligo te Filistia dabe aiyaba elalui dao.

5Tama me sogo ma te Israel dabe augwaligo te Filistia dabe dali ma hwīani. Tama Elhanan, te Jairgo ogwago, te Lami ela muani, te Goliatgo ama te Get taun bidi da. Te Lamigo sesemone ene te genuai mu te ugwa hobolobo masin lum ain dili tiwai dao.^l

6Tama nosali te Get taunde boi me ma dala selama hwīani. Te moni dobo dwai bidi dabede te dobo dwai bidi me deli bidali, te agai dili bobage ugwanu mu holai bidi. Aga nogo deli delide te nogo a naga me deli tama elalui, te agai saḡa me te tiwai elaluali. Agai dani dabe te 24 dao. 7Te bidigo te Israel dabe augwaliba posobo po wali, tama te Jonatan, te Samago ogwa, te Devitgo amago ogwago, aga ela muanio.

8Te Filistia moni dobo dwai bidi nani dabedu te Get taun badu asalio. Tiali goli, Devitgo te aga ami bidi dabe daligo augwali ela muai dao.

Devitgo te we bidi augwali nedalio
(2 Sml 24:1-25)

21 1Te Satango te Israel dabe seḡe mawai hagede, tama agai Devitba homu kolesaga mobaso te Israel we bidi augwali nedao wai dao.

^k 20:1 2 Sml 11:1 ^l 20:5 1 Sml 17:4-7

²Tialima Devitgo te Joapbolo te gasa ami ofisa dabeba te tiwai po walali, “Dage pelama, te Israel we bidi nedegi pao,” wali. “Dage te t̄o pedai tigidali badu bilao, te taun Berseba te saut badu usu nama pao, tama te taun Dan te not badu me pao. Tama dagego te s̄e yali po as̄enama enaba sesao, tama tibaso eno te we bidi dabego namba koneaibao,” wali.

³Tialima Joapgo kingba te tiwai po wei ponani, “King, eno homugo Genuai Bidigo te we bidi dabe augwaligo namba ugwanu holomaina homu ebao, tama augwali te we bidi hauwa umabo pedalumainu homu ebao. Nago koneao, tigidali Israel nage dologode bidibao, te nage tama augwaligo king bidibao. Tialima magi baso nago te dwai kolesaga elama, te tigidali we bidide dwai s̄e elalueibawe?” te po wai. ⁴Tialima kingo Joapgo te po wali pao olama bomo yali. Tialima Joapgo te king tagalama, te tigidali t̄o pedaiba tedela pelama, te we bidi dabe nedegi painu yali. Te nosali aga Jerusalemba ma asalio.

⁵Tialima Joapgo te s̄e ela bilali po Devitba wagi pali, Israelde te hauwa umabo we bidi mu, te 1,100,000 bidigo te ami bidi s̄e yabo elaluali, te Juda bidi me te bidi sese umabo hauwa mu te 470,000 bidi dao. ⁶Tiali goli Joapgo te kingo aga te mani s̄ede agai homu wei ebeo, tama tiyu agai te Livai hani dabe dali te Benjamin hani dabe dali si te nedebao.

⁷Augwaligo te Israel we bidi dabe nedali s̄ede Godigo wiegi yai homu pemene is̄awai, tama teyu agai te Israel dabeba dwai dene mabo s̄e yalio. ⁸Tama Devitgo Godiba te tiwai gedu haluasa po wali, “Eno homu kone mu t̄a palama, eno te bidi dabe nedalio. Te tama tiali kolesagade eno dwai s̄e genuai mu yalio. Tialima nago ena homu dene eba wida, te eno nagebolo hanalu obao, te nago eno yali s̄e s̄e sela s̄ayao,” wali.

⁹⁻¹⁰Tialima Genuai Bidigo Gatba te po walali, te Devitgo profet bidi, te agai te tiwai po Devitba waligi pomainu yali, “Ena, Genuai Bidi, eno po dolo tama obao, eno nagebolo te sunumi sela ola mobao, te naga digi te nago me deli te d̄aḡ ilao. Te nago mena sunumi d̄aḡ ilali, te naga te eno wali pelama, te s̄e nageba pedalumainu ilaibao,” te po walio. ¹¹Tialima Gat pelama, Devit sugi pelama, agaba te tiwai po walio, “Genuai Bidigo nageba te po weyu, te sunumi sela elaluba wali nai dabede te nai me deli nago d̄aḡ ilao po wali dao. ¹²Nago homugo te kibu be selade usu nama te genuai nai nasi si pedelama te bidimai da homu yaibawe? Ma, nago homugo te boi bidi dabego dage dolagaselama, te dage augwalide wi pelama, te polua sela bidigi pabo homu yaibawe? Ma, nago homugo te Genuai Bidigo dage dolama te dwai gasi nago t̄o pedai we bidi augwaliba te gasi sela sogo elalumainao homu nago yaibawe? Megi tama nago homu kone palama, te nago mena homu ebo po enabolo walobaso, tama eno te po Genuai Bidiba ma sela pelama wagi paibao,” Gatgo te po wali.

¹³Tialima Devitgo Gatba te tama po wali, “Nago enabolo te wali po dabede homu s̄e s̄e mu ebao. Tama tibaso, te Genuai Bidi aga digi enabolo

emainu sula tagalao, magi baso meni, aga te dade homu dene eyu tau sabo wiegi yai kolesaga sesemane sogo ebo God da. Tialima eno homugo te bidi dabego da dolobo te hagela homu ebao,” wali.

¹⁴Tama tialima, Genuai Bidigo dwai gasi te Israel dabe augwaliba tagala palama, tama bidi sese umabo hauwa te 70,000 we bidi isalio. ¹⁵Tama Godigo te mobo bidi enselgo te Jerusalem dolomainu tagala palali. Tialima Genuai Bidigo suali, te enselgo te Jerusalem elainu ebaso, tama te dwai nai te we bidi augwaliba pedalubo te agai homu dene yalio. Te agai homu hasegelama, tama te ensel bidiba te tama po wali, “Tagalao. Te usu dao,” wali.

Te sogo te ensel te augwaligo te nai wit ge siyu, te bo wali sela şabo pesage me deli pađe dolalualali. Te t̄o dage te Araunago t̄o da, te Jebus hani bidi me deli. Te Araunago me nogi Ornan dao. ¹⁶Tama Devit te Israel tobolu bidi dabe daligo te homu dene ebo ugwa gudalio. Tama Devitgo gedu ugwaba selama tonobadi, te Genuai Bidigo ensel bidi te dagalu de t̄o si tomode dolalu, te agai nogode bainat hw̄a tolalu, te Jerusalem dolai hagede sisilalualali. Tama Devit te tobolu bidi dabe dali degasa dulama te gesabidi t̄oşa p̄ogulalio. ¹⁷Tama Devitgo Godiba te tiwai gedu haluasa po wali, “Ena digi eno te po obaso, augwaligo te we bidi dabe nedalio. Eno naga eno te seğe sali, tama eno dwai seğe genuai yalio. Tialima te we bidi augwali hobedagi yali, augwaligo mena seğe ebaso nago augwaliba te dwai dene maniwe? Augwali da, augwali te olo bidibo sipsip dabe naga tiwai dao. God, eno Genuai Bidi, nago ena te ena we wai dabe daliba te dene mao, tama nago naga we bidi dabe augwali te dwai gasigo dolomainu sula tagaligio,” wali.

¹⁸Tialima te Genuai Bidigo enselgo te po Gatba walama, te Devitba wagi pomainogo yali, “Nage te bulu duba holao, te Jebus hani Araunago wit sabo pesageba holao, tama tede nago te Genuai Bidigo alta me deli nigao,” wali. ¹⁹Tialima Devitgo Genuai Bidigo po wali pali, te Gatgo agabolo wali po gilama, tama aga te nai wit sabo pesageba holalio. ²⁰Te Arauna aga ogwa me si me si dabe dali te nai wit sabo seğe iduai. Tama augwa te ensel subo sogo da, te ogwa dabe udulama geme duala sigi palio. ²¹Tialima Araunago tonobadi te Devit asobo suali. Tama aga peyu, Devit dali deliba gesabi unulama, te aga sağa pageba bogoli sugunanio. Te aga tobolu basi gulama, te Devitba genuai nogi manio. ²²Tama Devitgo Araunabolo te tiwai po wali, “Te nago megi te nai wit sabo seğe ebo pesage enabolo mao. Tama eno nageba te t̄o abelabo mone usugo dolo tama abelaibao. Eno te Genuai Bidigo alta te pesagede nigilama, tama te we bidi dabe augwaliba te pedalubo genuai gasi, te silimainu yaibao,” wali.

²³Tialima Araunago Devitba te tiwai po wali, “King, tagalao, eno te t̄o nago abelibo eno hagela homu ebao. Nago olo sao,” wali. “Tama nago

te ofa yabo gasa nai dabe dali me sao. Eno te bulmakau dabe nageba mobao, te nago isiba tigidali ulama ofa yabo nai da. Te eno nagebolo te wit yabe dabe sela sayabo ni pedai dabe dali te wit ge meba me mawaibao, te nago wit ulubo ofa emainu yaibao. King o, te tigidali nai eno nageba olo mobao,” wali.

²⁴Tialima king Devitgo Araunabolo e tiwai po wali, “Eno nago nai dabe te olo mu selama te Genuai Bidiba me magobeo. Eno ena digi se dene elama pedalisawai nai me delide te ofa ebo se tiwai egobeo. Menio. Eno te nai dabe nagede abelibaso usu da, te aga mone dologo tama abelaibao,” wali. ²⁵Tialima Devitgo Araunabolo te 7 kilogram gol mawai, te to abelama mawai dao. ²⁶Tama Devitgo te pesagede Genuai Bidigo alta me deli nigalio, tama agai te isiba tigidali ulama dabo ofa dabe ebad, te God dali deli haliga pedalubo ofa me yalio. Tama Devitgo Genuai Bidiba gedu haluasa po obaso, tama Genuai Bidigo agai gedu haluasa po odama, tama te dagaludu isi tagala palama, tama te altade munaluali ofa yali nai dabe isigo dela silalio. ²⁷Tama Genuai Bidigo po obaso, te ensel bidigo te bainat hwa te aga munaluali pesageba ma muai dao.

²⁸Devit te Araunago tode bidu, tama agai gedu haluasa po te Genuai Bidigo odobo subo tiwai yali. Tama tibaso, Devit agai te bulude te Genuai Bidiba te ofa dabe ebo kolesaga gagalali. ²⁹Te sogo, te Genuai Bidigo sel ugwa be me te agaba ofa ebo alta dabe, te lotu wabo pesage mu te Gibeon taunde elaluali. Polobadu Mosesgo te sel ugwa be se yani te Israel dabe augwali te to wa pai bulude bidali sogo te tobage be se yai dao. ³⁰Tialima te sogo Devit te taun Gibeonba pelama, te Genuai Bidigo homu konemainu yabo usu meni yai, magi baso meni, aga te Genuai Bidigo enselgo bainat hwa toalubo sulama wi yai dao.

22 ¹Tama tialima Devit te Araunago tode bididu agai te tama po wali, “Dago te Genuai Bidi Godigo be ede se yaibao. Tama te ofa yabo alta dabe, te me ede elalueibao, tama te Israel dabe eba aselama, te ofa dabe yagasomainao,” wali.

Devitgo te Genuai Bidigo be se yabo doado bage sisinani

(Dai 22:1–29:30)

Solomongo te Genuai Bidigo be se yaibao wai

²Te Israel hani isawai hani bidi dabe meba te Israel dabe dali bidali, tama king Devitgo augwali sisinagasomainu i olama, te agai se augwaliba mawai. Agai meba da ilama, te masigi togobo se emainu yali, tama agai augwaliba te po weyu, “Te masigi dabe bugagia togolama dodolao,” wali, “te Godigo be se yabo nai dao,” wali. ³Tama Devitgo te nil dabe nigabo ain umabo hauwa sisinani, tama te be sunumi dabe da walabo

ain delage dabe me nigabo ain sisinani. Tama me, agai te bras hauwa mu sisinani, te bidigo aga sege dabe dagalabo usu meni yai dao. ⁴Tama me, te taun Tair me Saidon bulu bidi dabego te wiegi yai ni bq hauwa mu te Devitba sesalio, tama te bidigo nedabo usu meni yai dao. ⁵Te Devit isisabadi, agai te Genuai Bidigo be se yabo nai hauwa sisinanio. Agai te tiwai po wali, “Eno ogwa, Solomon, aga te gesi ogwa bidi mu elalubaso, tama agai te be se ebo kolesaga kuna konesawai elalubao. Tiali goli eno homugo Solomongo te Genuai Bidigo be wiegi yai sawi yai mu se emaina homu elama, tama te tigidali bulu tq kantri we bidi augwaligo sulama, te wiegi yai pemene genuai mu eyu, te Genuai Bidiba genuai nogi mawaibao. Tama tiyu, ena digi eno Solomongo te be se yabo nai doado dage sisinaibao,” wali.

⁶Devit aga ogwa Solomonbolo agai te po walaiba homu yali, te Solomongo te Godigo be se emai hagede yali, te Israelgo Genuai Bidi da. Tama tialima Devitgo Solomon asomainogo i olama, ⁷tama agabolo te tama po walali, “Ogwao, ena digi eno te we bidi augwali te dago Genuai Bidi God pageba aselama, te agaba lotu wabo be me deli se yabo homu yali. ⁸Tiali goli Genuai Bidigo po enabolo mayu, te tiwai po wali, ‘Devit, nago eno be se enamuo, magi baso meni, nago boi hauwa hwinama, te bidi hauwa ela muai. Eno suali, nago bidi hauwa ela muani, tama tibaso eno homugo nago te be se me egobeo. Menio. ⁹Tialima eno te wai ogwa me deli nageba mawaibao, tama aga te king pedalubo sogo, agai te we bidi augwali bugagia tegaluama bidabo se mawaibao, tama te gasa bulu tq kantri dabe augwaligo agaba te boi bidi yabo se me iligobeo. Eno nagebolo te mabo wai da, agabolo polabo nogi da te nogi Solomon, magi baso meni, te aga king bidibo sogo eno te Israel we bidi augwali homu wiegi yai bugagia nagame elama bidabo se ilaibao,’ wali. ¹⁰‘Te king agai tama naga te we bidi augwali ena pageba aselama lotu wabo be se yaibao. Aga eno wai bidiyu, te ena agai aya bidaibao. Te eno agai hani bidi dabede naga te Israel king pedalu se sesemane ilaibao,’ Godigo enabolo te po wai dao,” Devitgo aga ogwa Solomonbolo wali.^m

¹¹Tama Devitgo po te Solomonba ma weyu te tama wali, “Ogwao, eno homugo te Genuai Bidi nage dali bidu te nage tau sobaso, te Godigo be se yaibao, dago Genuai Bidi, te tiwai po aga digi wai dao. ¹²Te eno homugo Genuai Bidigo te wiegi yai homu konebo homu kolesaga nagebolo menama, tama nago te dago Genuai Bidi te Godigo bomai po tigidali wali paibao, te agai nage te Israel king pedalumainu ilibo sogo te tama tiaibao. ¹³Solomon, te nago bugagia mu tonalubo se eyu, nago te bomai po tigidali wali pao, te Genuai Bidigo da Israel dabebolo maiabo po Mosesba wali, te bomai po tigidali nago wali pobaso da, teda nago ebo se

^m 22:10 2 Sml 7:1-16; 1 Sto 17:1-14

tigidali te wiegi yai naga pedelaibao. Nage bomonama dolalu, te nage wi me elamuo. Te nage magi nai me delide kila sigio,” wali.”

¹⁴“Ena te se dene mu elama, te tama nai sisinani, te 3,500 ton golgo sege, me te 35,000 ton silva, te tama sege elalubo nai sisinani, te Genuai Bidigo be se yabo nai da. Tama eno te ain me bras hauwa umabo sisinani, te nai dabego sege te bidi dabego te skel ebaso usu egobeo. Tama me, eno te ni dabe me masigi dabe sisinani, tiali goli te nago umabo mu ma sao.” Devitgo te po Solomon dali wai dao. ¹⁵“Nago se yabo bidi hauwa elalubao. Te masigi togobo bidi dabe, me te masigigo be se ebo koneai bidi dabe elalubao. Te be se ebo kamda dabe me elalu, te tobage nai dabe te gol me silva me bras me ain, ¹⁶te tama nai dabego haniani nai nigibo koneai bidi hauwa elalubao. Nago se hodolao, tama te Genuai Bidi nage dali bidaibao,” Devitgo te po wali.

¹⁷Tama nosali, Devitgo te Israelde polalubo bidi tigidaliba po walama, te Solomon tau sao walio. ¹⁸Tama agai te tiwai po augwaliba wali, “God, dago Genuai Bidi, te dage dali bidibao. Agai eno te e tde polobadu bidali we bidi hani dabe augwali aiyaba elalumainu ilama, tama megı da augwali te aga me dage dologode bidibao. Te tama tiali kolesagade agai te wiegi yai bodolu si dageba menama, te dage bugagia tegaluama bidu, te boi bidi augwaligo dageba munu ma boi hwıbe dao. ¹⁹Tama tialima, megı da, dagego homu deli naga elalu, tama dagego bomu mu elama, te dago Genuai Bidi Godigo homu wali pao. Tialima megı da, dagego te Genuai Bidi Godigo be se ebo gagalao. Tama nosali dagego te Genuai Bidigo Daı Wali Bomai Po Munalubo Halobage me te dis plet agai nai dabe selama, tama te beba muagameo, te be da te we bidi augwali te Genuai Bidi pageba aselama lotu wagasabo be dao,” Devitgo te po wai.

23 ¹Te Devit te monu dabe mu ebaso, agai aga ogwa Solomon sa munama tama Solomon te Israel dabego king pedelai dao.^o

Devitgo te Livai dabego yabo se daı ilali

²King Devitgo te Israel augwa polalubo bidi dabe sisinama, te pris dabe me Livai dabe dali sisinanio. ³Agai te po obaso, te bidi dabe augwaligo te Livai hani bidi dabe nedada palio. Augwaligo te Livai dabe te kibu be 30 yia edelali bidide gagalama nedalio, tama te Livai dabe nedada pali te bidi sese umabo mu te 38,000 bidi bidai dao. ⁴Tialima Devitgo te tama po wali, “Te bidi dabe augwalide te 24,000 bidigo te Genuai Bidigo tempel bede se ebo tonalumainao, me te gasa 6,000 bidigo te ofisade pepa asebo kuskus bidi se eyu, te po tu odobo se ebo bidi bidimainao. ⁵Tama te me 4,000 bidigo te Genuai Bidigo be tonalubo bidi bidao, te gasa 4,000 bidigo te Genuai Bidigo nogi ugwaba sabo teıbi wabo wiegi yai musik omainao.

Eno te musik wabo haniani nai dabe nigali, tama augwaligo te nai dabe selama te musik elebo sę emainao,” Devitgo te po wali.

⁶Te Livai dabede te augwali hani sela elaluali. Augwali te Livaigo ogwa selade te hani pedelali, te ogwa dabe nogi e dao, Gerson, me Kohat, me Merari. Tama Devitgo te Livai dabe te hani selade dobayali, te augwaligo augwa te sę dabe emainu yalio.

⁷Te Gersongo ogwa dabe nogi e tama tiwai da, Ladan me Simei dao. ⁸Tama Ladango ogwa sela ame nani ogwa bidalio. Te gomunai ogwa te Jehiel. Te meba ogwa dabe nogi e tiwai da, Setam me Joel. ⁹Te sela bage augwali te Ladango hani dabede tobolu bidi bidali. Simeigo^p ogwa sela bidali. Augwali nogi e tiwai da, Selomot, me Hasiel, me Haran dao. ¹⁰⁻¹¹Te bidi Simeigo ogwa me si me si nama ogwa bidali. Gomunai ogwa te Jahat, tomo ogwa Sina, aga nogi me te Sisa. Te mebago nogi e tiwai, Jeus me Beria. Jeus de Beria sigo te ogwa hauwa me elalubeo, tama tiyu te augwali sigo waigo ame nani wai dabe te deliba sisę palama te deli hani dabe naga tama pedelai dao.

¹²Kohatgo ogwa me si me si bidali. Augwali nogi e tama da, Amram, me Ishar, me Hebron, me Usiel dao. ¹³Te Amramgo ogwa dabe nogi e tiwai da, Aron me Moses da. Genuai Bidigo Aron te aga ogwa dabe dali daę ilama, te we bidi augwaligo te Genuai Bidiba daę ilama hasia podolali nai dabe te Aron aga ogwa dabe dali augwaligo tonalualio, tama augwaligo te sę dabe sesemane sogo idualio. Tama te Genuai Bidiba lotu wabo sogo tigidali augwaligo te wiegi yai denami ebo hano ilibo nai pauda ulubo sę yai dao. Tama me augwaligo Genuai Bidigo sę eyu, te we bidi augwaliba wiegi yai sę bugagia ilimainu te Genuai Bidiba hanalubo sę yai dao.^q ¹⁴Tialima te Mosesgo ogwa dabe, te Godigo bidigo ogwa dabe, augwali te gasa olo Livai hani dabe tiwai pedelai dao. ¹⁵Mosesgo ogwa dabe nogi e tama da, Gerson me Elieser dao. ¹⁶Gersongo gomunai ogwa te Sebuel dao. ¹⁷Te Eliesergo ogwa deli digi mu bidali, agai nogi da Rehabia da. Tialima Rehabiigo ogwa hani hauwa elalualio.

¹⁸Ishar te Kohatgo ogwa, tama Ishargo gomunai ogwa te Selomit bidali. ¹⁹Te Hebron, te Kohatgo me ogwago te ogwa me si me si nama bidali. Gomunai ogwa te Jeria, tomo ogwa te Amaria, te sela ogwa Jahasiel, te ene nanobo ogwa wali te Jekameam dao. ²⁰Tama Usiel, te Kohatgo me ogwa mego te ogwa si bidali. Gomunai ogwa te Maika, te tomo ogwa Isia dao.

²¹Merari te Livaigo ogwa da, tama te Merarigo ogwa dabe nogi e tiwai elalubao, Mali me Musi. Te Maligo ogwa nogi e tiwai elalubao, Eleasar

^p 23:9 Te Simeigo ogwa dabe namba te ves 9 tede elalubo tiwai si te agai ogwa dabe te elaluali te ves 10-11 tede elalubo namba tiwai si elalubeo. Te mena namba dolo mu elalubowe, te dago konebe dao. ^q 23:13 Sai 28:1

me Kis da. ²² Eleasargo te wegi dabe naga ame nai bidali, tama agai te wegi dabe te augwa deli hani bidi dabego sali, te Kisgo ogwa dabego sai dao. ²³ Musigo ogwa sela bidali. Augwali nogi e tama da, Mali, me Eder, me Jeremot dao.

²⁴ Te tigidali bidi augwali te Livaigo hani wai dabe da, tama augwali te Livai augwa hanide tobolu bidi hani bidali. Te bidi dabe augwaligo te Livai hani augwaligo nogi dodolama asęşedulali sogo, tama deli deli bidi nogi te augwa bulali wai hani me deli bidigo ame nani wai dabe te nogi muanio. Tama te Livai dabego kibu be bidi sese deli edelali da, augwa te Genuai Bidigo tempel bede sę eyu yai dao.

²⁵ Devitgo te tama po wali, “God, Israelgo Genuai Bidigo, te agai we bidi augwaliba bugagia bidabo bodolu mawai, tama aga da te Jerusalemde sesemane sogo bidaibao. ²⁶ Tama tialima te Livai dabe augwaligo te Genuai Bidigo sel ugwa be tolasa bilali sę me te lotu wabo nai dabe tolali sę me munu ma egobeo, te tobage sę ebo sogo te silali dao,” wali. ²⁷ Tama nosali, te bidi dabe augwaligo te Devitgo simanobo po wali pelama, tama augwaligo te Livai hani dabe nogi asębo sę yali. Te Livai bidi dabego kibu be bidi sese deli edelebaso da, teda te bidi dabego augwaligo nogi mubo pesageba muani, augwa te Genuai Bidigo bede sę emainu yai dao. ²⁸ Te Livai dabego sę e tiwai elalubao. ⁵ Augwaligo te Genuai Bidigo bede te Arongo hani tau sabo sę elaluaibao. Tama augwaligo sę te bidi sisinibo pesage dabe me te Genuai Bidigo obo habu tomode tonalubo sę elaluali. Tama te dis me plet dabe te Genuai Bidigo nai da olama sa muani nai, te Genuai Bidigo gedude meda pedelai baso da, teda te Livai dabe augwaligo te nai dabe wiegi yai ma pedalumainu ebo sę elalui dao.

Tama me te Livai dabe augwaligo te tobage gasa sę te Genuai Bidigo be tomode ebo sę elalui dao. ²⁹ Augwaligo te Godiba mabo bret tonalubo sę yali, tama te wit ulubo ofa ebo plaua me tonalubo sę eyu, tama te bisket dabe tonalu te avende ulubo ofa dabe tonalu yali, tama augwa te wel dali taluama ulubo plaua me tonalubo sę yai. Tama me augwaligo te ofa yabo nai dabe dagala mubo sę elalui dao. ³⁰ Tama te tigidali sogo kigamu me pio augwa te Genuai Bidi gesabidi paşa asobo sę elalu, te wiegi yai pemene eyu agai nogi ugwaba sabo sę yalio. ³¹ Tama augwaligo te tobage deli kolesaga te tigidali Sabatde te ofa ulubo sogo eyu, te gesi polua genuai bodolu side me, te gasa lotu wabo genuai side te sę yalio. Te bomai pode te po wai te Livai dabe nisu naga bidigo te sę dabe te deli deli sogo yabo bomai po elalui. Sesemane sogo te Livai dabego te

⁵ 23:26 Bom 10:8 ⁵ 23:28 Te Devitgo wali po te ves 26 tede silali subo tiwai yali. Tialima bidi mebagu homugo te ves 28du 32ba elalubo te po dabe, te me Devitgo po elaluba homu yalio.

Genuai Bidiba lotu wabo sę elalui dao. ³²Te Livai dabe augwaligo hasia bolo te Genuai Bidigo sel ugwa be tonalubo sę eyu, tama nosali te Genuai Bidigo tempel be dali tonalubo sę yali. Te augwa deli hani dabe tau sabo sę me elalui, te Arongo pris hani dabe, te augwaligo sę te Genuai Bidigo tempel bede yai dao.⁴

**Devitgo te pris dabe hani meba dobayali
augwaligo te Godigo sę emainogo yali**

24 ¹E da te Arongo ogwa dabe hani sibi dabe da. Arongo ogwa dabe nogi da e tiwai elalubao, Nadap, me Abihu, me Eleasar, me Itamar dao. ²Tialima Nadap me Abihu sigo wai me ame nisiq̄badi te augwali si isali, te augwa si aya bidibadi da. Tialima Eleasar me Itamar si naga te pris pedelalio.⁴ ³Tama Devit te king bidali sogo, agai homugo te pris dabego sę bugagia emainu homu elama, tama agai te pris hani dabe deli deliba te sę sabo ɖaj ilali. Tama Sadok de Ahimelek sigo te agai te pris dabeba sę dobabo tau salio. Sadok te Eleasargo hani wai da, tama Ahimelek te Itamar hanigo wai dao. ⁴Augwaligo suali, te Eleasargo hanide tobolu bidi hauwa elaluali, tibaso augwaligo te 16 te tama hani augwali dobayalio. Tialima te Itamargo hani tobolu bidi hauwa meni baso, tama augwali hani te a naga me sela hani naga dobayalio. ⁵Devitgo te pris sę yabo bidi dabe augwali ɖaj ilainu yali sogo, agai te Eleasargo hanide naga, ma te Itamargo hanide naga te ɖaj ebaso usu me egobeo. Menio. Agai te bidi hani dabe talua side naga ɖaj ilaibao, magi baso meni, te hani side te Godigo sę ebo usu yabo bidi dabe naga bidali, tama te Genuai Bidigo bede sę ebo usu yabo bidi dabe bidali. Tama tialima augwa te satu gagali elama, te bidi dabe ɖaj ilali.

⁶Te Eleasar me Itamar sigo hani ogwa dabe te satu gagalide hasesegele pelama te pris dabe ɖaj ilali. Augwaligo ɖaj ilama te kuskus Semaia, te Livai hani te Netanelgo ogwa, agai augwaligo nogi aseani. Tama king Devit aga ofisa dabe dali, me te pris Sadok, me pris Ahimelek, te Abiatargo ogwa, tama te pris me Livai dabe augwali hani tobolu bidi dabe, tigidaligo te Semaiago te nogi asebo sualio.

⁷Te augwaligo hasia sogo te satu gagali yalima, augwaligo te Jehoiaripgo hani dabe ɖaj ilali. Tama namba 2 te Jedaia hani ɖaj yali, ⁸tama namba 3 te Harimgo hani, te namba 4 te Seorim hani ɖaj ilali. ⁹Te namba 5 te Malkia hani da, te namba 6 te Mijamingo hani, ¹⁰te namba 7 te Hakosgo hani, te namba 8 Abiyago hani dao. ¹¹Te namba 9 Jesuago hani da, te namba 10 te Sekanaiago hani ɖaj ilali, ¹²te namba 11 te Eliasipgo hani, me namba 12 te Jakimgo hani dabe ɖaj ilali. ¹³Te namba 13 te Hupgo hani da, te namba 14 te Jesebeapgo hani ɖaj ilali,

⁴ 23:32 Nam 3:5-9 ⁵ 24:2 Prs 10:1-2

14 te namba 15 te Bilga hani, me te namba 16 te Imergo hani daɣi ilali.
 15 Te namba 17 te Hesirgo hani, me namba 18 te Hapisesgo hani daɣi ilali,
 16 te namba 19 te Petahiago hani daɣi ilali, me te namba 20 te Jeheskelgo
 hani daɣi ilali. 17 Namba 21 te Jakingo hani, me te namba 22 te Gamulgo
 hani daɣi yali, 18 te namba 23 te Delaiago hani, me te namba 24 te Masia
 hani daɣi ilai dao.

19 Augwaligo te daɣi ilali pris hani dabe te Genuai Bidigo beba pelama,
 te augwa waɣi noɣi dabe te Arongo yali kolesaga tiwai se tobage yaibao
 wali. Polobadu God, te Israel dabe augwa Genuai Bidigo, te po Aronba
 walama te se yalio.

Te Livai hani sibi augwaligo nogi dabe

20 Te e da te Livai sibigo bidi meba dao. Sebucl, aga me nogi Subael,
 te Amramgo hani ogwa dabe, te Jedge te Sebuclgo hani ogwa dabe dao.
 21 Tama Isia te Rehabiago ogwa dabego polalubo bidi bidali. 22 Tama
 Selomit te Ishar hanigo wai dabe da, tama Jahat te Selomitgo hani dabe
 augwaligo ogwa dao. 23 Tama Hebron^v agai ogwa me si me si nama
 bidali. Gomunai ogwa Jeria, tomo ogwa Amaria, te sela ogwa Jahasiel,
 te ene nanobo ogwa Jekameam dao. 24 Maika te Usiel hani dabego ogwa,
 te Samir te Maikago hani dabego ogwa da. 25 Isia te Maikago ama, tama
 Sekaraia te Isiago hani ogwa dabe dao. 26-27 Te Merarigo ogwa dabe nogi
 e tama elalubao, Mali me Musi. Te Jasiago ogwa si, te Merarigo ogwa da.
 Te Merarigo gasa ogwa dabego nogi e tama elalubao, Soham me Sakur
 me Ipri. dao. 28-29 Te Maligo ogwa dabe nogi te tiwai elalubao, Eleasar me
 Kis. Eleasargo ogwa me ame nabeo. Tama Jeramel te Kisgo hani ogwa
 dao 30 Te Musigo ogwa nogi dabe e tiwai da, Mali, me Eder, me Jeremot.
 Te tama nogi yali bidi dabe, augwali tigidalali te Livai hani sibi dabe dao.

31 Te Livai hani sibi tobolu bidi me te tobolu bidi dabego augwa
 dwasianu ama dede dabego te satu gagali elama, te Livai hani dabego
 mena se yabo te daɣi ilimainu yali. Augwaligo te augwa hani te ama
 dabego yali kolesaga tiwai si yainu yali, te augwali Arongo hani pris dabe
 da. Tama king Devit, me Sadok, me Ahimelek, me te pris hani sibi dabede
 tobolu bidi badi te Livai dabego me, augwali tigidaligo augwaligo te satu
 gagali ebo daɣi ilibo se ebo sualio.

Devitgo te Genuai Bidigo bedede musik wabo Livai dabe daɣi ilali

25 1 Te Devit dali te Genuai Bidigo be tonalubo bidi dabego dali te
 Asapgo hani ogwa dabe, me Heman me Jedutun, te sela bidi
 hanigo ogwa dabe te Genuai Bidigo be tomode lotu wabo se yabo hani

^v 24:23 Te nogi Hebron te Hibru pode te ves 23 tede elalubeo. Tialima te ves tiwai si paɣe
 te 1 Sto 23:19 tede te po elalubao, te nogi Hebron te Daɣi 23:19 tede elalubo suao.

dabe daꝓ ilali. Augwaligo te we bidi dabeba te Genuai Bidigo po pusubo seꝓ elaluali. Augwaligo te gita haniani badi te plet bras badi eleyu, te po dali pusali. Te e da te hani dabego nogi dali te augwaligo yali seꝓ po dali elalubao.

²Te Asapgo hani ogwa dabede, augwaligo te Sakur, me Josep, me Netania, me Asarela, te tama daꝓ ilali. Asap aga digi augwali tonaluali, tama te Godigo po te kingo augwalibolo pusao po wabo sogo te po augwaligo pusai dao.

³Te Jedutungo hani ogwa dabede, augwaligo te bidi nogo a naga me badu kibisa deli daꝓ ilali, te Gedalia, me Seri, me Jesaia, me Simeiw me Hasabia, me Matitia da. Tama Jedutun augwa ayago te augwali tonaluali. Augwaligo Godigo po te tiwai kolesagade pusali. Augwaligo te gasa tobage gita me deli elali tama Godiba buba hwꝓ wabo teꝓbi po weyu, te aga nogi ugwaba salio.

⁴Te Hemango ogwa hani dabede, augwaligo te tama bidi dabe daꝓ yali. Bukia, me Matania, me Usiel, me Sebuel, me Jerimot, me Hanania, me Hanani, me Eliata, me Gidalti, me Romamtieser da, me Josbekasa, me Maloti, me Hotir, me Mahasiot dao. ⁵Heman agai te Godigo po kingba pusubo seꝓ elaluai. Godigo te bomai po daꝓ weyu Hemanba te genuai nogi mawaibao wai, tama tialima Godigo agabolo te wai ogwa dabe 14 badi te wegi sela mobadi yalio. ⁶Hemango te hani ogwa dabego te haniani gita dabe badi te plet pou bras badi elali, te Genuai Bidigo bede te Godiba lotu wabo sogo tialio. Tama augwa ayago augwali tonaluali.

Tama king Devitgo Asap me Jedutun me Heman te bidi sela tonaluai dao. ⁷Te Genuai Bidigo nogi ugwaba siyu te teꝓbi dabe bugagia wabo skul bugagia wali te bidi dabe dali te gasa meba Livai dabe daligo namba te 288 bidi dao. Te tigidali bidigo te musik wabo mu konea pai dao. ⁸Te mena hanigo mu te seꝓ hodolobowe noma suainogo, te tigidaligo te satu gagali yai dao. Te gesi ogwa bidi me monu dabe yaibaso me te tagalao, te musik wabo mu konea pai bidi dabe ma te musik wabo skul udubadi yaibaso me te tagalao, tigidaligo mu te satu gagali yai. Te deli deli hani augwalide te bidi 12 bidi elalua pai dao.

⁹Hasia mu augwali te satu gagali elama, tama augwaligo te Josepgo hani daꝓ ilali, te Asapgo hani da. Te namba 2 sogo augwaligo te Gedalia dali te aga ogwa dabe me te aga deli hani dabe dali daꝓ ilali. ¹⁰Te namba 3 sogo augwaligo te Sakur dali te agai ogwa dabe me aga deli hani dali augwali daꝓ ilalio. ¹¹Tama te namba 4 wagisu augwaligo te Seri daꝓ ilali, agai gasa nogi me da Isri, te aga ogwa dabe dali te aga deli hani dabe me daꝓ ilai dao. ¹²Te namba 5 wagisu te Netania dali te aga ogwa dabe

w **25:3** Te nogi Simeiw te Hibu ru pode megi elalubeo. Tialima te nogi polobadu elaluali subo tiwai yali te megi da hagawali subo aꝓ ebao. Te ves 17 tede te Simeide po elalubao.

me aga deli hani dabe dali ɗaj yalio. ¹³Te namba 6 wagisu te Bukia me aga ogwa dabe dali te aga deli hani dabe dali ɗaj ilalio. ¹⁴Te namba 7 wagisu te Asarela ɗaj ilali, te aga nogi me Jesarela dali, te aga ogwa dabe me te deli hani dabe dali ɗaj yalio. ¹⁵Te namba 8 wagisu augwaligo te Jesaia dali, aga ogwa dabe me, te aga deli hani dabe dali ɗaj ilai dao. ¹⁶Te namba 9 wagisu augwaligo te Matania dali, aga ogwa dabe me, te aga deli hani dabe dali ɗaj ilai. ¹⁷Te namba 10 wagisu Simeï dali, aga ogwa dabe me, te aga deli hani dabe dali ɗaj ilali. ¹⁸Te namba 11 wagisu augwaligo Usiel ɗaj ilali, te aga nogi me Asarel, te aga ogwa dabe dali me te aga deli hani dabe dali ɗaj ilalio. ¹⁹Te namba 12 wagisu augwaligo Hasabia te aga ogwa dabe dali me te aga deli hani dabe dali ɗaj ilai dao.

²⁰Te namba 13 wagisu augwaligo Sebuel ɗaj ilali, te aga ogwa dabe me aga deli hani dabe dali dao. ²¹Te namba 14 wagisu augwaligo te Matitia te aga ogwa dabe me aga deli hani dabe dali ɗaj ilalio. ²²Te namba 15 wagisu augwaligo te Jerimot te aga ogwa dabe me aga deli hani bage dali ɗaj ilai. ²³Te namba 16 wagisu te augwaligo Hanania aga ogwa dabe me aga deli hani bage dali ɗaj ilai dao. ²⁴Te namba 17 wagisu te Josbekasa aga ogwa dabe me aga deli hani dabe dali ɗaj ilalio. ²⁵Te namba 18 wagisu augwaligo te Hanani aga ogwa dabe me aga deli hani dabe dali ɗaj ilali. ²⁶Te namba 19 wagisu augwaligo Maloti aga ogwa dabe me aga deli hani dabe dali ɗaj ilalio. ²⁷Te namba 20 wagisu augwaligo Eliata aga ogwa dabe dali te aga deli hani bage me ɗaj ilali. ²⁸Te namba 21 wagisu augwaligo Hotir aga ogwa dabe me aga deli hani bage dali ɗaj ilali. ²⁹Te namba 22 wagisu augwaligo Gidalti aga ogwa dabe me aga deli hani bage dali ɗaj ilalio. ³⁰Te namba 23 wagisu augwaligo Mahasiot aga ogwa dabe me aga deli hani bage dali ɗaj ilai dao. ³¹Te namba 24 wagisu augwaligo Romamtieser aga ogwa dabe me aga deli hani bage dali ɗaj ilalio.

Genuai Bidigo be tonaluali bidi dabe

26 ¹Te Livai bidi mebago Genuai Bidigo tempel be tonaluali. Augwali nogi e tiwai elalubao. Meselemia, te Korego ogwa, te Asap hani sibidu asali, te Kora hani dao. ²Meselemiago ogwa dabe nogi e tiwai elalubao. Gomunai ogwa te Sekaraia, te tomo ogwa Jediael, te sela ogwa Sebadaia, te ene nanobo ogwa Jatniel dao. ³Te a naga wali ogwa Elam, te kibisa nogo badu deli wali ogwa te Jehohanan da, te nogo me badu si wagi soali ogwa te Elioenai dao. ⁴⁻⁵Godigo te wiegi yai se Obetidomba ebaso, te agai ogwa hauwa elaluali. Augwali nogi e tama da. Gomunai ogwa Semaia, te tomo ogwa Jehosabat, te sela wali ogwa Joa, te ene nanobo wali ogwa Sakar, te a naga wali ogwa Netanel, te nogo kibisa wali ogwa Amiel, te nogo me badu si wali ogwa Isakar, te nogo me badu sela wali ogwa te Peuletai dao.^x

^x 26:4-5 2 Sml 6:11; 1 Sto 13:14

⁶Semaia, te Obetidomgo gomunai ogwago, te ogwa meba elaluali. Augwali te wiegi yai bidi dabe, tibaso augwali te augwa hani dabede te tobolu bidi pedelama bidali. ⁷Augwali nogi da e tama elalubao, Otni, me Refael, me Obet, me Elsabat, me Elihu, me Semakia da. Elihu me Semakia augwali sigo te haniani sę ebo kolesaga mu konea pai bidi si dao. ⁸Te Obetidomgo hani sibide te 62 bidi tigidali te tonalubo bidi bidali, tama tigidaligo augwa ebo sę mu koneai dao.

⁹Te Meselemiago deli hani dabede te bidi nogo si olama a naga me badu sela bidi, augwaligo te augwa yali sę page bugagia koneai dao.

¹⁰Hosa te Merarigo hani sibidu koliaama asalio. Te Hosago ogwa dabego nogi e tama tiwai elalubao. Simri te polalubo bidi bidai, ¹¹tama tomo ogwa Hilkia, te sela wali ogwa Tebalia, te ene nanobo ogwa wali Sekaraia da. Simri te Hosago gomunai ogwa wali te meni, tiali goli aga ayago aga te polalubo bidi nigilali. Te Hosago deli hani sibide te 13 bidi te Godigo tempel be tonalubo bidi bidai dao.

¹²Te tigidali tobolu bidi augwa te moni tempel be sunumi tonalubo bidi dabe te augwa hani dabe daligo, te Genuai Bidigo bede yabo sę elaluai, te meba Livai dabego ebo sę tiwai yalio.

¹³Te hani sibi tigidaligo te satu gagali elama te Genuai Bidigo tempel bede mena sunumi te augwaligo tonalumainu ola mabowe naga ola momainu yali. Te augwali hauwa hani dabe ma dwasianu hani dabe yaibaso me te tagalao, te augwa tigidali sę ebaso usu dao. ¹⁴Augwa te satu gagali elama, dego mu te giliga asobo badu sunumi tonaluabo te bidi hani ola momainu yali, tama satugo te Meselemia ęai ilai. Tama nosali augwa te satu gagali ma elama, te Sekaraiago te mena badu sunumi tonalugowe te ola momainu yali, tama satugo te not badu sunumi ęai ilali. Sekaraia te Meselemiago ogwa da, tama aga te wiegi yai homu kolesaga ola mabo bidi dao. ¹⁵Tialima nosali satugo te Obetidom ęai ilama, te saut badu sunumi tonalumainu yali, satugo te agai ogwa dabe ęai ilama, te nai dabe doado bage muabo be habu tonaluaowalio. ¹⁶Tama satugo Supim me Hosa ęai ilama, te giliga dega sabo badu tonalumainogo yali, tama te sunumi nogi augwaligo Saleket te me tonaluaowali. Te sunumi Saleket te ugwaba holobo pabo tų ęade elaluali. Augwaligo te hani deli deligo te sę tonaluabo sogo ęai ilali, tama augwali te sunumi tonalubo sę me hasegelu me hani hasegelu iduai dao.

¹⁷Tigidali side te sia ge asobo badu te sunumi tonalubo Livai te 6 bidigo te badu tonaluali, te me si me sigo te not badu sunumi tonaluai, te me si me sigo te saut badu sunumi tonaluali. Te me si me sigo te doado bage mubo madi tonaluai, me si te gasa habu badu tonalu, me si te me be habu badu tonalu yai dao. ¹⁸Te 6 bidigo te be tonaluali te sia ge dega sabo badu tonaluai. Te bidi si te be sunumi tonalu, te bidi me si me sigo te pabo tų sunumi badu tonalu yalio. ¹⁹Tigidali te tonaluali bidi te

Korago hanidu me Merarigo hanidu asai dao. Augwaligo augwali tama dodolama, augwa sęba muani.

Te Livai dabe augwaligo yali sę meba

²⁰Te Ahiya, te Livai hani dabede te bidi me deli da, agai te Genuai Bidigo bede munalubo mone mubo be tonalubo tobolu bidi da, tama agai te wiegi yai nai dabe te elalubo be habu te bidi dabego Genuai Bidigo nai da olama ęai ilali nai te tonalubo bidi dabe tobolu bidi dao. ²¹Bidi me deli te Ladan hani sibide te Gerson hani bidi, te Jehiel dao. ²²Tama te Jehielgo ogwa dabe nogi e tiwai elalubao, Setam dali aga ama Joel da. Augwaligo te Genuai Bidigo mone mubo be tonalubo sę elalui dao.

²³Tama te Amram hani dabe, me Ishar hani, me Hebron, me Usiel, te hani dabe augwa yabo sę elalui. ²⁴Sebuel te Amram hani da, aga te Genuai Bidigo monego be tonalubo polalubo ofisa bidi bidali. Te Gersomgo ogwa dabe hani bidi me deli da, te Mosesgo ogwa dao.

²⁵Sebuelgo ama deli bidali, aga nogi da Selomit. Selomit aga te Eliesergo hanigo ogwa, te Gersomgo ogwa. Elieser aga te Rehabiago aya, te Rehabia Jesaiago aya, tama Jesaia te Joramgo aya, te Joram da Sikrigo aya, tama Sikri te Selomitgo aya dao. ²⁶Selomit aga deli hani bage dali te wiegi wiegi yai nai dabe te bidi dabego Godiba ęai ilama te Genuai Bidigo beba muani nai dabe tonaluali. Te wiegi yai nai dabe da, te king Devit me augwa tobolu bidi dabe me te deli hani sibi te ami ofisa dabe, augwali tigidaligo te wiegi yai nai dabe te Godiba ęai ilai dao. ²⁷Te augwaligo boi bidi dabe aiyaba elaluali sogo, augwaligo te boi bidi dabego wiegi yai nai hauwa salio. Tama nosali augwaligo te nai meba te Godigo nai da olama sa munama, tama te Genuai Bidigo beba sela asalio. Nosali me sogo augwaligo te moni tempel bede ma geselebo sę elalubaso da, teda teba muani naigo augwaligo te sę ebo abelaibao homu yali. ²⁸Te Genuai Bidigo bede munaluali wiegi yai nai meba dabe, te profet Samuel me king Sol me Apner, te Nergo ogwa, te Joap, te Seruiago ogwa, te tama bidigo Godiba mawai. Te Selomit aga deli hani dabe daligo te nai dabe tigidali tonalui dao.

²⁹Te Ishar hanigo ogwa dabede, augwaligo te Kenaia dali aga ogwa dabe dali te gavman sę emainu ęai ilali. Augwa te kuskus sę eyu te Israel we bidi dabego po tų odalio.

³⁰Te Hebrongo hani ogwa dabede, augwaligo te Hasabia dali te bidi aga deli hani bidi te 1,700 bidigo te gavman sę emainu ęai ilai. Augwaligo te gavman sę tigidali tonaluali te Israel tų kantri pedai te giliga dega sabo badu te wę Jordan pedai badu elalui. Te bidi hani dabe augwaligo te gavman sę ebo mu koneai, tama te bidi dabego tigidali sę Genuai Bidiba ebo sę tonaluali, te kingo sę me tigidali tonalui dao.

³¹Jeria te tobolu bidi augwa hani tigidalide bidali, te Hebrongo wai dabe

da. Te kibu be bidi sese si 40 te Devit king bidali sogo, augwaligo te Hebrongo hani tigidali gegebo se yai. Tama augwaligo te hani bidi hauwa te taun Jaser te Gileat tode bidibo سوالو. Te Jaser bidi dabe te augwaligo haniani se ebo mu koneai bidi dabe mu bidalio. ³²Tama tialima, king Devitgo te Jeria hani bidi dabe te 2,700 bidi daq ilama, te giliga asobo badu te we Jordan pedai badu te bidibo Israel hani dabe tonalumainu yali, te Ruben hanigo to, me Gat hanigo to, me te Manase hani pedai, te hani selago to da. Te 2,700 bidi dabe augwali te wiegi yai bidi tama augwali te augwali deli hanide tobolu bidi bidali. Te augwaligo tigidali se te bidi dabego Godiba ebo se tonalu, te kingo se me tigidali tonaluai dao.

Te kingo tobolu bidi hani dabe dali te ofisa dabego nogi dabe dao

27 ¹Te ede nogi elalubo te Israel hani sibi dabede bidali tobolu bidi dabe nogi da, tama te polalubo bidi dabe badi te gavman ami se tonalubo se de bidali ofisa dabe da. Te tobolu bidi dabe augwaligo te 12 te genuai hani bidi te se ebo tonaluai. Te deli deli hanigo te polua deli deli dabede te se yali, tama te deli deli hanide te bidi sese umabo 24,000 bidi tonalubo se elaluai. Te tobolu bidi dabego nogi e tiwai tama elalualio.

²Jasobeam te Saptielgo ogwago te bidi sese umabo 24,000 bidi te polua delide se ebo tonaluai dao. ³Tama me, agai te ami ofisa tigidali tonalubo se me yai. Aga te Peres hani bidi me deli dao.

⁴Dodai te Ahohi hani bidigo te bidi sese umabo 24,000 bidi te namba tu poluade te bidi dabe augwali te se ebo tonaluali. Miklot aga tudi badu daganalubo si wali bidi bidali.

⁵Benaia te pris Jehoiadago ogwago te bidi sese umabo 24,000 bidi dabe augwali te namba 3 sela wali poluade se ebo tonaluali bidi dao.

⁶Aga te Devitgo bomai ami bidi dabe te 30 wali bidi dabede te bidi me deli wali aga da, tama aga te ami bidi dabede polalubo bidi bidali. Te Amisabat, aga ogwa, te aga tudi badu daganalubo si wali bidi bidai.

⁷Asahel te Joapgo amago te namba 4 ene nanobo poluade te bidi sese umabo mu te 24,000 bidi te se ebo tonaluali. Nosali aga ogwa te aga tudi badu daganalubo si wali bidi bidalio.

⁸Samhut te Ishar hani bidigo te bidi sese umabo 24,000 bidi te namba 5 wali poluade se ebo tonalubo bidi bidai dao.

⁹Ira te Tekoa taun bidi Ikesgo ogwago te 6 wagi soabo poluade te bidi sese umabo mu te 24,000 bidi te se ebo tonalubo se yali.

¹⁰Heles te Pelon bidigo te bidi sese hauwa umabo 24,000 bidi te namba 7 poluade te se ebo tonaluai. Heles te Efraim hani bidi dao.

¹¹Sibekai te Husa bulu bidigo te bidi sese umabo 24,000 bidi te namba 8 wabo poluade te se ebo tonalubo se yali. Sibekai aga te Sera hani bidi dao.

¹²Abieser te Anatot taun bidigo te bidi sese umabo 24,000 bidi dabe te 9 poluade augwali se ebo tonaluai. Abieser te Benjamin hani bidi dao.

¹³Maharai te Netofa taun bidigo te bidi sese umabo 24,000 bidi te namba 10 poluade te augwali se ebo tonaluai dao. Maharai te Sera hani bidi dao.

¹⁴Benaia te Piraton taun bidigo te bidi sese umabo 24,000 bidi te 11 wabo poluade te bidi dabe augwali se ebo tonaluali. Benaia te Efraim hani bidi dao.

¹⁵Heldai te Netofa taun bidigo te bidi sese umabo 24,000 bidi augwali te 12 wagi soabo poluade te se ebo bidi dabe tonalualio. Heldai te Otniel hani bidi dao.

Te Israel hani bidi dabe tonaluali bidi dabe augwali nogi da

¹⁶Te Israel hani dabe augwali tonaluali gavman ofisa bidi dabe nogi e tiwai elalubao. Elieser, te Sikrigo ogwago, te Rubengo hani tonalualio. Tama Sefatia, te Makago ogwago, te Simeongo hani tonaluai dao. ¹⁷Te Hasabia, te Kemuelgo ogwago, te Livai hani tonaluai. Tama Sadokgo te Arongo hani tonaluai.

¹⁸Te Elihu, te Devitgo ama me deligo, te Juda hani tonalualio. Tama Omri, te Maikelgo ogwago, te Isakar hani tonaluai dao. ¹⁹Te Ismaia, te Obadiago ogwago, te Sebulun hani tonaluali. Te Jeremot, te Asrielgo ogwago, te Naptali hani tonaluai dao.

²⁰Tama Hosia, te Asaiago ogwago, te Efraimgo hani dabe tonaluai. Te Joel, te Pedaiago ogwago, te Manasego hani pedai me deli tonaluai. ²¹Te Ido, te Sekaraiago ogwago, te Manase gasa hani pedai te Gileat to badu bidali hani tonaluali. Tama Jasiel, te Apnergo ogwago, te Benjamin hani tonaluai dao. ²²Tama Asarel, te Jerohamgo ogwago, te Dango hani tonaluai. Teda te ofisa dabego te Israel hani deli deli augwali tonalubo se yai dao.

²³King Devitgo te megi tama holobo gesi ogwa bidi augwaligo kibu be te bidi sese deliba usu nisabo bidi dabego kibu be isawai bidi augwali nedebeo, magi baso meni, Genuai Bidigo te Israel we bidi augwaligo namba ugwaba igulama, te hauwa mu te dagalude elalubo ho dabe tiwai pedalumainu hagede te Genuai Bidigo daŋ wali bomai po wali peyu te tama tiai dao.^y

²⁴Joap, te Seruiago ogwago, te tobage bidi nedebo se gagalali, tialima agai te se yali simanobeo. Augwaligo te bidi hani nedebo se ebaso, Godigo wiegi yai homu pemene isawani, tama tialima te Israel augwaliba dene mabo se yalio. Te se yali pagede naga tama augwaligo te bidi dabego namba te bukude aseŋama, te king Devitgo yali se po elalubo bukude me aseai menio.^z

Te kingo nai dabe tonaluali bidi dabe augwali nogi

²⁵Te bidi Asmavet, te Adielgo ogwago, te kingo mone me doado bage tonalubo bidi bidali. Te Jonatan, te Usiago ogwago, te tigidali to

kantride elalua pabo moni nai mubo genuai bakstua dabe tonalubo bidi bidali, te taun dabede, me te bidibo bulu dabede, me te hwjabo bomai bulu pesage dabede te moni bakstua elalua palio. ²⁶Esri, te Kelupgo ogwago, te gi sę ebo bidi dabe augwali tonalubo sę yalio. ²⁷Tama Simej, te Rama taun bidi, aga te kingo wain gi dabe tonalubo bidi bidai. Tama Sapdi te Sefam bulu bidi te wain mubo be habu dabe tonalubo bidi bidai dao. ²⁸Balhanan te Geder taun bidi te oliv ni du tonalubo bidi bidali, te sikomor ni dabe te giliga dega sabo badu te dwasianu bulu du dabe elalubo pedai badu elaluali me agai tonalubo sę yalio. Tama Joas te oliv wel mubo pesage tonalubo sę yai dao. ²⁹Sitrai, te odogo bulu Saron bidi, agai te odogo bulu Saronde bidalubo bulmakau dabe tonalubo bidi bidali. Tama Safat, te Atlaigo ogwa, agai te gasa odogo bulude bidibo bulmakau dabe tonalubo bidi bidali. ³⁰Obil te Ismael hani bidi te kingo kamel dabe tonalubo bidi bidali. Tama Jeeda te Meronot bulu bidi aga te donki dabe tonalubo bidi bidali. Te Jasis te Hagar hani bidigo te kibu sipsip dabe meme dabe me tonalubo bidi bidai dao. ³¹Te tigidali bidigo te king Devitgo nai doado bage tonalubo bidi dabe bidai dao.

Te Devitba wiegi yai homu kolesaga mani bidi hani dabe

³²Te Jonatan, te Devitgo aga aya sabi bidi da, agai te kingba wiegi yai homu kolesaga mani bidi da, magi baso meni, agai te bomai po bugagia koneama, te wiegi yai kolesaga hauwa koneai mu elaluai. Aga me Jehiel dali si, te Hakmonigo ogwa, augwali sigo te kingo ogwa dabe ola mabo sę elaluai dao.

³³Te Ahitofel aga te kingba wiegi yai homu kolesaga mabo polalubo bidi bidali, tama Husai te Arka bulu bidi aga te kingo wiegi yai abagi mu dao. ³⁴Nosali te Ahitofel isibo si da, Abiatar me Jehoiada, te Benaiago ogwago, te Ahitofelgo sę yali pesage hasegelalio. Tama Joap te kingo ami bidi dabego polalubo ami ofisa bidi bidai dao.

Devitgo te genuai bidi dabe augwaliba te Genuai Bidigo tempel be sę ebo kolesaga po walalio

28 ¹Devitgo te Israel tigidali genuai bidiba po ola tolu, te Jerusalemba sisinagasao po walio. Tibaso te Israel hani dabe augwa kiap polalubo bidi me, te kingo sę ebo genuai hani bidi tonalubo tobolu bidi dabe me, te deli deli hani sibi dabe tonalubo tobolu bidi dabe me, tama te kingo nai doado bage tonalubo bidi me te augwa ogwa dabe dali, te kingo bede sę ebo tonalubo bidi dabe dali me, te bomai ami bidi dabe me, tama te tigidali gegunai bidi dabe te Jerusalemba sisinagasao po wai dao.

²Tialima king Devit dolugulama augwaliba te tiwai po walali, “Dage eno hani ama dabe, me te eno we bidi dabe, te eno dageba wabo po

odiqo. Eno bomai homu elama te Genuai Bidigo Daꝓ Wali Bomai Po Muani Halobage muabo wiegi yai be seꝓ yaibao homu yali, tama te be da te dena Godigo dugabo nai sia sai tiwai elalueibao. Tama eno te be seꝓ yabo doado bage sisinani. ³Tiali goli Godigo enabolo e tiwai po walio, 'Devit, nage te ena pageba asabo we bidi augwaligo lotu wabo be seꝓ yabo daꝓ ilali bidi nage menio. Magi baso meni, nage te ami bidi bidali sogo nago te bidi hauwa ela muai dao,' Godigo enabolo te po wali."

⁴"Tialima God, da Israelgo Genuai Bidigo, ena daꝓ te eno ogwa dabe dali daꝓ ilama, te Israel sesemane bidabo sogo te Israel tonalumainu yalio. Hasia bolo agai te Judago hani daꝓ ilama, te Israel hanigo polalubo bidi hani bidimainu nigilali. Tama te Juda hanide agai eno ayago hani sibide daꝓ ilali. Tama nosali, Genuai Bidigo aga homu wali digi pelama, tama eno ama dede dabe tomode ena daꝓ ilali, tama agai ena te tigidali Israel hanigo king bidimainogo ilai dao. ⁵Tama agai enabolo ogwa hauwa mani, tama te ogwa dabe augwali tomode agai te Solomon daꝓ ilama, te Israel we bidi tonalumainu yali, te Genuai Bidigo tꝓ kantri dao. ⁶Tama Genuai Bidigo enabolo te tiwai po wali, 'Nago te ogwa Solomongo tama eno be seꝓ badi, te be sesegele elalubo we bidi bilabo pesage dali nigibo seꝓ me yaibao, magi baso meni, eno aga daꝓ ilama aga eno wai bidimainu yali, te ena agai aya bidaibao. ⁷Tama agai eno bomai po me eno po dali wali pabo seꝓ bomo eyu, te agai megi ebo seꝓ tiwai ebaso da, teda te eno agai hani bidi dabede te sesemane bidada pabo sogo te king pedaludaibao,' Genuai Bidigo enabolo tama po wali," Devitgo te po walio."^a

⁸Tama Devitgo te we bidi augwaliba te tiwai po ma walio, "Tialima te dena Godigo gedude me, te dage tigidali Israelgo gedude, dage te Genuai Bidigo we bidi dabe, eno te tiwai po dolo mu dagebolo obao. Dagego te bomai po tigidali bugagia wali pao, aga te God, dago Genuai Bidigo dabolo manio. Dagego te tiwai ebaso da, teda dage te wiegi yai tꝓde bidaibao, tama te tꝓ te dagego tꝓ mu elalueibao. Te nosali dagego hanigo wai dabego me te tꝓde sesemane bidada pidu, bidada paibao," te po wai dao.

⁹"Tialima nage Solomon, eno ogwa da, eno te tiwai bomai po nageba obao. Nago homu kolesaga deli naga elaluao, te naga ayago God dologode bidao. Te nago agai homu wali pabo seꝓ bomo mu yao. Nago te tiwai yao, magi baso meni, Genuai Bidigo dago homude magi homu te tigidali agai koneaibao. Te nago agai godolo yabo kolesaga wali pabo seꝓ bomo ebo kolesaga sobaso da, teda te nago aga bugagia konemainu yaibao. Tiali goli nago aga tudiba mubaso da, teda agai nage sela sanama, te sesemane sogo agai nage tudiba mueibao. ¹⁰Tialima megi da, bugagia odao. Genuai

^a 28:7 2 Sml 7:1-16; 1 Sto 17:1-14

Bidigo nage daꝓ elama, nago te agaba te we bidi dabego lotu wabo tempel be se emainu yai. Tama tialima nago bomo elama te se yao,” Devitgo te po aga ogwa Solomonbolo wai dao.

¹¹Devitgo te po ola silama da, tialima agai te Solomongo te Genuai Bidigo tempel bede yabo po aseꝓani nai salio, te se yabo nai piksa dabe wali pelama, te se emainu yai. Tama agai te aseꝓani nai elalubo pepa te Solomonba mawai. Te aseꝓani elalubo piksa dabede te Genuai Bidigo be habu tigidali piksa elalui, te gesabidi badu elaluali be habu dabe da, te nai doado bage muabo be habu dabe me da, te ugwadu daide elalubo dwasianu be habu dabe me, te tomode elaluabo genuai be habu dabe me, te Tedali Gasagi Yai Mu Be Habu me, te Daꝓ Wali Bomai Po Muani Halobage muabo pesage me nigilali. Te Daꝓ Wali Bomai Po Munalubo Halobage muabo pesage da, te we bidi augwaligo dwai se yali seꝓe sela saꝓo madi elalui dao. ¹²Tama me te nogi aseꝓanide te tigidali nai te Godigo Mobo Noma Bidigo Devitba ola mani, te sisinabo pesage te Genuai Bidigo tempel be se yabo pesage nigabo, me te piksa noma dabe elalubo ola mani te sisinibo pesage bagulali habu dabe, me te Godigo bede mone mubo be, me te Genuai Bidiba daꝓ ilama te bidi dabego mabo wiegi yai nai dabe ola mawai dao.

¹³Tama me te aseꝓani pode te pris dabeba me Livai dabeba te augwali hani deli deliba te se yabo kolesaga po daꝓ eyu, te Genuai Bidigo bede se yabo kolesaga po obadi yali. Tama te aseꝓani pogo te po weyu, te Genuai Bidigo bede se yabo plet dabe nigibo kolesaga yabo po walio. ¹⁴Te aseꝓai elalubo pode te nisu naga gol me silva selama, augwaligo te tobage kap me plet dabe nigimainu yali, ¹⁵tama te sole lam dabe me, te lam ni dili muabo nai dabe me, ¹⁶te tebol sai dabe nigabo ola mabo po aseꝓai elalui. Te tebol sai augwaligo te golgo nigali, te augwaligo Godiba mabo bret muabo tebol sai dao. ¹⁷Tama te aseꝓani po me te tiwai elaluali, te nisu naga wiegi yai gol augwaligo selama, te gaꝓ yai na pok dabe te dis dabe me kap dabe nigabo po aseꝓani elalui, te nisu naga silva me gol dabego augwaligo te gasa dis dabe nigao po aseꝓanama elalui dao. ¹⁸Te aseꝓani pode te nisu naga wiegi yai gol augwaligo te selama, te wiegi yai denami ebo hano ebo ofa yabo pauda ulubo alta nigibadi, tama nisu naga golgo te ensel noma si nigibadi yaibao, te augwa si bogo dinigaꝓu te Genuai Bidigo Daꝓ Wali Bomai Po Munalubo Halobage daide elalueibao. Te ensel dabe te Genuai Bidigo gasaba pabo karis tiwai dao.

¹⁹Tialima king Devitgo te po wai, “Te aseꝓani elalubo piksa tigidali, te Genuai Bidi aga digi enabolo bugagia ola mobaso, eno te aseꝓanio,” wali. ²⁰Megi da, king Devitgo Solomomba te tiwai po wali, “Nage bomo elama mu dolalu, te se yao, te haniani seꝓeꝓo nage aiyaba elalumainu ebaso te tagalao, magi baso meni, God, eno Genuai Bidi, te nage dali bidiyu, te nage tau saibao. Agai nage me tagalogobeo. Menio. Te aga nage dali bididubadi nago te be se tigidali silibo

siba usu naibao. ²¹Dago te pris hani dabe me te Livai dabe te Godigo bede te tobage tigidali se yabo bage daꝓ ilalio. Te haniani se ebo page koneai bidi dabe augwaligo nage tau sainu tonalubao. Tama me te polalubo bidi dabe, me te tigidali we bidi dabego dali, augwaligo te nago po tigidali wali pabo dola sai naga elalubao,” Devitgo te po aga ogwa Solomon dali wai dao.

Te we bidi augwaligo te Godigo tempel be se yabo nai dabe olo mawai

29 ¹Tialima king Devitgo tigidali we bidiba te tiwai po wai, “Godigo eno ogwa Solomon daꝓ ilali, tiali goli aga gesi ogwa bidi mu elalubaso, te se yabo kolesaga hauwa kuna konebeo. Te Genuai Bidi Godigo be se ebo se, te bidi dabe dago be se eyu dua ebo tiwai se gilama me egobeo. Menio, te genuai se mu dao. ²Tama tialima, eno te gol dabe me silva me bras me ni dabe sisinibo se bomo yali, te Godigo tempel be se yabo nai dabe nigibo se yali. Tama eno te haniani gasa sawi yai masigi dabe hauwa sisinanio.^b ³Eno te sisinani nai dabe daide ugwadu, eno te ena gol dabe me silva digi mawai. Magi baso meni, eno te ena Godigo tempel bede dwagi yai homu godolo genuai ebaso eno te tama se yalio. ⁴Eno te mani wiegi yai gol dabego sege da, te 100,000 kilogram igulama, te wiegi yai silvago sege da te 240,000 kilogram pedelali. Te Godigo be te daga dabe tomode au ilibo se yaibao. ⁵Tama me te kolesaga page koneai bidi dabe augwa te gol me silva te Godigo be se yabo nai te piksade elalubo sulama, gasa nai dabe nigabo se yaibao. Megi da, dage dego mu agai nai te Genuai Bidiba ofa mabo tiwai yaibawe?” te po wali.

⁶Te deli sibi hani bage augwa tobolu bidi dabe dali, te Israel hani dabe augwa tobolu bidi dabego me, te 1,000 ami bidi tonalubo ofisa dabego dali, te 100 bidi tonalubo ofisa bidigo me, te kingo nai dabe doado bage tonalubo bidi dabego badi, augwaligo Devitgo te wali po oda selama da, te augwaligo haliga hogodama, te augwa wiegi yai nai dabe mawai dao. ⁷Te augwaligo mani nai dabego sege te tiwai pedelalio, golgo te sege 170,000 kilogram igulali, te silvago sege 340,000 kilogram igulali, te brasgo sege 620,000 kilogram igulali, tama aingo sege da te 340,000 kilogram igulai dao. ⁸Tama te haniani gasa sawi yai masigi elaluali bidi dabe, augwaligo te Godigo mone mubo be te Godigo be tomoba muanio. Jehiel, te Gerson hani bidi, aga te mone tonalubo bidi bidai dao. ⁹Te we bidi augwaligo te augwa polalubo tobolu bidi dabego augwa haliga hogodama, te augwa wiegi yai nai mabo sulama, te augwa wiegi yai pemene umabo mu yalio. Tama king Devit me wiegi yai pemene umabo mu yalio.

Devitgo Genuai Bidigo nogi ugwaba sali

¹⁰Tialima te tigidali we bidigo gedude Devitgo te Genuai Bidigo nogi ugwaba siyu, tama agai gedu haluasa po te tiwai wali, “O Genuai Bidio,

^b 29:2 1 Sto 22:5

nage dago wai nõ Jekopgo God da, da naga we bidi dabego te sesemane sogo nago nogi ugwaba sidueibao,” walio. ¹¹“Nago tigidali bomo kolesaga mu elalubao. Nago nogi genuai elalu, te nage ugwadu mu bidibao. Nage mu polalubao. Magi baso meni, tigidali dagalude me tõe elalubo nai tigidali te nago nigai nai naga elalubao. Tama nage te tigidali naigo tuni bidi king bidibao.” ¹²Nago te wiegi yai nai dabe hauwa dabolo mobao. Te nago naga te tigidali nai tonalubao. Naga digi nage te tigidali bomo me kolesaga page bidi da, tama nago naga te bidi dabe bomo pedalabo se ilibaso te genuai nogi sabo dao.”

¹³“Dago God da, megi dago nageba buba hwi obao, te nago genuai nogi ugwaba sobao. ¹⁴Ena dali, te eno we bidi hani dabe dali, dago te tiwai po weyu dago nagebolo te mani nai dabego aya mu da dao po obaso usu egobeo. Menio. Da te olo bidi naga tama, te nai me deli te dena nai dabe dolo mu me elalubeo. Te tigidali nai nago nai naga da. Hasia bolo nago dabolo mani, te megi dago nageba ma mobao. ¹⁵Te nago gedude da te bulu wau bilibo bidi tiwai ebao. Te dago dena wai nõ hani dabego yali se tiwai gilama yalio. Te dago e tõe dena bidibo ula dago daw obaso usu egobeo. Da te plaua dabe pedalubo tiwai elama, te pewadage sogo bidama, te isibo dao. ¹⁶O God, dago Genuai Bidi, dago e sisinani nai tigidali te nago be se elama, te nago genuai nogi ugwaba pedelabo se ebao. Tialima te tigidali nai nagedu asali, te nago naga nigai nai dao,” wali.

¹⁷“Eno God, nago tigidali bidigo haliga usu sabo da, tama nago te bugai haliga te doloba pai kolesaga ebo bidigo ebo sueibao. Eno te homu kone palama, tama me eno nago genuai nogiba homu kone elama, tama eno haliga hogodalu, eno te nai dabe nagebolo mawai. Te tobage deli kolesagade naga, nago te we bidi dabego te augwa nai dabe manio. Te eno augwaligo tama tebo se ebo sulama, eno wiegi yai homu pemene umagi mu ebao. ¹⁸Nage God, te dago wai nõ dabego Genuai Bidi, Abraham, me Aisak, me Jekop, te we bidi augwaligo te tobage wiegi yai homu kolesaga ebo te bomo elama, sesemane sogo elalumainu ilao. Tama me te augwaligo godolo ebo homu te nageba kea pai sesemane elalubo se ilao,” po wai dao. ¹⁹“Nago Solomonba wiegi yai homu kolesaga hodolao, eno ogwa da, te agai nago bomai po me nago po mobo mabo wali pelama, tama agai nago te wiegi yai be se emainao, eno te be se yabo doado bage sisi ilai dao,” Devitgo te gedu haluasa po tama wali.

²⁰Tialima Devitgo te we bidi augwaliba te tiwai po walio, “Godigo nogi ugwaba sao, dago Genuai Bidi dao.” Te we bidi augwaligo odama, te augwa kidu sugunama, te gesabidi tãba pãgulali, te genuai nogi Devitba me Godiba mayu tialio, te augwaligo Genuai Bidi me augwa wai nõ

dabego Genuai Bidi me dao. ²¹Te nosali side, te we bidi dabe augwaligo te kibu bulmakau bidi sese hauwa mu te 1,000 kibu omai elali, me te kibu sipsip omai 1,000 elali, tama te kibu sipsip waigo te 1,000 sobadi elama, te Genuai Bidiba te isiba tigidali ulubo ofa tiwai elama manio. Tama augwaligo te wain gelebo ofa dabe me yalio. Te tigidali Israel we bidide te gasa ofa dabe me hauwa yalio. ²²Tama te side te we bidi dabe augwa te aḡ dabe me kibu mi dabe tuali, te gasa ofa yali nai dabe tuyu, tama augwa wiegi yai pemene umabo mu te Genuai Bidiba yai.

Tama me te side, te Genuai Bidigo nogide augwaligo wel te Solomon toboluba gealuama, te aga si sogo ma daḡ ilama, te aga king pedalumainu ilalio. Tama me augwaligo Sadok te polalubo pris bidimainu daḡ ilalio. ²³Megi da Solomongo te aga aya king bidali pesage hasegelama, tama te Genuai Bidigo we bidi augwaligo king pedelalio. Agai se wiegi yai mu pedalubaso, tama Israel we bidi tigidaligo agai po wali pai dao.^d ²⁴Tama me te gavman ofisa bidi tigidaligo me, te bomai ami dabe dali me, te Devitgo ogwa tigidaligo me te king Solomon dologoba peyu, tede bidai dao. ²⁵Genuai Bidigo Solomon te tigidali Israel gedude polalubo bidi mu pedalubo se ilalio. Tama me agai Solomon te genuai mu pedalubo se ilama, te agai sali genuai nogigo te polobadu bidali Israel king tigidali aiyaba elaluali.

Devit isalio

²⁶Te Devit, Jesigo ogwa, aga te tigidali Israel toḡ pedai kantri badu king bidai dao. ²⁷Aga te kibu be bidi sese si, 40 yia, king bidalio. Aga hasia bolo te Hebronde king bidali kibu be te 7 yia bidali, te Jerusalemde king bidali kibu be te 33 kibu be bidai dao.^e ²⁸Aga te we bidi augwaligo gedude genuai nogi elaluai, te agai mone me doado bage hauwa elalualio. Aga bidali sogo peḡwadage meni, aga bidada pelama, monu dabe mu elama aga isalio. Nosali aga ogwa Solomongo agai se yali pesage selama, te king pedelai dao. ²⁹Te king Devitgo yali se po dabe, te aga king pedelama bidali sogo ela pali se te isali sogoba usu nugi palio, te se yali po dabe aseḡani buku sela nogi augwaligo te tama nogi yali, Te Profet Samuelgo Pusali Po, me Te Profet Natango Pusali Po, me Te Profet Gatgo Pusali Po, te profet bidi selago te Devitgo yali se po aseḡani dao.^f ³⁰Te buku dabede te Devitgo bomai se yali po aseḡani elaluali, te aga king bidali sogo te toḡ kantri tonalubo kolesaga yali po aseḡani buku elaluali. Te agaba gasa se dabe pedelali po me augwaligo pusali, te Israel we bidi augwaliba me te Israel bagualualio toḡ kantri dabeba me te se pedelali po elaluai dao.

^d 29:23 1 Kin 2:12 ^e 29:27 2 Sml 5:4-5; 1 Sto 3:4 ^f 29:29 Te buku sela te profet dabego polobadu aseḡani, megi da augwali hagawalio, te menagiai po te augwalide elaluali te dago konebe dao.